

دعاء الروح

ديوان : قصيده واحده بالعاميه المصرية .. في مدح سيد البرية



شعر : إبراهيم رضوان



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كلياً أو جزئياً بأي شكل وأي وسيلة سوف يقع تحت طائلة المسائلة القانونية.

دار الأديب للطبع والنشر والتوزيع
دعاء الروح.. (الطبعة الأولى)

ابراهيم رضوان

2021/15797 بدار الكتب المصرية

978-977-6909-03-8

تصميم واخراج .. دار الأديب .



daraladeeb@Gmail.com

Tel: 002- 01014449164

اسم الدار

اسم الديوان

اسم الشاعر

رقم الإيداع

الترقيم الدولي

الإخراج الفني..والغلاف



الجزء الأول

يا ربّ

هارب وشارب حكمتك
ضارب خيامي في السما
إوهب يا قادر جنتك
لقلوب أمينه .. مسلمه
**

المصطفى .. الله عليه
جايب عشاننا جبال نعم
الضى خارج من عنيه
يملى أراضى الكون نغم
**

ويلى يا ويلى م السراب
م الكذب والحرف الرخيص
إفتح عشان أرواحنا باب
طهرنا دايم بالحديث
**

إنت وجود .. مالهوش حدود
وشروق مفيش بعده شروق
غفار .. عليم .. رحمن .. ودود
قادر تخلقى العبد فوق
**

وجدانى طه .. يا نجوم
زالت هموم الروح معاك
يا رسولنا يا محيط العلوم
شَبعت روحنا من سناك

نام الوجود يا فارس
وازاي أقدر أنا
أستاذ جوه المدارس
يا طه بدون كلام
**

فرحه وبهجه لى
ونجوم بتبان فى ليلى
الهمسه ربانيه
يا طه .. جوه نيلى
**

دليلى عنيك يا راسم
كرمك فوق الوجود
على كل الدنيا قاسم
يا طه .. جبال ورود
**

أهرب من إيه وفين
حبك داخل دمايا
يا همسة الحنين
يا باين فى المرايه
**

زایل هموم فى قلبى
واحتاجك كل حين
إنت يا طه حبى
وانت نهر الحنين

أطلعك فى العلالى
يا طه واجيب نجوم
أزرعك فى الليالى
قلبى من غير هموم

طه يا بحور حروفى
نفسى أقول قصيده
ساعات يخنقنى خوفى
واكتب أشعار معاده

دوامه جايّه رايحه
وبايحه بالنساييم
غازل نجومى سبّحه
فى بحور البهجه عايم

باين صوتك يا غالى
يا بلسم للقلوب
يا هلال فوق راسنا على
قايد كل الدروب

ليلى الطويل نادالك
وجالك بالسهاد
كان لون الدنيا (حالك)
حالك خلاه ميلاد

صحيت مشاعرى بالآيات
وبقيت جرس جوه السكون
يا خسارة العمر اللى فات
كان البعاد عنك جنون

آه يا أحد .. آه يا صمد
يا خالق الروح البراح
لا لك شريك .. ولا لك ولد
والكل سلم لك .. وباح

ظهر الصنوبر .. بعد شوك
مبروك رجوعك للضمير
غشوك زمان لما خدوك
للضلمه فى الليل الضير

صالح يا قلب بدون حدود
نازل .. وطالع للعُلا
الراحه .. فى لحظة سجود
والساحه .. طاهره بالصلا

عايز صراحه فى كل شئ
خلينى واضح ع الدروب
خلى الجميع لى صديق
وافتحلى أبواب القلوب

يا مصطفى .. يا حبيب الروح
نورك حمام الدوح فينا
لما الفؤاد أصبح مجروح
رفرف على أغلى مدينه

المشتاقين واقفين بحنين
مستنظرين منك نفحه
ما زلت جوه الدنيا أمين
ما زلت للمحروم فرحه

فى الروضه كان دمعى بيرسم
لحن المحبه وأزهارها
الفرحه ممكن تنقسم
ع الدنيا .. ويفيض من نورها

أشتاق إليك قبل رحيلى
تنزل دموعى المشتاقه
تسأل كثير عن أحوالى
يا طه إمتى هانتلاقى

ولا لى غيرك ع السكه
ولا فى إلا حديث الروح
نور المدينه .. ونور مكه
بيظمنوا القلب المجروح

جينا إليك بدموع
ورجعنا .. روحنا خضوع
واشتقنا للأنوار
الله يا أحلى رجوع

يا طه .. واما ناديت
ريدت على المشتاق
نظره يا أهل البيت
للصحبه .. والعشاق

يا مصطفى .. والشوق
قايد فى قلب الروح
آيه .. خدتنا لفوق
داوت فؤاد مجروح

يا مصطفى .. وقاسيت
علشاننا ليل ونهار
يا ما علينا ناديت
يا أعظم الأسرار

يا مصطفى .. يا صديق
ليتيم وحيد محروم
صبحت صلاتنا طريق
بيداوى فى المهموم

الله عليك يا رسول
يا دعوة الرحمن
نزلت دموعنا سيول
فى قراية القرآن

تسقينى .. أهمس : هات
أحاديث ونور وآيات
يا مصطفى .. يا حبيب
يا إمامنا فى الصلوات

الله عليك إنسان
حساس .. رقيق .. محروس
شافى من الأحزان
فوق اللى خان بتدوس

يا طه .. واحنا فداك
ومعاك لآخر يوم
كل القلوب شايفاك
يا مُنصف المحروم

جينا إليك شايلين
شوقنا فى دمع العين
آه يا أمين ع الكون
إحمينا م الخائنين

الله عليك .. هادى أمين
جوه قلوب المؤمنين
يا سيف .. فى وجه اللى اعتدى
ورغيف عشان المسلمين

يا مصطفى .. نزل الكتاب
على قلبنا جوه الرياح
إرتاح طريقنا م العذاب
ودخلنا من باب السماح

سلمت روحى لحضرتك
فى سكتك .. نطق السكوت
يا طه .. لسه همستك
ليها فى قلب الدنيا صوت

أستنى نورك كل يوم
والجنه قدام الجموع
زالت من القلب الهموم
ويا الخضوع .. ويا الخشوع

فى الفجر بتكون الدليل
تطلع معانا ع الجبل
ألمح حديثك ألف نيل
وتكون عشان الروح أمل

قلبي خلاص ارتاح
بالحب .. والقرآن
أرجوك .. يا رب .. سماح
نادم على اللي كان

يا رب .. جيت لحماك
أطلب رضاك يا كريم
إزاي في يوم أنساك
وانت اللي بى عليم

الآيه لى طريق
مزرع نخيل الماظ
أحتاج .. أشوفها صديق
وجبال من الإعزاز

إزرعنى جوه الليل
نخلة حنان للناس
للجنة .. خُدى دليل
و " هديل " وتر حساس

يا رب .. مش محتاج
إلا رضاك وضياك
لو وضعت فى الأمواج
خُدى يا رب معاك

يا حمام بيغنى وبينادى
ع الكعبه الطاهره بصوت نادى
ويقول ويانا الفجريه
أرض المختار .. هى بلادى

وياك يا حبيبى بتسمعنا ..
الدنيا يا قلب رقيق وحنون
جوه القرآن .. إنت المعنى
وانت اللي عشان الجار العون

طه الإنسان إنت صديقنا
يا رب يبارك أيامنا
قمر الخيرات .. جوه طريقنا
ومعاك بنحقق أحلامنا

يا طه وصوتك صحانا
خلانا نقوم وياك نرتاح
سيرتك ويانا .. وجوانا
وحديثك لينا يا طه صباح

إعطاك الله أكثر واكثر
يا حبيبنا وجنة أراضينا
فى إيدك الشوك أصبح عنبر
وكلام فى الضلمه بيهدينا

زايد فى الحنين
لو غيبت عن عنيّه
إنت الهادى الأمين
يا قسايد ساكنه فى
**

طه .. ع البدر نادى
يا أحلى من ضياه
إنت أساس بلادى
ورسول قلب الحياه
**

نورك خلى الوجود
يا طه ربيع رقيق
كرمك مالهوش حدود
يا نسمة الطريق
**

طه .. أشعار حنينى
بتنادى الكعبه دايمًا
دخل الغرام كيانى
قامت قسايدى تدن
**

هنيت القلب ياما
وجمايلك جوه روحى
يا أشرف ابتسامه
يا شافى جميع جروحي

قلبي .. جواه عنيك
طه .. يا نجمه هله
لما تفرد إيديك
الليل يصبح " أهله "
**

براح يا حديث حبيبى
وسماح لو قلت شئ
صوتك مفتاح لبابى
وحنان قلبك طريق
**

لو كل الدنيا غابت
يكفى الفؤاد حضورك
الروح يا طه طابت
من خيرك .. من زهورك
**

علمك فوق الجنائن
أشعار بتنادى حسنك
قمرك فى سمانا باين
والحب كله منك
**

زرعك فى كل خطوه
بينادى ع الجميع
من أول لحظه حلوه
صبح الخريف ربيع

ناوى فرار من كل شئ
ولجوء لضوء مالى الوجود
الى سحرنى زمان : بريق
واللى سحرنى الآن : خلود

انت كريم .. ويا العباد
وحليم على كل البشر
بالمصطفى .. الحب ساد
عاد المهاجر بالقمر

فضه .. أنا قلبى ذهب
بكتاب شغلنى ليل نهار
سبحانه هو اللى وهب
لى الحياه من نور ونار

جوه القاموس .. كل الحروف
ساجده عشائك فى خشوع
المُلك .. مُلكك يا رءوف
واليك هانبدأ فى الرجوع

أغلى قرار .. قررت اكون
نجمه على سكك الصفا
عمرى ما هاقدر يوم أخون
تايب وحق المصطفى

" الوحى " .. كان هو الخلاص
من ضلمة الليل الغبى
انت بنيت لنا أساس
علشان نكمل يا نبى

يا مصطفى .. وخرجنا ليك
نحميك بروحنا م الرياح
دابت قلوب الدنيا فيك
والفجر لما ظهرت .. لاح

" الوحى " .. كان بدء الطريق
يا طه .. يا نبع الضيا
كان الإله .. هو الصديق
يا نور جميع الأنبيا

علمتنا .. إزاي نكون
نور العيون للمحتاجين
وازاي يكون القلب عون
للدنيا .. يا أعظم مُعين

" الوحى " .. كان هو الحياه
ولؤلاه .. ما كنا صبحنا نور
الله وهب لعنيك ضياه
خلاك فى دنيا الشوك .. زهور

الله .. أقولها بأعلى صوت
تملى ببيت الله ضيّا
إزاي وانا " مذنب " .. هاموت
وشفيعى .. سيد الأنبيا

الله .. أقولها تكون ندى
فوق زهره طاهره حنينه
ع المصطفى .. يعلى الندا
ويا القلوب المؤمنه

الله .. أقولها بالدموع
تتهز روى المتعبه
القلب قايد بالخشوع
وصلاتى هى المركبه

الله .. ولا لى سواك
جوه الخريف اللى ابتدى
ماشى فى قلب الليل معاك
والقلب بالنور اهتدى

الله .. أقولها بشوق واعيد
واتدارى من كتر الذنوب
الله .. أقولها النور يقيد
والفجر يحضن فى الدروب

ساجدين فى قلب مكه
ويا النبى المثالى
قرآن الفجر سكه
لو طالت الليالى

أحمد .. وسيت روى
فى مقامك الرقيق
واما بتطول جراحى
تقابلنى ع الطريق

ولا لى حد غيرك
يشفعلى لاجل انول
ساكن فى القلب طيرك
وباحبك يا رسول

حبك يا طه خدى
للعالم الجديد
عن أى نار بعدنى
خلانى أكون سعيد

يا سيد البرايا
وخلصه الوجود
دايما موجود معايا
حتى ساعة السجود

يا مصطفى .. روحى عليك

متشوقه .. متلهفه

لما نادينا بحب لىك

رديت علينا يا مصطفى

متشوقين .. واحنا معاك

ومروحين .. بجناح شفا

الله عليك .. خدنا ضياك

لمدينه مليانه شفا

جينا وروحنا يا رسول

وانت بداخل قلبنا

ظهرت على كل السهول

صورتك .. يا عايش جنبنا

فى ضلتك .. خدنا الهوى

الله على عشق القلوب

إنت الحنين .. وانت الدوا

إنسان حقيقى بدون عيوب

يا مصطفى .. صبرتنا

على كل أحزان الحياه

بكتاب عظيم .. كبرتنا

طهرتنا .. ويا الإله

الدرس المُستفاد

منك يا " سراج منير "

[لازم كل العباد

تتعامل بالضمير]

ماشى يا طه بينا

داخل على المدينه

السكه شمعاه قايده

والروح مليانه زينه

علمت روحنا تفضل

على باب المولى .. عايزه

لكل حاجه تقبل

وتنول يا طه جايزه

أرجوك تكون شفيعنا

أصل الذنوب كتير

ياما فى الدنيا بيعنا

ياما نسينا الضمير

ولا لينا (ضى) غيرك

يهدينا ع الدروب

لسه عايشين فى خيرك

يا خالد فى القلوب

نور العدالة .. كان طريق
لك يا رسولنا المصطفى
الله فضل وياك صديق
حارس فى قلبك بالشفاف

إسلام ظهر .. دخل القلوب
والكل ساجد ع الجبل
الى ظلم .. راجع يتوب
أصبح كتاب الله أمل

يا مصطفى .. كنت الدليل
فى دنيا تايهه فى الضلام
الكل ضايع جوه ليل
والسكه قايده بالآثام

إسلام .. دخل كل المكان
سيطر على قلوب البشر
النور فى كل الأرض بان
يا هديه طاهره م القدر

وصل الأذان يا مصطفى
فى كل أنحاء الوجود
كل القلوب متألفه
والدنيا .. فى حالة سجود

سلمت قلبى للحروف
طاهره .. فى آيات الكتاب
إرحم دموعى يا رءوف
واحمنى فى يوم الحساب

سلمت قلبى للحديث
للهادى .. قنديل الوجود
كان الفؤاد .. فى الليل (حبيس)
ووصل رحابك بالسجود

سلمت قلبى للرفاق
لحظة دخولنا للمقام
الله على طعم الضياء
ساعة وصولنا بالسلام

سلمت قلبى يا إله
للحب .. وجبال الصفا
بيك الحياه .. صبحت حياه
فى حب طه المصطفى

سلمت قلبى .. وجيت إليك
يا رب أطلب رحمتك
قلبى سجد ما بين إيديك
واتدفى جوه شمسك

الجنة دى للمتقين
يا رب .. خُذنا لجنتك
بالمصطفى الهادى الأمين
ضلل علينا برحمتك
**

الجنة لينا .. لو نتوب
لو نعرف الحق المبين
جوه أدان فجرك ندوب
نمشى على هدى الأمين
**

الجنة باب .. مفتوح لنا
ندخل إذا صُوننا العهود
تصبح نفوسنا مؤمنة
ونكون على القرآن شهود
**

الجنة .. مين يوصل هناك
إلا الى قلبه من دهب
يصبح ما بين الناس ملاك
يطفى التعب .. ببحور أدب
**

الجنة .. إخلاص النفوس
وخروج من الليل السراب
نقدر على الباطل ندوس
ونشوفها فاتحه لينا باب

من نظرتك .. خرج اليمام
طاير .. بيحضن فى الفضاء
يا مصطفى .. قولنا سلام
رديت على القلب الندا
**

لما تَوينا نكون معاك
وضينا روحنا م المطر
شوفنا على الشباك ملاك
ساجد فى أوقات السحر
**

شدينا فى رحال الرجوع
ودخلنا بابك فى ابتهاج
سيطر على قلوبنا خشوع
يا حب فوق الإحتمال
**

كلمتنا .. جوه الطريق
فهمتنا .. إيه الحياه
أنقذتنا .. من نار حريق
وصلتنا .. نور الإله
**

يا طه .. لما الليل يعود
نلبس فى توبك يا رسول
نلقى شبابتنا فى السجود
نوصل لمرحلة القبول

باستأذنك أرتاح
فى ضل أغلى مقام
سلمتنى مفتاح
دخلنى للإسلام
**

يا مصطفى المختار
أختار طريقك نور
بيفتح النوار
وياك .. فى أرض البور
**

قلبى زرعته نخل
فى حضرتك يا إمام
صبح السكوت تراتيل
ويمام سلام وكلام
**

صليت عليك .. حسيت
إن الطريق مفتوح
والنور .. وأهل البيت
ويايا فى ما باروح
**

يا مصطفى .. صفيت
روحي من الأخطاء
زى الهلال .. هليت
يا أجمل الأسماء

من ألف طاقة نور
خارج علينا ضياك
شالك يا طه زهور
والحب .. ما أحلاك
**

جينا لحد الباب
شفناك مداين خير
إتجمعوا الأحباب
لحظة سجود الطير
**

بيتى .. اللى نورك فيه
صوتى .. اللى فيه أحاديث
قلبى .. ندهت عليه
أصبح " مُريد " و " جليس "
**

لما بصلى عليك
يسجد نخل الضوء
وأما بفكر فيك
ألقانى طائر فوق
**

يا طه .. كنت معاك
فى الهجره .. فى الميادين
قلبى رسمته ملاك
على نخلتك يا أمين

راحل .. يا ربى .. راحل
بعد المشوار ما طال
العمر .. كان سواحل
فيها اللى صلى .. نال
**

هاودع كل حاجه
واقابل الرسول
أعمالى .. تبقى موجه
جوه نهر الأصول
**

إقبلنى مهما ذنبى
غربنى ف دنيا غادره
خلى يا رب قلبى
يصبح جنينه طاهره
**

أتوضى من بحورك
وأصلى ع البساط
يوصلنى ضى نورك
ويا نور الآيات
**

يا شايفنى .. مهما أهرب
وعارفى .. مهما اكون
راجع لزمزم اشرب
ما اقدرش ليك أخون

يا شمعدان ألماظ
قايد فى قلب الريح
بتساعد اللى عاز
وتساند المجاريح
**

طه .. مآلينا سواك
طه مآلينا الضوء
ساعة خروجنا معاك
طارت نفوسنا لفوق
**

لما دخلت الروح
صبحت سمانا نجوم
والعابد المجروح
مابقاش خلاص محروم
**

يا طه .. كان الليل
خنجر فى قلب النور
أصبحت لينا دليل
ضد الفساد و " الزور "
**

ساعدتنا فى عبور
كل البحور وياك
حتى الأراضى البور
طرحت " أدان " بلقائك

ما بين " قصر " الحياه
وبين " قبر " النهايه
طريق .. فيه الإله
ورسول .. وحديث .. وآيه

سلمت قلبي صفحه
بيضه .. مليانا قول
يا حديث .. للقلب فرحه
وهدايه .. يا رسول

بين الدنيا الغروره
والآخره .. جسر باين
خليني أحلى صوره
لحماك .. يا رب صاين

وكأنى بقلبي شايف
نور الرسول حياتي
الايه ع الشفايف
وحديثه فى قلب ذاتي

سلمت لك يا عالم
كل الأمور .. وجيت
خلى قلبي المسالم
يرتاح فى أحلى بيت

إرزقتى عيون بتشتي
ع الدنيا جبال دموع
صلح بالحب عيشتي
واوعدنى بالخشوع

يا رب .. يا خالقنى
إرزقتى بالضمير
لو لحظه ليل خنقتى
خلينى معاك أظير

يا رب .. دموعى مركب
فى زحمة العواصف
فى الماضى كنت باهر
يا حبيبى .. ألف آسف

يا رب .. غيثنى دايم
م الدنيا .. والتمنى
خلينى أبقى أحسن
وأراعى يا رب سنى

فضلك علىّ دايم
ورضاك يا رب جاهى
حتى وانا لسه نايم
بناديلك يا إلهى

حَدَرْتَنَا .. طول الحياه
م الكُفْر .. وجبال الترف
عرفتنا .. إن الإله
هو الكرامه .. والشرف

يا طه .. قنديك ظهر
جوه الحياه صبح ومسا
كل الوجود بيه انبهر
يا عظيم .. يا أعلى مدرسه

عرفتنا إن الطريق
محتاج يا طه تضحيه
خلت نجوم الليل صديق
حققت لنا الأمنيه

صلى عليك الله يا ضوء
داخل قلوبنا المتعبه
فى مكه .. كان أول " وضوء "
آه يا مدينه طيبه

سَهَرْتَنَا .. ويا " السُّور "
دخلت آياتك فى الكيان
يا مصطفى .. وانت القمر
للمؤمنين دايمًا يبان

علمتنى .. معنى الصمود
وازاي أكون مؤمن نضيف
كلمتنى .. لما السجود
خدنى .. وكان نورك وليف

يا رب .. والقرآن مكان
علشان يجمع فى البشر
نوره بيسرى فى الكيان
والحرف فيه مليون قمر

كان الحبيب المصطفى
يا رب نور مالهوش حدود
فى حضرته .. دوقنا الشفا
وعرفنا إيه هى الفروض

يا رب .. لما الجرح زاد
ناديت بحب لحضرتك
جانى الفرج .. قبل الميعاد
وزرعت قلبى .. ف سكتك

إهدينى دايمًا للصواب
سَمِينِى (عابد) مهما اتوه
إفتح لقلب العاصى باب
خلينى بسمه ع الوجوه

عَوَّدْتَنِي أَرْتاح
ساعة دخولي عليك
سلمتني مفتاح
وانا بين إيديك .. بناجيكَ

يا رب .. وانت العون
وانت اللى شافى الروح
نورك بيملى الكون
ينادينى فين ما باروح

خَلَّى الآيات مصابيح
لى فى ليل ممدود
وان كان فؤاد جريح
إشفيه يا رب الجُود

إسألنى دائما : ليه
ماشى طريق مكروه
خلينى أصبح فيه
النجمه للى يتوه

طمعان يجينى ضياك
يحمينى م الظلمات
نفسى أكون وياك
مكتوب مع الآيات

الطاعه .. طاعه للإله
الطاعه .. طاعه للرسول
لما ابتدت بيك الحياه
الله خلق لينا الأصول

دخل الكتاب .. كل البيوت
الكل تاب .. أصبح رقيق
حتى السكوت .. بقى ألف صوت
صبح الطريق .. مليون طريق

الدنيا .. كان نورها الكتاب
وإمامها أحمد فى الصلا
الدنيا .. فتحت ألف باب
والشمس باست فى الخلا

ولا كنت إلا صديق لنا
يا طه .. يا أعظم زعيم
الرمل .. أصبح سوسنه
يا حلیم .. يا أحمد .. يا كريم

بحر السماح يا مصطفى
بينادى دائما ليك بشوق
يا بدر قايد بالوفا
يا نهر طاهر للوضوء

يا رب .. يا معبود

يا محدّد الأرزرق

إن يوم هربت .. أعود

يا أعظم الأسماء

الصبر .. كان مقداً

لّى فى بحر الخوف

ما اقدرش تانى أخاف

وانا فى حماك يا رءوف

جوه المدينه لقيت

طه بيملى الكون

وناديت لأهل البيت

أصبح طريقى حنون

نام الفؤاد فى حماك

يا رب يا غفار

أبعد كتير والقاتك

للقلب ألف منار

إحيينى بالقرآن

دفينى بالأحاديث

إحمينى م الأحران

من قلب لسه خبيث

" بر السلامه " .. كتاب شريف

فى إيدى حبيب كل البشر

الله على القلب الشريف

حامى نفوسنا فى السفر

يا حبيبى .. يا قمر السما

يا طه .. يا سر الوجود

بعتك لنا .. حامى الحما

علشان لنور النور نعود

يا رب .. مهما نضيع فى ليل

لازم هانرجع للأصول

يصبح كتاب النور خليل

نمشى على جسر الرسول

يا مصطفى .. وفتحنا باب

ودخلنا ليك جوه الزحام

نَجينا من ليل اكتئاب

واوعد قلوبنا بالسلام

يا رب .. مهما نتوه .. معاك

هانلاقى بر نجاه قريب

الله على همسة ضياك

قدام مقام طه الحبيب

ومفیش کتاب .. بعد الآيات
ومفیش " نبی " .. بعد الشفیع
سلمت قلبی للصراط
عمری ما هاقدر يوم أبیع

أفتح کتابك یا رءوف
وأشوف نجوم الخیر معاك
إحنا على الدنيا ضیوف
والرزق كله من سناك

یا رازق الفجر البراح
ملايين بتسجد فی خضوع
عصفور غرق جوه الرياح
أنقذت قلبه بالخشوع

یا رب .. كون لى الرفیق
لو طال على روحنا السفر
خلی الرحیل یصبح رقیق
خلی الطريق .. همسة قمر

یا رب .. جینا .. عشان نكون
إقبلنا یا رب القبول
إحمینا من جرح الظنون
واشفع لقلبی بالرسول

أرتاح .. إذا قریت الآيات
والنفس تهدی بالصلا
یا رب .. لو فی حماك أبات
أوصل بروحی للعلا

أرتاح إذا خدنی الحديث
یا رب .. للنور الحلال
فی الضلمه .. مش باين بصيص
فی الفجر .. میت مليون بلال

یا رب .. لما اللیل یدوس
فوق النفوس المتبعه
نلقى فی آياتك دروس
والفجر .. یصبح مركبه

یا رب .. إسند خطوتی
فوق جسر مش مرسوم بنور
خلینى أعرف وجهتى
ولا اقول فی يوم یا رب " زور "

دفینى بالقرآن هنا
دفینى بالهادی هناك
ویا القلوب المؤمنه
العاصی یتحول ملاك

سلمتني .. راية رضا
كلمتني .. ليلة الدموع
يا مصطفى .. وانت النداء
وانت الهدايه للجموع

ساعة ما ضاق القلب جيت
أنده عليك جوه الزحام
جنب المقام .. أنا لى بيت
لحظة لقاك .. عندى كلام

قالوا : باحبك .. حب إيه ؟
أنا حبي أكبر م الوجود
يا مصطفى .. ما اعرفش ليه
باسمع فى همسك .. فى السجود

وصانى رب العرش اكون
وياك يا طه للأبد
أبقى عشان الكل عون
واصبح عشان الكون سند

يا طه .. زورنى .. ضمنى
خلينى أفرح باللقا
غير الإله ما يهمنى
ودموعى ليك متشوقه

صابر .. على سكة جهاد
عابر لروحنا .. يا نبى
خليت عشانا الموت ميلاد
يا منايا كله .. ومطلبى

صابر .. ومين غيرك صبر
على سكه طاهره مؤمنه
طه .. تاريخك كان عبر
والثانيه فيك .. مليون سنه

يا مصطفى .. يا بهجتى
يا فرحتى بعد اللقا
صورتك يا غالى فى مُهجتى
وعنيّه ليك متشوقه

صابر على عَصَف الرياح
على ليل طويل من غير ضيّا
علمتنا معنى السماح
الله يا نور الأنبياء

من همستك .. البدر بان
كان اللى كان يا مصطفى
يا رسول .. يا أطول م الزمان
يا حبيب .. يا أدفى م الدفا

على توبك الطاهر ندى
الله عليك فى طلعتك
يا مصطفى .. وانت الهدى
واحنا " صحابة " حضرتك
**

على توبك الطاهر هلال
أخضر .. بلوق قلب الصفار
إسمك على كل الجبال
صوتك بببنى فى الديار
**

يا مصطفى .. مهما نروح
أو نيجى .. إنت النور مبين
وياك يا نور طاهر نبوح
يا دليل لكل المؤمنين
**

آه يا فناره وضوء نضيف
مالى الجهات .. مالى الطرق
نور الكتاب .. للناس وليف
يا نجم جوه الليل برق
**

طه .. ومين ينساك فى يوم
وانت النجوم .. وانت القمر
بتزيل من الروح الهموم
وبيحلى وياك السهر

ما زلت فى كل الأمم
أعظم فناره منوره
الكون ينادى .. تقول : نعم
إدعوا الإله .. بالمغفره
**

ما زلت فى كل الشعوب
رمز المحبه الوفاء
دقة إيمان جوه القلوب
وحنان .. ونسمه .. واشتياق
**

يا طه .. نجم الضوء برق
ساعة دخولك ع الجموع
إزاي فى لحظه نفترق
وانت اللى ساكن فى الضلوع
**

يا مصطفى .. فجرك ما زال
واضح عشان كل البشر
كنت الإيمان .. والإبتهاال
يا حب لسه بينتشر
**

طه .. ومين غيرك فضل
يهدى النفوس الآثمه
وردك .. لا عمره فى يوم دبل
ولا يوم بعدت عن السما

قلبي .. زرعته للجميع
فدان ربيع .. وقرنفله
الحق مش ممكن يضيع
ولا يرضى إلى بالعلّا

قلبي زرعته فى النجوم
قمر المحبه الأحمدي
بيدق فوق باب العلوم
وهمس لروحي : إسجدى

يا رب .. والدنيا سراب
إحمينا من بحر الهوى
لسه العيون .. فيها تراب
والسكه محتاجه دوا

سلمتنى لرسول كريم
علمنى اكون نسمة أمل
إرحمنى من ذنبى القديم
خلّى جراحي تندمل

يا رب .. كون لينا الملاذ
والعون إذا احتاجنا سند
هَنّى نفوسنا بالعُراز
واعطف علينا للأبد

دَوَّبْتُ قلبي فى بحر شوق
وسقيت جميع الناس آيات
لما أخذت النفس فوق
شفتك يا طه بوابات

دَوَّبْتُ قلبي فى الحديث
نزلت دموعى فى الصلا
دا ما كانش جوه الليل بصيص
أصبح نجوه جوه الخلا

يا مُرشد القلب اللى تاه
ومداوى فى الجرح اللى طال
إحنا عبيدك يا إله
إوهبنا نور الإحتمال

يا اللى غفرت ذنوب كثير
سامحنى دايمًا ع اللى كان
خلّى رمال الليل حرير
خلّينى بين الناس أدان

يا رب .. والقرآن ما زال
بيوضى قلبي بالحروف
كان الوصول .. صعب المنال
لكن وصلنا يا رءوف

يا همستى .. فى الليل
يا شمسى فى الضوء
لو جفت القناديل
ضيك مشاعل شوق
**

أحمد .. معاك رحمن
ستار .. كريم .. ورعوف
نزل عليك قرآن
وحفظ عنيك م الخوف
**

يا مصطفى .. أرجوك
تسامحنى ع النسيان
فى البعد .. داسنى الشوك
وتعبت م الأحزان
**

مين اللى يقدر مين
يُصبر سنين وسنين
ويقاسى م الكفار
غيرك يا أعلى أمين
**

ييجى الزمان ويدور
وانت العزيز ع القوم
بتنادى ع المغرور
يصحى بقى م النوم

لما القرآن نادانا
لبينا .. وجينا ليك
من " زمزمك " سقانا
فسجدنا بين إيديك
**

يا رب .. وانت عالم
بالدنيا .. والظروف
خلى قلبى المسالم
فى رحابك يا رعوف
**

فى الفجر قلبى يجرى
ويدق بابك ضياك
يا مالك كل أمرى
فى قلب الروح هواك
**

لما الرسول وصلنا
فرحنا بالوصول
شفانا من كسلنا
ودوانا بالأصول
**

يا عالم بالبرايا
خلى النهايه نور
خلى القرآن معايا
وازرعنى فى السطور

لحظة دخولنا عليك
قولنا يا طه الله
شوفنا النجوم حواليك
يا بدر .. فى معناه
**

ساعة دخولنا النور
ضلل على الطرقات
قلبى صبح عصفور
ريش الجناح حسنا
**

الوحي لما أتاك
إتهز باب الكون
ربك كريم .. خلاك
آيه فى وسط سكون
**

إسمك حروفه إيمان
صوتك سحاب ملهوف
بتدوس على البهتان
من غير قلق ولا خوف
**

يا مصطفى .. شوفناك
فى كل حته إمام
باصص من الشباك
بتبارك الإسلام

نور " المدينة " يا رسول
مالى جميع الكون حياه
علمتنا أصل الأصول
عرفتنا فى الإله
**

ولا لنا غيرك فى الرحيل
ولا فىنا إلا دعوتك
إحنا رضينا بالقليل
ما دومنا جوه سكتك
**

يا طه .. خلّيت الجروح
ورده .. ودفيت القلوب
لو يوم تبان .. الروح تبوح
والنفس للرحمن تتوب
**

يا " نبع " صافى م الإله
يا " شرع " شافى للنفوس
بالحب .. طهرت الحياه
يا طه .. يا أحلى الدروس
**

لما ابتدينا معاك نفوق
وكسرنا وياك الصنم
روحنا بضياك .. طلعت نفوق
قالت لرب الضوء : نعم

ضىّ الحديث مطلق
يا طه ع الطرقات
إحنا غلبنا الشوق
وأخذنا حب الذات
**

تفكير إلهى .. عظيم
يا حبيبى .. يا إنسان
ربك يا طه عليم
بالحق .. والبهتان
**

كانت رسالتك شئ
نافع لكل الناس
أجمل قمر فى طريق
طيب .. رقيق .. حساس
**

فى زحمة الميادين
إسمك فى كل مكان
طيفك فى ضىّ العين
إنسان معاه قرآن
**

يا مصطفى والليل
كان ليل مألّش ضمير
يا اللى مالكشى بديل
الرب فى التدبير

أهدى كثير جدا
لو دوقت نورك يوم
صوت السكوت يدن
تصحى الحياه م النوم
**

مختار .. ودوقت رضاك
ساعة ما قلت الله
خدنى لمكه نداك
يا بدر غالى ضياه
**

يا مصطفى .. شमित
ريحة عبير الشوق
ساعة دخولى البيت
أنا كنت طالع فوق
**

وبتحكى كل الناس
عن حُسنك الفتان
منجم من الإحساس
محمى من الرحمن
**

دخل السحاب فى الروح
فاضت بأعلى آيات
نيجى معاك ونروح
فورا .. بننسى الذات

ويا " الضراعه " و " الرجاء "
رافع إيديّه للسما
إحمينى من داء النفاق
من كل كلمه مضلمه

يا رب يا عالم بنا
إكفيننا شر طريق يخون
خلى قلوبنا مؤمنه
طاهره .. وأكبر م الظنون

سلمتنا .. نجم الأصول
كلمتنا .. جوه الزحام
وصلتنا .. طه الرسول
يملى قلوبنا بالوئام

صلينا ع الهادى الأمين
سلمنا روحنا للآيات
الصمت زاد فينا الحنين
وظفينا نار السيئات

يا اللى خلقت الكون عشان
يسجد لجاهك ليل نهار
صحينا دايم ع الأدان
خلى عيوننا شعاع فنار

كان الكتاب .. هو المعين
لك يا رسول كل الأنام
قاسيت على طول السنين
ومليت حياتنا بالسلام

وظهرت يا هلال الوئام
تملى جميع الناس صفا
يا مصطفى .. ساد السلام
والليل مع الظلم اختفى

ويا ظهورك .. بان قمر
عطر أراضى الحب بيك
الحب فى الدنيا انتشر
والكل نادى يا طه ليك

ظهر الضيا .. فى كل شئ
يا إمام .. وسيد الأنبيا
أصبحت للعالم صديق
حققت أعظم أمنيّه

لما ظهر نورك .. ظهر
نور الإله صبح ومسا
الكل بالضوء انبهر
يا رسول يا أعظم مدرسه

وبتستجيب .. لو يوم دعيت
يا باعث الرزق الحلال
ريحنى دايمًا جوه بيت
فيه ناس بتسجد فى ابتهاج

وصلنى للهادى الحبيب
جوه مدينه منوره
خلينى م القرآن قريب
خلى حروفى معطره

لو كنت ناوى ع الخروج
دخلنى تانى للكتاب
خلى كلامى يبقى موج
طاهر .. فى أنهار الصعاب

خلينى دايمًا أستجير
بيك يا إله الناس .. وانول
فى زحمة الليل العسير
ألقى خلاصى فى الرسول

طمنى لو م الليل أخاف
أدبني لو زاد الخطأ
خلينى للبردان لحاف
قوينى اقول للضلمه : لا

" جبريل " .. نزل بالوحى نور
قادت حياتنا بالنجوم
فضّل الإله .. خلاك صبور
ع القسوه .. وجبال الهموم

فى الجاهليه .. يا مصطفى
كان التراب .. مالى العيون
أصنام .. آثام .. أحجار .. جفا
وضباب .. وليل مالى العيون

فى الجاهليه .. ظهرت نور
تلغى جميع السيئات
بضياك .. قلعت من الجذور
يا مصطفى " وأد البنات "

وقاسيت كثير .. ياما قاسيت
من ناس بتعبد فى الصنم
لما بنيت للحق بيت
كل اللى شافك قال نعم

ووصلت للشط الشريف
ويا العباد المخلصين
العاصى .. أصبح ليك وليف
يا مصطفى الهادى الأمين

ألقاك فى تسبيح الطيور
والصمت .. وزهور الندى
لو أنسى .. يبقى القلب بور
يصبح ندانا بدون صدى

يا رب .. يا خالق لنا
كل الحاجات الممكنة
طه حبيبك .. قال لنا :
كونوا الصحابه المؤمنه

ويهزنا صوت الأذان
نيجى إليك .. يا ربنا
الضى .. يملئ فى المكان
والهادى يسجد جنبنا

من غير سبب .. نهرب .. نعود
مع ضى طه المصطفى
نلقى راحتنا فى السجود
نلقى عذابنا فى الجفا

نقرى آياتك دون ملل
نفتح ببيان النور بشوق
الدنيا يملأها الأمل
والضلمه .. يحضنها الشروق

كبرتتى بين البشر
طهرتتى بحروف آيات
سهرتتى جنب القمر
وصلتتى أحلى الصفات

يا رب .. نجم الليل ظهر
الدنيا ساد فيها الوئام
الحب فى الدنيا انتشر
وأخذنا من طه الوسام

صليت وجيت لاجل اشرك
يا خالق الكون البراح
فى كل لحظه أذكرك
يهدى العذاب .. ويا الجراح

يا رب .. كون لى غطا
لو ليله اضيع بين الزحام
من غير هُداك .. متشتته ..
كل النفوس .. والكون حطام

ومشيننا والمختار دليل
وكتابك الشافى طريق
إيماننا بيك .. مالهوش بديل
ولا لينا غير نجمك صديق

طه .. ومين يقدر سواك
يوصل فى ليله بالبراق
نجاك إلهنا .. واصطفاك
خلاك بحور الإنماء
**

طه .. ومين غيرك يكون
فى الكون سراج دايم منير
يا ضىّ أكبر م الظنون
يا " زهر " .. أكبر م العبير
**

علمتنا .. معنى الحياه
وازاى نكون قد الدخول
كلمتنا .. لما الإله
بَعَثَك عشاننا يا رسول
**

طه .. وكنا بدون عنيك
تايهين ومش لاقيين حما
كان الكتاب ما بين إيديك
فى حروفه أنوار السما
**

لما ابتدينا نروح معاك
إحنا وصلنا للنعيم
حتى الشيطان .. أصبح ملاك
وسجدنا للرب الكريم

جوه المدينه اتكلمت
روحي معاك يا جبال نِعَم
من كل آيه اتعلمت
إزاى تقول لله : نَعَم
**

جوه المدينه .. لقيت طيور
طايره تسبح فى السما
دفيئا يا بدر الدور
واسقى نفوسنا المُغرمة
**

جوه المدينه القلب قال
الله عليك يا مصطفى
جاوبت لينا ع السؤال
والياس وياك اختفى
**

جوه المدينه بان سحاب
مكتوب عليه (الله) بضوء
راحت ليالى الإغتراب
هَلِيتى يا سنين الشروق
**

جوه المدينه لقيت معاك
الراحه .. يا أعظم رسول
قلبي صبح وياك ملاك
عايم فى قلب محيط أصول

ولا لنا غير الآيه مكان
ولا لنا غير ضىّ حديثك
بتقيد عشاننا شموع غفران
وبتدعى لنا بإحساسك

ولا لنا غيرك ينصفنا
ويخلّى رب الكون راضى
بعنيك يا طه اتشرفنا
الله عليك مختار .. هادى

ولا لنا فى الدنيا القاسيه
غير نسمة الحب الصافى
فاكر .. وكل الناس ناسيه
يا طه .. والقرآن دافى

ولا لنا .. غير همسك لنا
إتوحدوا جوه الصلوات
جينا المدينه .. ومدينا
إيدينا .. واحنا اخوات اخوات

ولا لنا غير الفجر أذان
ولا لنا غير النور خطوه
واما تعبنا من الحرمان
خليت خطاوى النور حلوه

الضىّ .. فى عنيّه أذان
مالى الجهات الأربعه
لما انطلق .. شاف الزمان
(عابد) .. فى قلب (الصومعه)

الضىّ جوه الروح شفا
وكتاب بيملى فى العيون
لما نادانا المصطفى
زال الألم .. ويا الظنون

الضىّ كان زى الطوفان
مالى قلوبنا المتعبه
قرآن دخل .. غسل الكيان
ورسم عشاننا مركبه

الضىّ فى قلوب البشر
آيه شريفه م الكتاب
فى السهره .. يتحول قمر
فى الزحمه .. يصبح لنا باب

الضىّ واضح ع الوجوه
الضىّ سجادة صلا
لما الطيور فى الليل تتّوه
يسرج لها .. قمر الخلا

كبرت .. واتوضيت ضيا
سلمت بالقرآن عليك
طه .. يا سيد الأنبيا
لان الحجر .. ما بين إيديك
**

صليت .. وانا جنب المقام
شامم عبيرك يا نبى
الموج قابلنى باحترام
ساعة نزولى بمركبى
**

يا طه .. داريت الدموع
لحظة دخول الروح بشوق
صليت عليك .. وانا فى خشوع
والضى كان للروح " وضوء "
**

جارك إليه الكون دوا
للأمة .. يا شمس الحياه
صلينا بين الناس سوا
الله عليك جوه الصلاه
**

جبل الأمانى الأحمدى
حاضن خطايا ليل نهار
يا دنيا طاهره .. إشهدى
إن الرسول .. هو الفنار

إشتقت حتى وقلبى كان
واقف أمامك يا حبيب
مش دارى بزحام المكان
ولا شفت غير طيفك قريب
**

فى الزحمه .. كان فى عيونى شوق
والضوء أخذنى معاه يا نور
واما طلعت يا طه فوق
بالروح .. بقيت " صحبة زهور "
**

أول بيباتك كان صلاه
وسلام عليك يا مصطفى
نورك .. دخل فى الروح حياه
ونسيت معاه .. ليل الجفا
**

سلمت لك قلبى الجريح
صبرته بحروف الكتاب
أصبحت فى مدحك فصيح
حتى النجوم .. صبحت صحاب
**

ودفيت فى ضلك .. لما جيت
يا طه أسجد للرعوف
فى مسجدك .. أصبحلى بيت
وقدرت ليك بالروح أشوف

سَمِينَا يَوْمَ دَخُولِنَا
وَسَجَدْنَا فِي الْمَقَامِ
نُورِكَ يَا طَه جَالِنَا
بِالْحُبِّ .. وَالسَّلَامِ

لَمَّا احْنَا جِينَا دُوبِنَا
وَتُوبِنَا مِ اللّٰهِ فَاتِ
كَانَتْ دَقَّةُ قُلُوبِنَا
أَحَادِيثُ .. وَيَا الْآيَاتِ

جَوْهَ الْمَدِينَةِ طِيرِنَا
وَارْتَحْنَا فِي السَّحَابِ
بَانَ لِلْجَمِيعِ قَمَرِنَا
وَأَمَرْنَا نَكُونُ صَحَابِ

يَا رَبِّ .. كُونْ لَطْفَهُ
الْجَنَّةِ وَالضَّفَافِ
لِسَهْ لَعْنِيهِ ضِيَاهَا
وَحَامِينَا مِ الْجَفَافِ

أَحْمَدُ .. خَلَيْتُ نَفُوسِنَا
سَاجِدَهُ فَوْقَ الْجِبَالِ
لَوْ نَعْمَلْ خَيْرَ .. تَبُوسِنَا
وَتَحَقِّقْ الْأَمَالَ

وَشَرِبْتَ مِنْ نَهْرِكَ يَاقُوتَ
جَرَبْتَ أَكُونُ إِنْسَانُ رَقِيقَ
شَفْتِكَ يَا طَه فِي الْبُيُوتِ
آيَهُ .. وَشَمْسُ حَدِيثِ صَدِيقِ

شَفْتِكَ يَا طَه فِ كُلِّ شَيْءِ
عَايِمُ فِي نَهْرِ الْمَعْجَزَاتِ
رَيَّحْتُنَا مِنْ كُلِّ ضَيْقِ
وَنَسِينَا عُمُرَ .. فِي ضَلَمِهِ فَاتِ

وَشَرِبْتَ مِنْ نَهْرِكَ حِكْمَ
حَكَمِ الزَّمَانِ نَصَبِ صَحَابِ
يَا مُصْطَفَى .. مِنْذُ الْقَدَمِ
وَإِنْتَ السَّحَابِ .. فَوْقَ السَّحَابِ

وَشَرَبْنَا مِنْ نَهْرِكَ آيَاتِ
دَخَلْتَ قُلُوبَنَا الْمَتَعِبَةِ
إِحْنَا مَشِينَا عَلَى الصَّرَاطِ
صَبَحْتَ نَفُوسَنَا طَيِّبَةِ

يَا طَه .. قَنَدِيلُكَ سِرْجِ
خَلَى لِيَالِي النَّارِ نَهَارِ
مِنْ نُورِهِ يَا مُخْتَارَ خُرْجِ
مِلْيُونِ مَنَارِ .. لِأَجْلِ الصَّغَارِ

رُوحنا جماعه للصلا
ورجعنا فوق جسر الحنين
شفنا ملامحك فى الخلا
يا مصطفى الهادى الأمين

الرب .. جابك للوجود
رحمه ونور للعالمين
دَوَقْنَا طعم السجود
وازاى نجيك مسلمين

إحنا وقفنا باحترام
ساعة ما هل النور وزاد
الشمس باست فى المقام
والحب أصبح لينا زاد

إرتحنا جنبك يا شفيح
نزلت دموعنا ع الخدود
جوه الخريف .. إنت الربيع
وانت الحقيقه بدون حدود

راجعين إليه بعد الغياب
يا طه .. وتعبنا السفر
الراحه صبحت لينا باب
والليل صبح مليون قمر

صافى ودافى بالكتاب
شافى الوجود بالمعرفه
الجنه ليها ألف باب
إفتح لنا .. يا مصطفى

صافى ودافى بالحديث
جايب مشاعل خير لنا
لما ظهر م النور بصيص
طهرت دقة قلبنا

صافى ودافى بالرفاق
فوق الطريق الأحمدي
خليتنا نكره فى النفاق
ونقول : يا ضلمه .. إبعدى

صافى ودافى بالكلام
خارج من القلب الرقيق
واقف على كتافنا يمام
بيدلنا جوه الطريق

صافى ودافى وشافى روح
كانت جريحه فى الزحام
لو نيجى .. أو حتى نروح
لازم هانرجع للمقام

المُلك لك .. يا ذا الجلال
يا رب .. يا هادى النفوس
رددت إسمك فى ابتهاج
وشربت من نهر الدروس

المُلك لك .. يا ذا الكرم
يا حامينا من كل المحن
المصطفى .. داق الألم
لحد ما وصل الوطن

المُلك لك .. يا ربنا
يا اللى انت عالم كل شئ
طه الشفيع .. فى قلبنا
هو الحمايه م المضيق

المُلك لك .. ولا لك شريك
ولا لك شبيه .. جوه الوجود
إحنا سجدنا بين إيديك
الله على طعم السجود

المُلك لك .. يا أغلى جاه
إوهبنا بيك المعرفة
الأرض باست فى الجباه
فى سجودنا ويا المصطفى

شعارك .. كان محبه
بتنور الوجود
وتجمع الأحبه
يا طه .. فى السجود

شعارك .. كان تواصل
بيجمع كل القلوب
بيننا مفيش فواصل
ساعة ما ندوب .. نتوب

شعارك .. كان .. هانسعى
مهما الأيام تضيق
نخلق م الدمعه .. شمع
تهدينا ع الطريق

شعارك كان .. نناضل
علشان الدين يسود
وياك صحاب أفاضل
جمعتهم الفروض

شعارك كان يا طه
هو شعار الإله
كلمة إيمان .. صداها
مالى كل الحياه

لما ابتدينا نتوب
وندوب مع المختار
صبحت قلوبنا قلوب
مزروعه بالأزهار

يا مصطفى .. ولقيت
بيتك ملان أشواق
حنيت لآل البيت
وناديت وانا مشتاق

علمتنى ألقاك
جوه كتاب الله
أشرب يا طه نَدَاكَ
تصبح حياتي حياه

من غير صلاتي عليك
يا أغلى قلب أضيع
واما أفكر فيك
يصبح خريفى ربيع

يا شفيع عشان الناس
الله عليك إنسان
قلبك وتر حساس
بيدق بالقرآن

سلمت ليك يا رب
النهر .. والسفينه
يا ساكن كل قلب
وهاديننا .. نور نبينا

سلمت لك فؤادى
وبقيت إنسان شريف
حاضن قرآن فى إيدى
جايب للناس رغيـف

سلمت لك حياتى
علشان أقدر أنام
فى " مكه " ذكرياتى
يا رب .. و " المقام "

سلمت لك عنيّه
علشان أقدر أشوف
جار الزمان علىّ
نجيتنى يا رءوف

سلمت لك شبابى
وصاحبت فى الصحابه
للنور فتحت بابى
ووصلت للسحابه

فى سجودى .. شُفت طيفك
مالى كل المكان
القلب الصافى .. ضيفك
يا أكبر م الزمان
**

جوه المدينه .. قلبى
إرتاح من الهموم
ساعة ما كنت جنبى
يا منجم العلوم
**

الله عليك يا طه
يا منبع الحقيقه
إنت للروح ضياها
نسمتها لو رقيقه
**

الصبر .. كان شراعك
جوه بحر الحياه
ياما نزلت دموعك
فوق سجادة صلاه
**

وقاسيت يا طه .. لكن
بالنور .. وصلت بينا
يا اللى انت لسه ساكن
جوه مليون مدينه

قارب نجاه يا رسول
أنقذتنا م النار
وياك قدرنا نثول
ونكمل المشوار
**

نطلع معاك لنجوم
طاهره .. نقول ونعيد
يا جنه للمحروم
وشموع يتيم فى العيد
**

دفينى .. لو هاحتاج
واسقبنى .. لو عطشان
لسه رسالتك تاج
للعابد الإنسان
**

لما اصطفاك الله
صبحت عنيك أنهار
فيها القمر وضياه
والأرض والأمطار
**

يا مصطفى .. هزيت
روحنا بأعلى كتاب
وبنيت عشاتنا البيت
عالى بمليون باب

نجينى يا رب العباد
من كل ليله مضلمه
ما تخليش أراضى البعاد
خلينى نجمه فى السما
**

نجينى من ليل التعب
عدينى من بحر الغناد
إرسمنى سكه للأدب
واحمينى من نار السهاد
**

نجينى يا رب الأنام
من كل كلمه بدون هدف
إجعلنى نسمة وابتسام
وسلام .. وترنيمه شرف
**

نجينى من جار الأذى
صفينى لاجل أكون رقيق
خلى حياتى معززه
لو حتى ضاق بيها الطريق
**

نجينى من أرض النفاق
خلينى كلمه معبره
إحمينى من داء الفراق
خلينى سكه مقدره

نورك .. أخذنى معاه بعيد
وارتحت من صحرا العدم
فى كل يوم .. ألقى جديد
ألقى النواح .. أصبح نغم
**

عرفتنى .. معنى الأصول
شرفتنى .. بين الأمم
لحظة دخولى ع الرسول
قال السكون .. مليون نعم
**

يا رب .. والقرآن خلود
آه يا سجود .. طول الزمن
العاصى .. لازم يوم يعود
تصبح آياتك ليه وطن
**

دوبنى أكثر من كده
فى الآيه .. يا رزقى الحلال
خلينى للورده ندى
خلينى للمدنه بلال
**

يا رب .. كون لينا الرفيق
فى رحلة العمر الطويل
لما انخدعنا بالبريق
صبح الرسول لينا دليل

رددت إسمك لما جيت
وماليش أنا غيرك ندا
وصلت قلبي لأغلى بيت
وصلت روى للهدى

يا رب .. قرآنك جُصور
بيننا وبين باب الدخول
الايه نور .. فى قلب نور
وزهور بتنده للرسول

يا رب .. يا حامى الحما
إحمى قلوبنا م الشقا
خلينا نوصل للسمما
بعد الهروب م الشرنقه

لما ابتد نهر الإيمان
يجرى بفرحه فى العروق
حسيت بأن البدر بان
بعد الغروب .. قبل الشروق

أنا جوه روى زلزله
أنا جوه قلبي هموم جبال
ريحنى دايم بالصلاح
فرحنى دايم بالحلل

نور حضرتك لو بان
ع الدنيا .. تصبح نور
يا ماشى بالقرآن
يا طه .. يا منصور

لما اتجهنا بشوق
لمدينه فيها ضياك
قلبي ارتجف م الضوء
وسجدت يومها معاك

يا مصطفى .. هزيت
قلبي .. بأجمل قول
الله عليك هليت
إنسان وأغلى رسول

إشتقت لك يا حبيب
للزحمه جوه حماك
لو كنت راجع .. اجيب
قمرايه من ذكراك

سامحنى يا مختار
ع الصمت والتأخير
قلبي غريب الدار
فى البعد لسه كسير

ولا حد غيرك يوم
يقدر يهز قلوب
وياك قدرنا نقوم
م النوم .. قدرنا نتوب
**

طه .. وجيت أراضيك
نزلت دموعى جبال
نفسى فى يوم أرضيك
وأنام سعيد الحال
**

لما اتجهت إليك
إرتحت م الأحزان
يا اللى سقيت بإيديك
أشجارنا بالقرآن
**

نفديك بروح الروح
لو أى ريح تأذك
والقلب لو مجروح
ببلاقى راحته فيك
**

يا مصطفى .. والكون
غفلان .. بدون إحساس
بس الإله فى العون
هادى جميع الناس

القلب .. والبدن
بيوحدوك يا رب
النور للروح سكن
يا عليم بكل قلب
**

سلمت لك فؤادى
وسجدت ليك بشوق
باعت لقلوبنا " هادى "
واخذ نفوسنا فوق
**

من فوق جبل الترجى
دعيت وبكيت كثير
قادر يا رءوف تنجى
عبدك من ليل عسير
**

نجينى من مصيرى
نفسى فى النور أشوف
تايهه فى ضباب طيورى
إهديها يا رءوف
**

الله .. بقولها دايم
وارتاح من الجراح
باهواك يا رب جدا
أرجوك .. محتاج سماح

يصحى الوجود على صوت
هادى .. حبيب .. وأمين
فوقوا .. لأن الموت
ماشى مع المشيين

كانت آيات الله
فى نظرتك قرآن
فى قلوبنا كانت " آه "
كان فى العيون أحزان

ووصلت لينا بنور
خلانا فوق الفوق
وسقيت نفوسنا البور
آيه .. حروفها " وضوء "

عَوَدَتْنَا نَلْقَاكَ
فى ألف ألف مكان
م الباب .. وم الشباك
تسمع قلوبنا أذان

تحمينا م الأعاصير
ومن الخداع .. والخوف
لازم يعود الطير
طول ما الجناح ملهوف

باستغفرك .. كُتِر الذنوب
صبحت جبال على صدرنا
إغفر لنا .. لو يوم نتوب
يا عليم بحالنا .. وسرنا

فى نور آياتك .. كل شئ
" نار الندامة " .. و " النعيم "
المؤمن التايب .. رقيق
وانت يا رب الكون كريم

سلمنى للقرآن يا نور
مالى السما بنجوم دهب
لو شوفتنى مليان غرور
يا رب .. علمنى الأدب

أنا فى حماك .. لكن ساعات
باهرب .. وباشرب من غروب
لكن إذا قرئت الآيات
أرجع بفضلك للدروب

لما الليالى تطول على ..
قلبى اللى قاصد حضرتك
أصحى وانام ويا الصلا
واتمنى أدخل جنتك

لما ناديتك .. جيت
عرفتني الأشياء
وحضنت " أهل البيت "
وحفّضت في " الأسماء "

دخلتني قرآن
طهرني يوم ورا يوم
الله على الغفران
لو داوى في المهموم

السكه .. كانت شوك
صبحت زهور من نور
لما اللي خانوا أدوك
دوسنا على المغرور

إحنا صبحنا جبال
قادره تصدّ الرياح
بكره يروق الحال
على أمة التسابيح

يا رب .. كون العون
قدرنا ع اللي يخون
و " العبد " لو وياك
يقدر على مليون

يا أعظم معجزه
للأجيال اللي جايه
إتحملت الأذى
يا رسول الإنسانيه

كنت الإنسان معانا
في دروب الأمنيات
كان الإسلام أمانه
يا رسول المعجزات

سلمنا لك أمورنا
ورضينا بيك إمام
الله يملك مصيرنا
يا رسول لاجل السلام

سمّينا وجينا نسعى
بين مكه .. والمدينه
نزلت من قلبي دمعه
ساعة نذاك علينا

جايين من كل ناحيه
نشاهد نور عيونك
نايمين .. وقلوبنا صاحيه
تشرب من خير حنانك

تناديننا لو ننادى

عليك جوه الزحام

الله خلى الأيادى

ممدوده بالسلام

يا طه .. ريحتنى

(سجده) قدام مقامك

الدنيا جرحتنى

وهديت بحروف كلامك

باحب كل حاجه

تاخذنى لحد بيتك

محتاجه الروح لموجه

شايله يا حبيبى صوتك

أكثر .. دفينى أكثر

خلينى من رفاقك

فى إيديك الرمل عنبر

ورقيق جدا طريقك

لما السنين تاخذنى

والليل يصبح شحيح

نورك يا رسول يعيدنى

للعالم الفسيح

الزهد .. كان طريقك

والصبر .. كان حماك

كتاب الله صديقك

والرب كان معاك

الدنيا .. علمتنى

أمشى وياك يا طه

و " مدينتك " .. كلمتنى

وشبعت من ضياها

أستاذ فى كل حاجه

وسيد الوجود

همسك فى النهر موجه

شمسك فى الليل سجود

يا شراع لاجل السفاين

ومناره للرفاق

بتدوس على كل خاين

وبتكره النفاق

لسه فى الدنيا صوتك

بيظهر كل شئ

ساجدين على بساطك

مالناش غيرك رفيق

أتباعك .. والصحابه
كانوا السند يا طه
يا " حصن " للغلابه
جوه جبال متاهه

صندوق النور فتحته
فلقيت جواه آيات
ليل الخطأ مسحته
بنجوم المعجزات

يا قائد السفينه
ومُرشد الجميع
جوه بيوت المدينه
الحب .. والربيع

فوق البساط سجدنا
وعبدنا الله بشوق
جوه المسجد .. فردنا
الروح .. وطلعنا فوق

وياك يا طه روحنا
وياك كل الأمور
لو شئ في الليل جرحنا
تسقيننا الايه نور

جنب المقام .. حسيت
إن اليمام فى الروح
رفرف .. لقيت البيت
بقى جنبه للمجروح

عايش مع اللى هَواك
مالى الطريق حواليه
يسمع يا طه نداك
تسجد فى دمع عنيه

ولا كانلى غيرك يوم
يا رساله لاجل الناس
بتناصر المظلوم
بالحب .. والإحساس

فى " غار حراء " .. جبريل
جاء لك حروف من ماس
وصبحت جيل .. ورا جيل
يا طه .. قلب الناس

ونصحتنا يا رسول
بالعدل والإنصاف
لو شُفنا حاجه نقول
من أى شئ ما نخاف

الله على الجبل العتيق
ساعة طلوع فجرك عليه
الليل بيصبح نور مضئ
والبدر يسكن تانى فيه

الله على الإنسان رقيق
حامل هموم كل البشر
خلى العيون تصبح طريق
أخضر .. وراسم فيه قمر

الله على القرآن هدى
زى الندى .. فوق الشجر
جنة إيمان للى اهتدى
وخشوع بيرعش فى السحر

الله على العبد المطيع
ماشى فى ضلك باحترام
بينادى ع الهادى الشفيع
يبعت إليه مليون سلام

الله على كل الحاجات
والمخلوقات .. يا ربنا
شلال عبر .. جوه الآيات
لاجل النفوس المؤمنه

حضرة رسول الله وصل
بالآيه .. وحروف الكتاب
أنقذ قلوبنا م الكسل
وفتح عشاننا ألف باب

حضرة رسول الله همس
للدنيا .. قومى واسمعى
البدر قال لما اتلمس
لسحابه طاهره .. (إركعى)

حضرة رسول الله شكر
ربّه على الدين الحنيف
لما اتأذى م الناس .. ذكر
فضلك .. وكان إنسان شريف

حضرة رسول الله دعا
يفضل رسول للمعرفه
فى زحمة الدنيا سعا
وصبح عشاننا المصطفى

حضرة رسول الله فتح
الباب لكل العالمين
داوى فى روح اللى انجرح
الله على طه الأمين

يا سَيِّدى .. جوه الفضاء
نجمة محبه بتذكرك
إنت سند .. للى اهتدى
واللى بقلبه بيشكرك

يا سَيِّدى .. لو حتى راح
العمر .. آجى لمسجدك
أطلب يا رب الكون سماح
واقرى آياتك .. واعبدك

يا سَيِّدى .. ضاق الطريق
بس الآيات بتوسَّعُه
من يوم فراق طه الصديق
لسه العيون بيدمعوا

يا سَيِّدى .. بيتك صبح
واحه .. وراحه للى تاه
نسمة شفا .. للى انجرح
وسجود عشائك يا إله

يا سَيِّدى .. إعطف على
عبدك .. بنسمه حنينه
إحنا جماعه فى الصلا
إقبل قلوبنا المؤمنه

إخترتنا .. علشان نكون
جوه السكون .. صوت الأذان
طه حامينا م الظنون
يا نور مقدس فى الكيان

إخترتنا .. من بين جموع
شرفتنا بين البشر
آيتك حروفها فى الدموع
تحمى عيوننا م الخطر

إخترتنا .. علشان نشوف
نورك يا رب العالمين
إنت الصمد .. وانت الرعوف
يا هدايه للهادى الأمين

إخترتنا .. كبرنا ليك
وذكرنا فضلك ع الوجود
سجدت نفوسنا بين إيديك
الله على أعظم سجود

إخترتنا .. لما القلوب
صبحت مطيعه لحضرتك
وصل الغروب .. إمتى نتوب
نوصل يا رب لجنتك

فى " الشده " .. كان الصبر نور
مرسوم على كل الجهات
صبح الرماد .. شلال زهور
حاضن طيور المعجزات
**

يا رب .. يا هادى القلوب
إهدينا فى ليل التعب
خلى الدروب .. لو يوم نتوب
تصبح مناجم من ذهب
**

يا رب .. سهّل أمرنا
واشفينا من داء الجفا
إشرح بفضلك صدرنا
واشفع لنا .. بالمصطفى
**

يا رب .. لو طال الطريق
كون الصديق للمؤمنين
إحمينا دايما م البريق
واوعدنا بالهادى الأمين
**

يا رب .. والأيام تفوت
وانت اللى باقى فى الحياه
الآيه .. رايه فى السكوت
والموت ورانا يا إله

" إبدأ بنفسك " .. طه قال
الله على أعلى الحروف
إطلق أذانك يا بلال
فكرنا بالحق الرءوف
**

" إبدأ بنفسك " .. كون إمام
قدام جموع المؤمنين
طه عليه أعظم سلام
وصلنا للحق المبين
**

" إبدأ " .. وكون بين البشر
قنديل يهذى للصواب
كون فى ضلام الليل قمر
وارسم آيات على كل باب
**

يا رب .. يا عالم بنا
خفف على القلب الألم
خلى القلوب المؤمنه
لو يوم ناديت .. تنطق نعم
**

يا هادى .. والقرآن دليل
لينا فى أيام الجفاف
علمنا نرضى بالقليل
نسجد على جسر العفاف

" نور الأخوه " .. مبدئى
الله يديم بيننا الإيمان
يا شمس غايبه .. إشرقى
كونى الأمان .. جوه الكيان
**

نور الرسول المصطفى
واضح على كل الطرق
ليل الجفا .. فينا اختفى
واللى هرب م النور .. غرق
**

نورك .. وصلنى يا إله
خلانى فوق أعلى جبل
وعرفت إيه هى الحياه
وعرفت إيه معنى الأمل
**

يا طه .. يا نور العيون
يا أحلى دقات الفؤاد
إنت الأدان .. جوه السكون
وانت عشان الكون ميلاد
**

يا نور وصلنا بالسجود
خلانا نفرح بالرسول
نهرب بعيد .. لكن نعود
يا رب .. لكتاب الأصول

" الله أكبر " .. جَلِيت
فى كل أنحاء الوجود
الأرض بيها اتزلزلت
شُفناها فى حالة سجد
**

" الله أكبر " .. قولتها
يا مصطفى بين الجموع
الدعوه لما جيبتها
لينا .. فرحنا بالركوع
**

" الله أكبر " .. كُنا نار
وصبحنا نور فى حضرتك
إحنا مفيش بيننا جدار
إشفع يا طه لصحبتك
**

" الله أكبر " .. كنا فين
وصبحنا فين يا مصطفى
جينا إليك متوضيين
متعطين بنسيم دفا
**

" الله أكبر " .. قول كمان
يا طه .. يا سر القلوب
خَلَّى السكوت فى الروح أدان
يا " دقه " .. فى كل القلوب

سلام المحبه
بتنادى للطبيب
صليت ويا الأحبه
على أحمد الحبيب

يا طه .. وانت جاهى
والمدنه .. والأدان
نورك .. دا نور إلهى
بيظهر الكيان

أيوه اتوضيت فى نهرك
صليت جنب المقام
الله عليم بسرك
يا أحمد .. يا إمام

عمرک ما كنت قاسى
حتى على اللى خان
إنت أول دروسى
يا صاحب المكان

أوقات كتير نشوفك
نسمه محمدیه
تكرم بالروح ضيوفك
وتكون آيات نديّه

ووقفت فى عز الصلا
حاسس بأنفاسك عبير
القلب بضياك اتملى
يا طه .. يا أعظم ضمير

ووقفت ثابت بالآيات
يا طه .. والنور المبين
يا أصل كل المعجزات
الله عليك .. هادى أمين

بصيت على نور المقام
سميت وشفتك ضوء شريف
يا طه .. ورميت السلام
رديت يا بدر بنور عفيف

شمرت .. واتوضيت معاك
بان الهلال فى نظرتك
الليل صبح وياك ملاك
وضياك سحرنا ف سكتك

يا طه .. ولمسنا النجوم
لما سجدنا معاك بشوق
إرتحنا من جبل الهموم
والجرح زال .. ويا الوضوء

لما بقيت إنسان
بالدعوه .. والقرآن
صبحت حياتى نجوم
فى الجنة لى مكان
**

أبعد .. ومهما أغيب
أرجع إليك ملهوف
فارقت (وادى العيب)
والقلب داس ع الخوف
**

يا مصطفى .. أناجيك
فى زحمة الطرقات
قلبى بينده ليك
فى الأرض .. والسموات
**

ملهوف عليك والروح
بتنادى ليك يا رسول
جيتلك وانا مجروح
ورجعت .. كلى قبول
**

كل اللى قولته .. سحب
بيضل المحتاج
لبسوا الصحاب .. أتواب
واتجملوا بالتاج

أتغطى بنجوم المسا
واقرى آياتك فى ابتهاج
توهب عنيه المخلصه
النظره .. لكن فى الحلال
**

يا رب .. ويطول الطريق
وندوب كتير فى نيران خطأ
ويجينا صوت طه الصديق :
(قولوا لكل الظلمه : لا)
**

صابر .. ومين يصبر .. ينول
الآيه جوه الروح أدان
أهديت لكل الناس رسول
مليان بقرآن الإيمان
**

يا رب .. لما الليل يعود
إحمينا من شر القلوب
طهر نفوسنا بالسجود
فكرنا دايم بالغروب
**

ولا لى غير أعظم كتاب
ولا فى غير طه رسول
سلمت قلبى للسحاب
صبح المطر فى الروح سيول

صبرنى بالأحاديث
على كل جرح ونار
خلى المحبه جليس
لىّ يا أحلى فنار

آجى إليك ملهوف
تقابلنى بالترحيب
واما يزيد الخوف
أتهنى بيك يا حبيب

ربى .. مفيش إلاه
يا شفيعى يوم الدين
القلب بيك أملاه
إخلاص ونور وحنين

طمنتنى بكلام
موجود فى ألف كتاب
يا قائد الإسلام
يا فاتح الأبواب

طه .. وروحي معاك
بتنادى ليك على طول
طول السنين سامعك
طالبه لقاك يا رسول

قلبي .. جناين خير
يا طه .. طارحه ياقوت
على كتفى .. واقف طير
وجناحه .. شجرة توت

ولا يرضى نفسى سيواك
يا حبيبى .. يا مختار
ما اعشق حبيب إلاك
ولا لىّ غيرك جار

فى الزحمه شفتك إيد
شاورت وكانت ضوء
إنت غزلت العيد
بصلاه .. وصوم .. و " وضوء "

وننادى .. مهما نتوه
يتجمعوا الأيتام
داسوا شيطان مشبوه
واتهنوا بالإسلام

آه يا حبيب الله
يا نبينا .. يا معصوم
صوتك .. فى قلبي صдах
إشفع لروح محروم

شجره " نُبوه " .. بتبتدى
من " إبراهيم " .. وصلت لنا
خَلَّتْ طريقنا مُحمدي
وخذتنا لبحور المنى

يا أحمد النور المضى
إشفى قلوبنا م الزحام
خلى الحديث للناس صديق
خلى السكون فينا كلام

يا مصطفى .. راح اللى راح
والكل راجع ليك يقول
إديتنا مفتاح الصباح
ويا السماح .. ويا القبول

طه .. وليه نبعد بقى
وانت معانا ع الجسور
إزاي هانرضى بالشقا
واحنا فى ضل إله غفور

ووصلنا بيك .. شط الليل
يا طه .. واتهنينا بيك
آه يا حبيب الأنبيا
كل البشر .. مشتاقه ليك

الوحى .. كان إلهى
والدعوه ربانيّه
بتقول : الرب جاهى
فى سكة أحمديّه

كنت " الحريه " لينا
فى طريق مليان عبيد
هاجرنا للمدينه
لاجل الأعداد تزيد

أحمد .. وكل مالى
فداك .. والروح فداك
غَيَّرت يا طه حالى
نَفْسِي أَفْضَل معاك

شارب منك مبادئ
هارب من كل شئ
الله عليك يا صادق
يا صديق فوق الطريق

وسهرنا يا طه نقرى
وياك كل الآيات
فكره .. وراها فكره
يا سلام ع المعجزات

فرحتنا .. لما الرسول

جانا بدعوه مقدسه

علمتنا .. معنى الأصول

فى أعلى أعلى مدرسه

يا رب .. صبرت الغريب

على كل ليله مضلمه

لما وصل طه الحبيب

ظهرت نجومنا فى السما

لما يطول الليل نقول

الرحمه منك يا إله

ونصلى دايما ع الرسول

ونقيد قناديل الحياه

عمرك فى يوم ما نسيت عباد

ولا لحظه واحد معاك نضيع

لما ظهر فجر الميلاد

كل الحياه .. صبحت ربيع

أسجد .. أشوف المصطفى

بين الصحابه شعاع سراج

أوهب لأصحابك دفا

الايه تصبح لى تاج

أنا .. باستغيث .. ببيك بالنبى

يا رب .. يا مالى القلوب

الجنه .. هى مطلبى

ورضاك على .. لما اتوب

يا رب .. يا عالم بحال

كل اللى تابوا من زمن

حقق لنا كل الآمال

خلى الإيمان لينا وطن

العمر .. يجرى يا إله

واحنا ما زلنا فى الضباب

يا " غروره " جدا يا حياه

يا خوفى من يوم الحساب

لما حياتى اكملت

بالمصطفى الهادى الأمين

بحة أذانك جلجلت

والعين نطق فيها الحنين

يا رب .. صبر قلبنا

ع الدنيا .. لو ضاق الطريق

خلى رسولنا جنبنا

خلى الكتاب .. لينا صديق

أنا كنت شارد فى الحياه
فارد دراع المسكنه
أصبحت من فضل الإله
ويا القلوب المؤمنه

أنا كنت تايه فى الدروب
وهدانى قنديل الصفا
الله يا عالم بالقلوب
بنحب سيدنا المصطفى

أنا كنت مش عارف أصول
الدنيا .. ضِعت مع الزحام
وقدرت اقول .. ويا الرسول
فى كل يوم .. " أحلى الكلام "

أنا كنت ضايع .. ع الطريق
أوقات كثير .. أنسى الفروض
طه صبح قنديل مضئ
أنا شفته جنبى فى السجود

أنا كنت مش قد السفر
فوق سكه محتاجه نجوم
أحمد ظهر لينا قمر
يحمى نفوسنا م الغيوم

أعطش .. بيان فى عنيه شوق
وانده حبيبى المصطفى
زمزم .. تجيب لى الشروق
طه .. يا بحر المعرفه

أحمد .. إذا طال السفر
أحضن كتاب الله .. أدوب
الآخره جايه .. لا مفر
ومفیش هروب .. من ليل غروب

يا مصطفى .. وانت الحياه
جوه قلوبنا المتعبه
يا " نفحه " طاهره م الإله
يا شراع لأعظم مركبه

طه .. وقولنا معاك كثير
طه .. وثولنا كل شئ
الله على صوت الضمير
لو يعلى فى سكوت الطريق

مختار .. أنا ما اختار سواك
ولا احب غيرك مهما كان
فوق وردنا .. لسه نذاك
يا حديث حروفه شمعدان

فى المسجد النبوى الشريف
إحنا وقفنا مبهورين
وياك قسمنا فى الرعيف
وسجدنا من كُتر الحنين

جينا .. وجوه قلوبنا شوق
وعينا .. قايدة بالدموع
لما طلعا يا طه فوق
كانت صلاتنا عليك شموع

فى المسجد النبوى .. قرئت
(سورة يس) .. أهديتها ليك
الله يا روحى .. يا أغلى بيت
الدنيا ماشيه بنور عنيك

طبطبت فوق قلبى الجريح
دخل السكون فى الأورده
الكون صبح يا رسول مريح
لما ابتدئ .. فيه النداء

يا طه .. والقرآن دخول
للجنة .. لو صونا العهد
إشفع لروحنا يا رسول
إحنا تخطينا الحدود

" السنه " .. هى سنتك
و " السيره " .. سيره للصحاب
شايقين يا طه بنظرتك
متحملين كل الصعاب

علمتنا .. إزاي نكون
فوق الجبل رغم الرياح
طهرت روحنا م الظنون
وشفيت نفوسنا م الجراح

ماشيين على ضيِّك يا نور
متعلمين معى الأدب
لا خصام .. ولا ريحة غرور
ولا نوم طويل من غير سبب

جينا المدينه عشان ننول
م المولى .. رحمه ومغفره
ودخلنا بيتك يا رسول
بخطاوى نور متعطره

الله يا طه .. إصطفاك
علشان تكون الهادى ليه
طول الحياه .. ساجدين وراك
ووقفنا جنبك .. بين إيديه

فى " الصومعه " .. كنت البشير
كنت الإمام لاجل البشر
هلّيت .. وكان الكون كسير
والليل بـيترجى قمر

جيت لينا .. لاجل تضمنا
تهدى القلوب المتعبه
إنت يا طه فى دمنّا
والآيه لينا مركبه

فى (الصومعه) .. ظهر الهلال
بين النجوم المخلصه
إحنا سجدنا فى ابتهاج
وياك يا أشرف مدرسه

دَفِيت قلوبنا بالأدان
ووصلت بينا للهدف

لما القمر فى صحابه .. بان
لحن الإيمان .. وياك عزف

بالحب جينا عشان ننول
عطف الإله .. شفناك إمام
يا طه .. يا أعظم رسول
من روحنا ليك مليون سلام

وصبرت لاجل تنول
يا رساله قد الكون
كنت الرسول يا رسول
للناس جميعا عون

هاجرت قلوبنا معاك
لمدينه آمَنت بـيك
الله فـِضْل وياك
زرع القبول فى عنيك

يا هادى .. كنا زمان
تايهين .. ومش سامعين
بان جوه ليلنا أدان
صلينا بالملايين

يا قارئ القرآن
ساعة سكون الكون
الله عليك إنسان
شايلى همومنا .. حنون

صحينا لو هاتنام
يا مصطفى .. يا نجاه
خلينا بالإسلام
نوصل بيوت الله

فى الدعوة .. كنت صابر
ع الكفر .. والديابه
والظالم .. والمكابر
علشان تنصف غلابه

يا طه .. وانت جاهنا
وانت أصل الحياه
بعتك للكون إلها
يا (منحه) م الإله

صلينا عليك وجينا
ويمامه فوق كتافنا
إرتحنا فى المدينه
ونسينا كل خوفنا

كنت النسمة الماوردى
والحب والأصول
لقلوبنا قلت : " عدّى "
عدينا يا رسول

طه .. والرب عالم
وعارف بالحقيقه
طالعين فوق السلام
نحضن نجوم مضيئه

بحر الإيمان هادر
والفجر .. نور مطلق
يا رب يا قادر
بالآيه .. خدنى لفوق

يا رب .. كُونلى نصير
فى زحمة الأحداث
أصبح مُجير للغير
ورنين وتر حساس

يا رب .. عُمرى ما اكون
غير عبد .. ساجد لىك
تنادينى " كُن " .. فأكون
الدمعه بين أيادىك

يا رب .. صمتى كلام
وكلامى صمت مهيب
ريحنى بالإسلام
برسول كريم وحبیب

يا رب .. جيت والروح
بتعانق الملكوت
قلبى الرقيق مجروح
للجنه .. نَفْسُهُ يفوت

أحمد .. وقلبي ناداك
فى زحمة المشاوير
خلينى نسمه معاك
وشعور .. ونور .. وضمير
**

أحمد .. ولا بانساک
مهما الزمان هايدور
الشمس .. هى لقاك
فى العالم المسحور
**

أحمد .. ندهنا بشوق
نزلت دموع الروح
صبحت بحور الضوء
رحمه على المجروح
**

أحمد .. سهرنا كثير
نتهجى فى القرآن
شيلنا فى هم الغير
وبنينا فى الإنسان
**

أحمد .. وييجى الليل
يلقى السجود موجود
تصبح دموعنا نيل
بتسبح المعبود

لما ابتدت رسالتك
الكون أصبح ربيع
كان القرآن قبيلتك
وقابلتك يا شفيح
**

حبي سفينه عايمه
م الفجر .. للشروق
صاحى والدنيا نايمه
باقرى القرآن بشوق
**

يا طه .. كنت عارف
إن المشوار طويل
يا دايرة المعارف
يا دليل فى كل ليل
**

نورك فى قلوبنا دايم
وهواك فى الروح حياه
لما الأدان بيدن
بندوب جوه الصلاه
**

دفينى بالمواعظ
إحيينى بالرجوع
خلينى يا طه فايز
بالحب .. والخشوع

صابر .. والصبر زادك
وبلادك الحياه
طه .. على كف إيدك
" مصحف " من الإله
**

سميت .. وجيت إلينا
تهدينا للدروب
من مكه للمدينه
خليت الروح تدوب
**

حبك يا طه خدنى
للعالم الرحيب
عن كل ليل بعدنى
أسعدنى يا حبيب
**

يا هادى .. نادى دايماً
ع اللى الأيام خدوه
الجنه واضحه جدا
فى سماحة الوجوه
**

صلينا بدمعه باينه
جوه العيون يا سيدى
لو حتى الدنيا خاينه
هاصون هواك يا هادى

القلب كان مركب ورق
جوه الرياح .. والعاصفه
لما هلال النور برق
هليت يا سيد المعرفه
**

وضحت لينا كل شئ
وفرحت بالقلب اللى تاب
صبح الحديث لينا رفيق
صبحت آيات المولى باب
**

فى الفجر .. يصحى قلبنا
نصحى وراه .. لاجل الصلا
إنت يا طه حبنا
وانت بداية " البسمله "
**

لما أخذنى الليل فى يوم
وصلت عنيه للسما
التوبه .. زالت فى الغيوم
وشفيت جراحى المؤلمه
**

يا منقذ القلب الحزين
من كل أمواج الغرق
يا مصطفى الهادى الأمين
إزاي فى لحظه نفترق

لو ليلى طال يا رءوف
وصلنى فجر شريف
خلينى بالمعروف
كاره طريق الزيف

إت الإله الصمد
شاهد على الإنسان
إحمنى شر المرض
والعوزه .. والحرمان

إنسان .. يا ريتنى أكون
علشان أدوب فى حماك
لا اقدر فى لحظه أخون
ولا ادوس فى لحظه ضياك

صبرنى ع الأحزان
خلينى بيبك موجود
قوينى بالقرآن
واوعدى بالموعود

يا رب .. نفسى ارضيك
واوصل إليك مقبول
أسجد على أراضيك
مع طه .. أغلى رسول

صابر .. عشان وياك
عابر .. ليالى النار
طاير .. مع الأفلاك
يا عالم الأسرار

صابر على الأيام
مهما على تجور
لكن مع الإسلام
بيبان على النور

يا رب .. يا معبود
خلّى الوجود رياحين
لازم إليك هانعود
الله على التايبين

خلينى بين الناس
نسمة حنان وإيمان
شطين من الإحساس
وآيات من القرآن

طه .. كلامه رقيق
وسلامه نسمة شوق
شال من قلوبنا الضيق
ووهبنا ضوء الضوء

علمتنا يا شفيح
نرضى مع المكتوب
يبقى خريفنا ربيع
لو يوم قدرنا نتوب

قلبي بيهدى معاك
مهما الضلام يضمنيه
سجدت قلوبنا وراك
مع " بدر " .. نورك فيه

وعرفنا بالقرآن
إن الحياه لحظات
الله على الوجدان
لو كان مع الآيات

جبل الصعاب .. خطيت
ورسمت لنا دروب
مع فضل أهل البيت
إرتحنا يا محبوب

يا مصطفى .. فى " حراء "
كانت بداية النور
ما بقاش ما بيننا فراق
ولا حتى كلمة زور

كان الخلا مفرد
سجاده للى عاز
طه .. يا أصل الجود
الى نادالك فاز

نزلت سحابة ضوء
على سطحنا الملهوف
أصبح مطرها [وضوء]
وطيورها نور بيطوف

يا رب .. نفسى معاه
أدخل فى جنة خير
دا اللى فضل وياه
عُمره ما عاز الغير

يا رب .. خلى الروح
متعلقة فى سماك
إشفينى لو مجروح
إوعدنى ضى ضياك

يا رب .. لو محتاج
إحمينى أى سؤال
العزه .. تصبح تاج
علشان يروق الحال

ونتوب .. ونجى إليك
جوه القلوب رياحين
وإما ننادى عليك
بتضمننا .. يا أمين

كل الآيات أنوار
بتأخذنا جنبك فوق
الله على الزوار
داخل مقام الشوق

كانت رياح الموت
بتشد فيك على طول
عليت يا طه الصوت
وبقيت عشاننا رسول

مع صحبتك نرتاح
ونكون صباح ملهوف
قلبي بألف جناح
جوه المقام بيطوف

مين اللى يقدر مين
يجرح ضياك يا إمام
يا أمين .. يا بحر حنين
يا أول الإسلام

القلب كان متعب زمان
غرقان فى أمواج القلق
يوم اللقا .. زاد الإيمان
سبحانه هو اللى خلق

يا طه .. مفتاح الدخول
كانت آيات مليانه نور
رددت قولك يا رسول
رمل الصحاره .. صبح زهور

الله عليك .. ويا البراق
مالى الجهات الأربعه
كل الرسل .. فيها اشتياق
كانت معاك متمتع

يا طه .. واتكلمنا بيبك
لكن ساعات ننسى الضيا
أوقات كتير .. نقسى عليك
وانت إمام الأنبيا

سامحنا يا سيدنا النبى
لو كنا لسه مقصرين
جوه الزمان اللولبى
إهدينا يا طه الأمين

صمتى يا طه حشوع
وخضوع لوجه الله
وشموع .. ضياها دموع
بتنادى ع الى تاه

يا مصطفى .. حنيت
لمدينه قد الكون
شديت رحالى وجيت
ولقيت ضياك فى العون

أدخل فى كل حديث
ألقاك شعاع ممدود
الله على (التدريس)
منك يا أصل الجود

سلمتنى لسجود
بياخذنى للجنات
يا أصل جود الجود
يا منجم الحسنات

لو جيت إليك باهدى
" مده " قوام بتفوت
أهدى إليك ورده
تهدينى شجرة توت

حتى الصنم عبوده هناك
حتى الصنم عبوده هنا
نجينا من شر الهلاك
طول ما احنا أمه مؤمنه

باب الغضب .. ملعون يا شوك
قال الرسول : إلا الغضب
نار الغضب .. حرقت ملوك
يا نبينا .. يا جبل الأدب

واحه مريحه فى ساحه نور
ومساحه أكبر م المكان
كانت زمان الأرض بور
صبحت جناين من حنان

آه يا رسولنا .. يا رسول
يا بو العيون منجم صفا
إنت انجرحت من الجهول
أسفين يا سيدنا المصطفى

ولا لنا غيرك يا أمين
يحمل عن الروح الهموم
يا شط لمحيط الحنين
يا بحر لشطوط العلوم

يمامه فوق فروعى
بيتك هو اليمامه
يا بو النظره الربيعى
يا رسالة الكرامه

جايبك شهد روحى
باكتبلك كل ساعه
تهدى شهقة جروحي
بعيونك البديعه

يا شرع الله يا طه
يا حنين ع اللى تاه
لو توهنا فى المتاهه
تعطينا نور إله

أنادى ليك بقلبي
واترجى فى المنام
ألقاك فى الغربه جنبى
بترد ع السلام

يا حبيبى يا محمد
يا نجمة البرايا
لله معايا تسجد
وتقول ويايا آيه

طه ويانا على السكه
ببيارك دايماً فى كفاحنا
الحزن معاه أصبح ضحكه
صبح الإسلام هو صباحنا

يا طه وإيدك فى إيدنا
بنعلّى جبال الحريه
من بحر حديثك تدينا
يا شمس فى طريق البشريه

بنحبك مهما تدوس فوقنا
أفقال الكُفر الهمجيه
لو جينا إليك بيزيد شوقنا
يا نجوم الله الأبدية

من نهرك جينا عشان نشرب
ورجعنا ونورك فى ضلوعنا
إزاي يا حبيب الله نهرب
والآيه بتظهر فى دموعنا

إحنا اتوضينا بماء زمزم
صلينا عليك والكون صافى
ليل ويا نهار بلقائك نحلم
يا طريق الأنوار الشافى

إنت خلقت الكون براح
واحنا اللى ضيقنا بنفسنا
ياما طفينا فى الصباح
ياما خنقنا شمسنا

يا رب .. علمت القلوب
الدق فوق باب الضيا
إشفعلنا .. بعد الغروب
بالهادى .. سيد الأنبيا

يا رب .. قنديك ظهر
خلى جميع الدنيا ضوء
الكون بنور طه انبهر
طهر قلوبنا بالوضوء

هاجرنا لك .. لما ابتدت
الضلمه تزحف ع الدروب
بعد الجروح الروح هدت
يا سر خالد فى القلوب

يا رب .. مش عايزين سوا
أعظم شفاعه م الأمين
هو الطبيب .. هوا الدوا
هو الحنان .. هو الحنين

الحب لك .. والقلب لك
والمخلوقات .. هاتعود إليك
الهادى لقلوبنا ملك
يا رب .. واحنا .. روحنا فيك

شبعنا .. لما الإيمان
طهر قلوبنا المخلصه
قرآن .. بيرعش فى المكان
جوه القلوب .. صبح ومسا

لا احتاجنا غيرك يا رءوف
ولا خدنا جوه الكون سواك
مهما هاتجرحنا الظروف
شافى القلوب .. هو ضياك

يا خالق القلب القنوع
إحمينا من ليل الطمع
إوهنا آيتك .. لو نجوع
نشعر معاها بالشبع

الأرض ملكك .. والسحاب
والزحمه .. ونجوم السما
إحمينا حتى م الصباح
خلى قلوبنا مغممه

يا هادى .. والقرآن معاك
وضياك وصلنا بالعبير
الله على همسة نِداك
خلت قلوب الناس تطير

غطينا بالآيه الحلال
هنيئا جنبك بالدفا
لما سجدنا فى ابتهاج
اليأس فى عينا اختفى

يا طه .. جوه عنيك وطن
للمحتاجين دايما غطا
روحك عشان روحنا سكن
وجموعنا جوه لفاك شتا

بنخاف عليك .. لما الغريب
يطعن فى شمسك يا رسول
يا اللى انت للمحتار طبيب
يا اللى انت أستاذ الأصول

صلّى الإله .. والناس عليك
يا طه .. ما أحلى الصلا
البدر لما شاف عنيك
صأبه الخجل .. جوه الخلا

فى سكتك .. نده الفؤاد
على ضىّ طه .. وقال .. وعاد
الله على صوت الأذان
لما يصحّى فى العباد

علمنى أتحوّل ورود
فى إيدى يتيم جوه الجفاف
يصبح " منى عيني " السجود
وأعود بفضلك للضفاف

أشتاق وأجى ليلاتى ليك
علشان يا رب استغفرك
أبكى بقلبي بين إيديك
فى زحام طريقى أذكرك

عدّنى م البحر اللى ضاق
ودّنى تانى للمقام
الليل ظهر فيه البراق
لما سجد جنبى الحمام

آه يا طريق مليان نعم
رد الجميل .. هو الصلا
الشكر بيزيل الألم
وياخذنا لسحاب العُلا

على لحن دقات القلوب
إحنا مشينا سكتك
إحمينا من يأس الغروب
قرب نفوسنا لحضرتك

إلهنا يا رب الأنام
بالفكره طاهره .. مخلصه
خلينا بالقرآن ننام
ونقوم فى أعلى مدرسه

علمنا نصبح ع الجبال
بحة أدان .. تملئ الفضاء
حقق لنا .. أعلى الآمال
سمعنا دايمًا فى النداء

خلى الحبيب المصطفى
يصبح صديقى فى السفر
إوهبنى أنهار الدفا
وابعدنى عن أرض الخطر

يا رب .. كون العون .. وكون
لى الطريق المرتجى
إحمينى من صوت الظنون
إدينى بالقرآن نجا

ذكرى .. علشان رضاك
فكرى .. يا حبيبى فيك
شكرى .. على نور ضياك
وأنا ساجد بين إيديك

أتهجى حروف آياتك
وأصلى ع الشفيع
تدينى شهد ذاتك
وتخلى الشوك ربيع

يا عالم باللى ضلوا
واللى شربوا الإيمان
يا عالم باللى صلوا
وخلوا الروح أدان

ترضى على .. أفرح
واسبح فى نهر صافى
عدد النجوم أسبح
يا حبيب الروح يا شافى

ترضينى بنور قليلك
أشكر فى كل حين
وان فاض على نيلك
أصلى ع الأمين

الدعوه .. كانت طاهره ليك
وقت السجود .. وقت السحر
أنا عمرى كله بين إيديك
راجع لمُلكك .. لا مفر

يا رب .. والقرآن عبر
وحديث رسولنا نجوم صفا
إشفع لقلبي اللى صبر
بحبيبه .. طه المصطفى

الله على صوت الأذان
لما بيرعش فى الوجود
بيهز أركان المكان
ويخلّى بدر الليل يعود

نجينى من كل الصعاب
يا رب .. يا حامى القلوب
إفتح عشانى كل باب
أدخل .. عشان فى حماك أتوب

صبرنى .. لو طال التعب
كبرنى .. لو داسنى غريب
المصطفى .. جبل الأدب
خليه لكل الناس حبيب

عمرى ما عشت لحظه
فى عالم " الترف "
بنعيم الله بتحظى
يا طه يا شرف

صعبه الحياه ولكن
سهلها الرب دايمًا
كانت عنيك مساكن
جواها قلوب بتدن

يا مصطفى اللى خدنا
الجنه بالآيات
لو حتى الليل بعدنا
بنعوض اللى فات

الدعوه .. دعوه صادقه
يا صادق .. يا أمين
لو حتى السكه حادقه
بتحلى بالحنين

ونعود إليك يا طه
والقلب فيه جراح
تحمينا م المتاهه
من قسوة الرياح

طه .. ومهما أغيب
لازم لنفسى أعود
تقابلى بالترحيب
بالخير .. يا أصل الجود
**

طه .. أنادى بشوق
تظهر عشانى نجوم
بهواك .. حياتى تروق
مهما أكون محروم
**

طه .. فى حبك ادوب
أجى إليك مشتاق
الله عليك محبوب
حاضن فى أغلى " براق "
**

طه .. فى نور أراضيك
نخلة أمان وإيمان
لأن الحجر فى إيديك
بالوحي .. والقرآن
**

طه .. بقلبي ناديت
رديت على اللى ناداك
واما حضنت البيت
وردى فرح بنداك

أصلّى ع الرسول
وادعى بكل حاجة
النور يصبح سيول
يرسم فى نهري موجه
**

يا طه .. والسفاين
محتاجه لسه مينا
النور والحب باين
من مكه .. للمدينه
**

أصلى عليك بقلبي
واسجد لرب دايم
ألقاك يا طه جنبى
نسمة .. لاجل النسائم
**

أصلى عليك وروحي
تتهجى آيه آيه
أفرد ع الناس جناحي
واتغطى بالهدايه
**

أصلى عليك يا غالى
يا قلبى ونور كيانى
يا نجم الله يا غالى
الله يزيد إيمانى

سلمت لك .. قلبى اللى شال
طه الحبيب المصطفى
وغزلت لك م النجم شال
والليل بنور (مدَّته) اختفى

سلمت لك .. روحى يا نور
يا خالق الكون الرحيب
خليت دموع العين زهور
ساعة لقايا بالحبيب

سلمت لك .. ضىّ العيون
والقلب .. والكلمه الحلال
إرتحت من نار الظنون
وصبحت ع المدنه بلال

سلمت لك .. كل الحاجات
يا رب .. يا باصص لنا
ودعنا ليل السيئات
وصبحنا أمه مؤمنه

سلمت لك نفسى بشوق
وظلعت فوق .. جنب السحاب
الليل صبح يا حبيبى ضوء
حتى النجوم .. صبحوا صحاب

صبرتنا .. لما قلوبنا
ضاقت .. وجيت لنا بقرآن
جوه حديث الروح دوبنا
ومشينا جنبك يا عدنان

صبرتنا .. عديت بينا
بحور من الليل المغرور
بايديك زرعت الخير فينا
ورسمت فوق أشواكنا زهور

صبرتنا .. لكن روحنا
هربت من النور الخاين
لما فى عز الليل روحنا
للنار .. بقيت لنا جناين

صبرتنا .. واحنا صبرنا
وياك كبرنا يا نور الله
سورة (يس) .. بتكبرنا
وتخلى لنا حياتنا .. حياه

صبرتنا .. على نار قادت
وشبعنا من نور الآيه
واما جراح الروح زادت
بانت نجومك جوايا

نيجى إليك .. علشان نشوف
جوه مدينتك " معجزه "
ورجعنا نُشكر فى الرءوف
والروح كريمه .. مُعززه

و وصلنا ليك يا مصطفى
والروح حنين .. جواه حنين
بان فى العيون .. طعم الدفا
وارتحنا من تعب السنين

ووقفنا قدام المقام
تنزل دموع العين حكم
ورمينا بالقلب السلام
رديت على جموعنا : نعم

وخرجنا من عندك نقول :
(خارجين يا طه مشتاقين)
يا حبيبى يا أعلى رسول
يا اللى انت ع الدعوه أمين

ورجعنا ليك .. بعد اشتياق
والدمع باين ع الخدود
إحنا مفيش بيننا فراق
بيننا يا نور .. عهد العهود

فوق " المناره " .. ناديت لنا
وصبحت ضوء لاجل اللى تاه
الجنه .. صبحت ممكنه
يا طه .. من فضل الإله

فوق المناره صحاب نجوم
بيعلمونا كل شئ
الله على فضل العلوم
لو بان ضياها ع الطريق

(الدفه) فى المركب آيات
حرس طريقك م الرياح
جايب معاك المعجزات
ومفيش سوا القرآن سلاح

يا صاحب الفضل الكبير
بعتك إله الكون نبى
خليتنا نَمْشى بالضمير
فى طريق يا طه .. " لولبى "

صافى ودافى القلب بيك
يا طه .. يا أعظم حكم
الشمس .. كانت نور عنيك
والمولى .. كان أكبر (قسم)

أوصل إليك .. شايلى هموم
وأعود وأنا مرتاح معاك
يا طه .. يا قصر العلوم
العاصى كان وياك ملاك
**

يا هادى .. والأيام تفوت
وانت اللى باقى م الزمن
عمرى ما حببت السكوت
ولا يوم سألت عن التمن
**

لسه حديثك فى القلوب
واحده مريحه للعباد
إنت رسمت على الغروب
يا طه .. أشجار الميلاد
**

عَوَدَت قلبى يكون معاك
فوق البساط .. ساجد بشوق
الليل بيستنى ضياك
نفسه يدوق ضوء الشروق
**

كان الحديث لينا مدد
والآيه .. سكه مزوقه
يا مصطفى .. وانت السند
لو كنا فوق سكة شقا

قلبى ما زال مشتاق
للجنه ليل ونهار
ساجد على الأشواق
بينادى ع المختار
**

يا طه .. لما ناديت
صبح الطريق أمطار
ولقيت فى " آل البيت "
العطف .. والأسرار
**

لما الفؤاد ارتاح
جوه القام يا رسول
أيوه بحُبك باح
وقدر يا طه يقول
**

صبرتنى بآيات
وحديث .. وكنت العون
إرتحت م الآهات
من كل ليل مجنون
**

" الزهد " كان عنوان
لطريقك المحروس
الله على القرآن
لما بيهدى نفوس

العزه .. والكرامه

وأجمل الصفات

فوق الجبين علامه

يا رسول المعجزات

حوالين الكعبه شفنا

طيفك .. ونادينا ليك

فى مدينة النور عرفنا

إن احنا .. روحنا فيك

الله بالخير نادالك

سماك طه الشفيح

الكل بفرحه جالك

حتى الطفل الرضيع

يا طه .. واحنا لسه

شايلينك فى الكيان

نورك لشراعنا مرسا

يا دعوة الإيمان

صلى الإله يا طه

عليك .. يا نور مبين

إنت للروح مُناها

وانت الهادى الأمين

" سُمُو نَفْسِي " .. وفكر عالى

ونسمة طاهره .. على المدينه

إسمك يا طه .. فى الدنيا غالى

صوتك بيشفى .. نفوس حزينه

بيت الكرامه .. سكنت روحه

قمر السلامه .. حارس خُطانا

القلب شافك .. ضاعت جراحه

والرب دايمًا .. واقف معنا

الله يا طه .. نظرة عيونك

تقدر تزلزل جبال كتيره

مين اللى يقدر فى يوم يخونك

يا نسمة طاهره .. لروح أسيره

لما الليالى .. تطول علينا

ننده يا طه .. عليك بشوقنا

واما بنوصل .. باب المدينه

نلقى الليالى .. جابت شروقنا

بصلاتي دايمًا .. سكنت جنبك

ورسمت بابك داخل فؤادى

فى قلبى دقه .. تشبه لقلبك

يا اللى انت لينا .. تاريخ ميلادى

بين " الصفا " و " المروه " نور
الله على الجبل العتيق
الروح ملانه بالسرور
والقلب طاب .. من كل ضيق
**

يا طه .. واشفع للى داب
لما لمح نورك هناك
يا أعلى من كل السحاب
يا أعلى حته من ملاك
**

إشفينى يا رب الأنام
م الدنيا .. من طمع القلوب
جوه المقام .. لحظه أنام
جوه زحام الكعبه ادوب
**

أشتاق لحُسنك يا رسول
أشواق فى قلبى ليل نهار
الصمت قدامك يقول
والليل يكون مليون نهار
**

يا المصطفى الهادى الأمين
سلمت قلبى لحضرتك
وتفوت على روحى السنين
أستنى أشهد طلعتك

علمت قلبى ازاي يكون
وازاي يصون .. كل العهود
يا مصطفى .. إزاي هاخون
وانا قلبى فى حالة سجود
**

يا طه .. كان الليل طويل
قبل الوصول لمحطتك
خليت آيات الله دليل
حطيت نفوسنا ف سكتك
**

علمتنى معنى الحياه
وازاي أحافظ ع الفروض
سلمتنى شرع الإله
يا اللى ضياك مالهوش حدود
**

يا طه لما الجرح بان
ناديت عليك ساعة الألم
الله شفانى بالإيمان
وحمانى من ليل العدم
**

فارد شراعى ف بحر خير
مادد إيديه للسما
إنت بفضل الله ضمير
ونجوم فى سكه مظلمه

فوق " منبرك " مكتوب آيات
بتأخذنى لسحاب السما
إنت رسول المعجزات
والضوء .. لدنيا مضلمه

فوق " منبرك " .. نام الفؤاد
زى اليمامة ع الجبل
(الزاد) .. بذكر المولى زاد
والياس .. بيك أصبح أمل

رنة حديثك يا رسول
فى الروح نجوم مالهاش عدد
لما يفيض الشوق .. نقول
نطلب من الرحمن مدد

كنت الفناره للى ضاع
جوه الزحام من غير تمن
أصبحت جوه الموج شراع
طهرت يا طه البدن

وسهرنا جنبك جوه ليل
أصبح نسيم بيضمنا
قرآن صبح أعظم دليل
أصبح أبونا وأمنا

شَمِيت عبير حروفك
دخلت ليك أنادى
إقبل يا طه ضيفك
طهر بالنور فؤادى

صاحبى .. لو ريح تعاند
وأبويا ان ليل ضناني
أحمد .. إنت المساعد
لو همس النار نادانى

تنزل دموع عيونى
لما افتكر عذابك
لو يوم أضيع تجينى
تفتحلى يا طه بابك

أتوضى واجى صايم
عن كل شئ يصيبنى
الله هو اللى دايم
عمره فى يوم ما سابنى

كانت عنيك سفينه
وخذانا لجنه خضره
صلينا فى المدينه
ومكه .. نروحها بكره

صادق .. أمين .. ويتيم
شائل هموم الجار
فى الضيقه حتى كريم
خيرك جبال أطار

خدت القلوب فى حماك
للخالق المعبود
واما هاجرنا معاك
ظهر الكرم والجود

بالنور .. زرعت نخيل
جوه الخلا يا حبيب
لا كنت لحظه بخيل
ولا كنت إلا طبيب

يا مصطفى .. خبيت
قلبى من البهتان
عمرى فى يوم ما نسيت
آيه من القرآن

قارب .. ومين ربان
غيرك يا أصل الطيب
بتكرم الإنسان
وبتطفى نار العيب

دقة قلوبنا أدان شريف
روحنا الشريفه " مئذنه "
الله على الحرف النضيف
جوه نفوسنا المؤمنه

فى حضرة الهادى تدوب
كل القلوب المخلصه
الرب عالم بالقلوب
الهائمه بيه .. صبح ومسا

يا رب .. والمصباح خلاص
قرب على نهاية المطاف
خلى الآيات لى أساس
طمنى بيها .. لو أخاف

فى زحمة المشوار بكيت
علشان نسيت فضلك فى يوم
أهدم حياتى لو نسيت
يا فضل .. نفسى يوم يدوم

إحمنى دايما م السراب
ودارينى من ليل الهوى
خلينى للى ينادى باب
أصبح أنا وطه سوا

النفس .. لو أماره بسوء
بتأخذها يا طه بنورك
تسقيها كل بحور الضوء
ترسم على بابها زهورك

النفس .. لو أماره بليل
تشرب من الضلمه المره
م المستحيل هاتلاقى دليل
إلا إذا كانت طاهره

النفس .. لو أماره بشئ
الله مراقب أعمالها
على قدها .. يديها طريق
يوم القيامة هايسألها

النفس .. لو أماره بنار
النار ضرورى هاتلمسها
جوه أراضى الدنيا ديار
الله بنوره بيحرسها

النفس لو أماره بابه
الرب شاهد ع الأحوال
دا العبد لو يزرع بأيديه
الخير .. لا بد يروق البال

لما ربيع العمر ضاع
ويا الضياع .. ويا الجفا
خليت نسيم الروح شرع
وصلنى ليك يا مصطفى

لما ربيع العمر فات
ووصلت لشطوط الخريف
فارقت دنيا السيئات
وبقيت فى كل سحابه طيف

لما ربيع العمر راح
أنا جيت إليك نسمة صفا
إرتحت من وجع الجراح
ودخلت دنيا المعرفه

لما ربيع العمر طار
زى السحاب جوه السما
أصبحت جوه الليل منار
لاجل النفوس المسلمه

لما الربيع .. ضاع مننا
الذكر زاد .. جوه القلوب
والزاد فى روحنا المؤمنه
كان حامى روحنا م الغروب

ظهرت سحابة نور لنا
حسنا بالحب يا طه
زاد الضيا جوه عينا
والدنيا زادت فى دفاها

ظهرت سحابة أحلامنا
يا طه .. ومشينا ننادى
ظهرت آيات جوه كلامنا
وحديث شريف قولته يا هادى

ظهرت سحابه شوق صافى
نزل المطر فوق أرواحنا
صبح الوجود بلفاك دافى
يا شافى بالمولى جراحنا

ظهرت سحابة بآية نور
الله على ضى الرحمن
لو حتى بين الناس مغرور
لازم هايرجع بالقرآن

ظهرت سحابه بتندهنا
وتقول لنا .. إيه المطلوب
قالت بأن الله جاهنا
قالت لقلب العالم : توب

علمت القلب يصفح
عن كل شئ مسئ
بالآيه الطاهره يفرح
ويقابلك ع الطريق

علمت القلب حاجه
أكبر من الحاجات
يصبح فى الصمت موجه
ويبات .. ويا الآيات

علمت القلب يفضل
ع الخط المستقيم
عمره فى يوم ما يدبل
ويا شيطان رجيم

علمت القلب حبك
يا طه .. يكون معاك
يدن مع دق قلبك
يمشى على نور ضياك

علمت القلب يرسم
نجمه فوق السحاب
بايمان يا حبيبى يقسم
رغيفه ع الصحاب

لما ظهر .. نورك لنا
نادينا ليك يا حبيب الله
ناديت علينا بأسامينا
وبقيت حزين لو واحد تاه

لما ظهر .. قمرك بانث
نجوم شريفه بتملى الكون
كل القلوب وياك صانت
شرع الإله .. وبقينا العون

لما ظهر .. نور القرآن
الدنيا صبحت محروسه
قولنا معاك : دفيننا كمان
جوه الحروف الحساسه

لما ظهر .. لنا كلامك
إرتحنا جدا .. وهدينا
رفرف فى أرواحنا يمامك
لحظة ظهورك صلينا

لما ظهر .. ضى هلالك
صبحت جبال الكون ألمانظ
جبريل نزل م السما جالك
بالحب .. وحروف الإعزاز

شيلت الحموله .. بدون ما تخاف
وجيبت لنا هلال الخير
زارع شجر .. بفروع إنصاف
والشوك صبح يا حبيبي حرير

شيلت الحموله .. وجيت لنا
رسول من المولى بيدعى
بيقول لكل مكان فينا
يا مخلوقات الكون إسعى

شيلت الحموله .. لحد ما بان
قمر الوجود الإنسانى
لما قرئت لنا القرآن
الحرف أصبح " قرأنى "

شيلت الحموله .. يا أغلى رسول
وقاسيت كتير من حال الكون
يا أعلى نجمه .. وأجمل قول
ربك همسلك : " كُن .. فيكون "

شيلت الحمول اللى ما يقدر
غيرك يشيلها يا سيد الناس
الشوك صبح أهرام عنبر
والليل صبح محيطات إحساس

كان جوه قلبك .. وحى شريف
قادر يخلى الكون مرتاح
الله عليك .. إنسان بيضيف
للدنيا خير .. وإيمان .. وسماح
**

كان جوه قلبك .. آية شوق
بتنور الدنيا الواسعه
جايب عشان " العبد " شروق
وهمست ليه : بالنور إسعى
**

كان جوه قلبك .. أسامينا
وعنينا .. باست فى ملامحك
ساعة ظهورك .. غنينا
وجنينا بالقرآن قمحك
**

كان جوه قلبك .. نور فايض
زايد بنور الله دايم
كان القمر فى لقاك قايد
خلى النجوم وياك تدن
**

كان جوه قلبك .. خير مزرع
بدموع عشان الكون يشبع
صلينا واحنا معاك بخشوع
خليت نجوم الضوء تسطع

الله .. حياتى معاك
شجرة حنان .. وحنين
لما مشيت وياك
الشوك .. صبح رياحين
**

ولا حد غيرك كان
سندى .. وكان العون
الآيه ليك عنوان
يا حامينى .. فين ما باكون
**

أرجع إليك ملهوف
شايلى حمولتى جبال
تقابلنى بالمعروف
وتصلح الأحوال
**

يا رب .. فين ما باروح
ألقاك معايا آيات
أهدى .. وتهدى الروح
وارتاح من الآهات
**

خلينى نور للنور
عدينى بالقرآن
إحمينى شر الزور
هنيئى يا رحمن

إنت شايفتى معاك على طول
قايد روحى شموع للناس
ماشى بشوق .. على ضىّ رسول
دايس فوق " وسواس .. خناس "
**

كون علشانى النور .. يا رءوف
واحمى القلب من الأعاصير
وان زاد جوه القلب الخوف
خلى الزاد .. إسعاد الغير
**

يا رحمن .. إرحمنا عشان
نصبح جوه الضلمه هلال
خلى نجوم الحق تبان
واحمى الروح من كل ضلال
**

لما القلب ناداك .. ارتاح
ضاعت كل جراح الليل
المصطفى .. جاب المفتاح
أصبح لينا رسول ودليل
**

إنت شايفتى معاك يا إله
إنت عارفنى سلام ع الكون
قلبى مع اللى هدانى دواه
كون يا حبيبى لقلبى العون

من باب قبول .. قلبى دخل
ويا الرسول .. وصل الفرج
يا رب .. كان عندى أمل
ألقى الضلام .. منى خرج
**

ووصلت بابك أستغيث
بحماك يا رب العالمين
المصطفى .. كان المغيث
وَصَلْنَا للحق المبين
**

يا رب .. فجر الدنيا بان
ويا حبيبنا المصطفى
مكه ما زالت فى الكيان
ومدينة المختار .. دفا
**

يا رب .. خفف عنا
لو ضيعنا فى وادى الزحام
خلى قلوبنا المؤمنه
بتنادى طه بالسلام
**

يا رب .. يا هادى البشر
إهدينا مهما الليل يطول
خلينا للمحتاج قمر
شايلين فى أعلام الرسول

لما أتاك " جبريل "
فى " الغار " .. سَعَيْت فى الكون
ياما قاسيت م الليل
والويل .. وكنت العون

يا حبنا المختار
يا قلبنا الملهوف
يا طه .. وانت الجار
وعنينا .. بيك بتشوف

جينا إليك يا نجوم
قايدة فى روح الروح
أصبحنا نهر علوم
والراحة للمجروح

" الوحي " .. كان مرسال
بينك .. وبين الناس
إتغيرت أحوال
والرمل .. أصبح ماس

يا مصطفى .. شفناك
جوه السحابه آيات
كل الصحابه معاك
وَصُونَا ع الصلوات

فى طلعتك .. ظهرت نجمه
باست جميع الدنيا بشوق
كانت حروف الله كلمه
أخذت قلوب أصحابك فوق

فى طلعتك .. زرع الرحمن
جوه قلوبنا وريد رحمه
واما نزل ليك القرآن
إخترتنا من بين زحمه

يا هادى .. قلبى بيندهلك
يا حبيبى .. روحى بتدعيك
نفسى أكون من بين أهلك
واشرب وأشبع من نيلك

ساعة ظهورك .. هَلَلْنَا
الله على الوحي الغالى
من كل آيه اتزلزلنا
وظلعنا جنبك فى العالى

فى طلعتك .. فضلت روحنا
تنادى ع النور الهادى
إنت داويت لنا جراحنا
خليت رمال الكون وادى

يا مصطفى .. فات اللي فات
واحنا ما زلنا معاك هنا
يا أحلى أحلى الذكريات
للّٰه يا طه المسكنه

جينا إليك .. بعد اشتياق
وشربنا من نهر المنى
إحنا مفيش .. بيننا فراق
يا زهور قلوبنا المؤمنه

يا مصطفى .. راح اللي راح
وانت اللي باقى مهما كان
نورك صبح لنا جناح
وضياك صبح للروح كيان

حبينا فيك .. كل الخصال
يا مدرسه بتاخذنا فوق
لما نده لنا بلال
إحنا ابتدينا فى الموضوع

يا مصطفى .. خدنا الكتاب
لجزيره طاهره عشان نكون
وياك وصلنا للسحاب
وارتحنا من ليل الظنون

وفتحنا شباك " الفاتحه "
لقينا كل الكون دافى
دَفِينا فى إيدينا " السبحه "
صلينا بالقلب الصافى

وفتحنا شباك القرآن
دخل النسيم جوه قلوبنا
إرتحنا جدا م الحرمان
جوه آيات الله دُوننا

وفتحنا شباك الكلمه
وكتبنا عنك ألف كتاب
الحرف فيه مليون نسمة
والباب بيحضن مليون باب

وفتحنا شباك المولى
يا طه شُوفنا عنيك واحه
كل الوجود وياك صلّى
وقرنا قرآن فى الساحه

وفتحنا شباك الآيه
إرتحنا فى حروف الرحمه
صبح الطريق لنا هدايه
وحمايه من نار الزحمه

كامل يا طه فى الصفات
فارد عبايتك ع الجميع
حققت لينا المعجزات
خليت طريق الكون بديع

كامل يا طه .. والكمال
هو بداية رحلتك
إنت انتصرت على المحال
وارتحنا ويا بَعثتك

كامل يا طه .. مهما كان
ساكن قلوبنا المتعبه
ريحتنا بحروف أدان
سلمت لينا المركبه

كامل يا طه ف كل شئ
عرفتنا معنى الحياه
ما زلت قايد ع الطريق
شمس الإله .. لاجل اللى تاه

كامل يا طه .. يا حبيب
يا ضىّ طاهر للبشر
لو فيه جراح .. إنت طبيب
لو فيه ضلام .. إنت قمر

العهد .. عهد الله .. وانا
مؤمن .. وجيتلك لاجل اتوب
ويا النفوس المؤمنه
لبسنى طه أحلى توب

حبك يا طه .. دليل إيمان
العبد .. وبداية الوصول
خالد على طول الزمان
ورسول .. أخذنا للأصول

العهد .. عهد الله معاك
يا مصطفى .. وانت الإمام
لما ظهر للناس ضياك
ساد السلام .. ويا الوئام

يا طه .. كان الليل عنيد
يا فجر قايد للصحاب
إنت صبحت عشاننا عيد
ونجوم شريفه فى السحاب

العهد .. عهد الله .. يا ضوء
مالى علينا قلبنا
ساعة ما حان وقت الضوء
شفنأك يا طه جنبنا

أنا جيت إليك .. والشوق
فى القلب من جوه
وياك .. وصلت لفوق
بالحب .. والقوه

قوينى بالإسلام
خلينى طيف للنور
وان ضاقت الأيام
خُذنى جناح عصفور

أصبر على اللى يخون
وأصادق المظلوم
أحتاج .. يجينى العون
عمرى ما اكون محروم

لفيت كتير وكثير
ورجعت ليك إنسان
فى النفس .. ألف ضمير
فى الرحمه .. ألف كيان

وتدور بنا الأيام
نرجع حماك .. جماعات
ويشدنا الإسلام
لمساجد الحسنات

ولا أى شئ هاهزنى
غيرك .. وسيدى المصطفى
عايزك يا رب تعزنى
بالجنه .. يا أصل الشفا

يا رب .. مسنوده الحياه
على كل آيات الكتاب
إوعد قلوبنا يا إله
بطريق رقيق مليون صاحب

شادد رحالى للرسول
مادد إيديه للسما
إحمينى يا أصل الأصول
من كل لحظه مضلمه

صبرنى لو ظهرت جراح
فى القلب .. أو زاد الألم
لو يوم سهيت عنك .. سماح
يا رب .. يا أصل النعم

فى مكه .. كان صوت الأذان
ببيوس مقام سيدنا الحبيب
ساجد على أشرف مكان
ومفیش هنا أبدا غريب

لما ندانا يطول
والدمع يصبح تب
يظهر لروحنا قبول
ونطول سَمَا المحبوب

يا مصطفى .. خلّيت
روحي .. مداين نور
ساعة ندايا لقيت
قلبي معاك بيدور

لما الرياح بتزيد
وتقول عليك وتعيد
أنطق .. واقول الله ..
يحمي " نبي التوحيد "

من نهرك المبعوث
أشرب .. وكلى حماس
ترتاح قلوب ونفوس
تُحضن في كل الناس

جماعات .. ونوصل ليك
مهما طريقنا يطول
إحنا وهبنا إليك ..
الروح .. فداك يا رسول

رافع إيديّه للسما
وكأنّي شايّفك يا إله
كل الليالي مضلمه
من غير نجومك في الحياه

يا رب .. قنديك هنا
جوه الفؤاد .. قارب نجاه
كل القلوب المؤمنه
شايّفك عشان الدنيا جاه

دفي قلوب المخلصين
بالآيه دايمًا .. والحديث
خلى الرسول طه الأمين
يصبح لروح الروح جليس

يا رب .. والنور ابتدى
يملى القلوب بزهور ضيا
ع الورده .. خلينا ندى
وكلام لسيد الأنبيا

أكثر .. كمان .. عطشان شفا
والمصطفى .. هو السند
إوهبنى شلال الدفا
أصبح نجوم .. مالهاش عدد

فى سكتك .. شمس الإيمان
بانت يا طه للجموع
لما ابتدئ .. صوت الأذان
نزلت من الأرواح دموع

فى سكتك .. نطق الحجر
وهمس بإسمك يا إمام
يا طه .. ضىّ عنيك قمر
وحنان .. ونسمه .. وابتسام

فى سكتك .. قلبى ارتوى
يا مصطفى .. يا شطوط صفا
الكون يا طه بما حوى
بيحن ليك يا مصطفى

فى سكتك .. بانت نجوم
وصحينا م النوم الطويل
زالت خلاص كل الهموم
ورضيّا بالرزق القليل

فى سكتك .. صبح الفضاء
غنوه بترعش فى الوجود
لما نداك ليّا ابتدئ
أصبحنا فى حالة سجود

" التوبه " .. باب مفتوح .. يا ريت
تقبلنى تانى ف رحمتك
تهدينى من أول ما جيت
أطلب " رجوع " من حضرتك

كان الطريق .. لك يا رءوف
مليان محبه وتضحيه
من بعد ما حسيّا خوف
حققنا أجمل أمنيّه

التوبه ليّا طريق جديد
بياخدنا لسحاب السما
العاصى .. ع السكه وحيد
خطواته غامقه مضلمه

علمنا طه نتوب .. ندوب
جوه آياتك يا إله
علمنا يبقى الحب توب
والصدق يتحول حياه

توبه .. وفجر الحق بان
خلانى أوصل للشطوط
الله على القرآن .. بيان
خلانى للجنه أفوت

أيوه ها حاسب كل يوم ..
نَفْسِي .. وادام ع السجود
الطاعه بتزيل الهموم
وتدوس على فلوس الحُجُود

عَ البصر .. علمتنى
أكل الحرام .. حرمتنى
قلبى لا يمكن يبقى ليل
من بعد ما كلمتنى

تنزل (جلاله) ف سكتى
تحمينى من غدر الصديق
(الركعه) .. تصبح وجهتى
و (السجده) تتحول طريق

نور التجلى .. مقصدى
خوفى منعنى عن حاجات
قلبى الحبيب المُهتدى
ماشى فى سكة معجزات

يا هادى .. والقرآن دليل
لى إذا حان السفر
إملئ بنور قلبى العليل
واحمينى من غول الخطر

يا مصطفى .. كنت الشفا
لقلوب ما زالت فى احتياج
إشفى قلوبنا يا مصطفى
خلى رسالتك لينا تاج

كان التسامح سكتك
عمرک ما كنت ف يوم عنيد
الكل قال عن حضرتك
إنسان رقيق .. وإمام .. وسيد

سامحت كل اللى ظلم
نَفْسُهُ .. وداس فوق النجوم
يا طه .. يا كنز الحكم
يا طه .. يا عِلْم العلوم

سامحت .. كنت شقيق لناس
كانت بتأذى صُحبتك
صبح التراب .. يا طه ماس
لما لمسئته بكفتك

آه يا سماح .. مليون سماح
الله على دنيا الأصول
ياما تعبت من الجراح
ومشيت طريقك يا رسول

الله وَعَدْنَا مغفره
واحنا ما زلنا فى السراب
الله فى عون اللى اشترى
وفتح بقلبه فى الكتاب

الله وعدنا بالضيا
وسَدْنَا فى سكك الصفا
جاب لينا سيد الانبيا
أحمد .. حبيبنا المصطفى

الله وعدنا بالأصول
تفضل طريقنا للأبد
عَرَفْنَا بالهادى الرسول
إزاي نكون للناس سند

الله وعدنا بالحلال
وصانا بفضل مؤمنين
لما نده لينا بلال
إرتحنا فى سورة [يس]

الله وعدنا بنهر نور
فى جنه طاهره مزوقه
إرتحنا جدا م الغرور
ومن الدروب الضيقه

إملئ قلوبنا بالصلا ..
على نور عيوننا المصطفى
خلينا نوصل للعُلا
ندخل بيوت المعرفه

يا رب والقرآن فضل
يهدى قلوب كل البشر
عمره فى لحظه ما دبل
وحمانا من كل الخطر

الهادى للأرواح شفا
الهادى للعُلا هدى
إملئ قلوبنا يا مصطفى
بالحب .. وزهور الفدا

جوه المدينه .. فى الزحام
قلبى زرعته قرنقله
ساعة اللقا .. ضاع الكلام
لكن ذكرك فى الصلا

يا رب .. خلى الروح تتوب
وتدوب فى أنوار الرسول
إنت اللى عالم بالقلوب
خلينى بالقرآن أقول

يا رسول الله يا غالى
جايلك بقلب طاهر
تعبت م الليالى
من زيف جوه المظاهر

صلينا وجينا تينا
لمدينة حب طاهره
انت أجمل أمانى
ورسالتك .. هى بكره

يا رسول علشان خُطانا
تفضل فوق الدروب
انت نظرة عنينا
وانت دق القلوب

الله يا هادى جابك
وبقيننا مؤمنين
واقفين ندق بابك
والله هو المعين

إشفعلى يا حبيبى
محتاج شمس الشفاعة
لو قلب دق بابى
أديه بروح مطيعه

وهجرت أيام الطمع
ووصلت أحلام الوصول
رب العباد .. بالنور جمع
بينى وبينك يا رسول

وهجرت أيام الندم
ورضيت أكون ويا الإله
أنا قلت للحسنات نعم
وفارقت أحلام الحياه

وهجرت أيام الشقا
ورجعت ليك زى الندى
السكه كانت ضيقه
وسعت يا طه بالندا

وهجرت أيام الضنا
علشان أنول كل الرضا
عمرى ما قلت ف يوم أنا
ورضيت يا طه بالقضا

وهجرت أيام الدفا
ووصلت ليك يا مصطفى
شایل حمولة الروح إيمان
والجرح م الروح اختفى

" إقرأ " .. وقرئت يا هادى
آيه من بعد آيه
خليت الجو نادى
بالحب .. والهدايه

" إقرأ " .. جبريل همسها
قرآن .. وصلنا صافى
روحك .. بالنور لمسها
يا رسول للدنيا شافى

لما ابتديت تجيلنا
بالآيه .. سمعنا همسك
طهرت لنا نيلنا
ودفينا جوه شمسك

يا شمعدان محبه
وطوفان رقيق علينا
جمعت قلوب أحبه
يا طه .. فى المدينه

" إقرأ " .. وقرئت عشاننا
ومليت بالنور طريقنا
خليت ترابنا (حنه)
لحظة ما بقيت صديقتنا

إنت الحقيقه بدون حدود
والجنه ليها ألف باب
خليت نجوم الخير تسود
وزرعت روحنا فى السحاب

وصلنى نورك للآيات
علشان أبات وياك هناك
أحمد يا بحر المعجزات
البعد عن دنياك هلاك

يا مصطفى .. نهر الصفا
حاضن قلوب المتعبين
إنت الوفا .. وانت الشفا
والمصطفى الهادى الأمين

من غير هداك ما اقدرش اعيش
يا اللى ضياك فى الروح ندى
غيرك يا هادى الروح ماليش
يا شراع فى أمواج الهدى

يا طه والأرواح جنود
وانت حبيب كل العباد
الروح إليك عايزه تعود
عطشانه من طول البعاد

من بابك المزروع ياقوت
حببت أفوت .. خدنى القمر
مالئانه أرضك بالبيوت
يا طه .. يا أعظم سفر
**

يوم الزحام .. قرب خلاص
أشفع لقلبي يا حبيب
إنت عشان الروح خلاص
يا مصطفى وانت الطبيب
**

علمتنى .. معنى الوصول ..
للمولى فى لحظه صفاء
كلمتنى .. وانت الرسول
سلمتنى لبحور ضياء
**

يا ضىّ قنديل السلام
يا كلام يا أغلى م الذهب
بتجبنى لو طالت آلام
يشفينى نورك م التعب
**

شجر المحبه ع الجبل
بينادى ع القلب اللى تاه
يا طه جوه الروح أمل
توصل بحبك للاله

علمت قلبى ازاي يكون
وازاي يصون عهد الرسول
يا رب .. يا طافى الظنون
م القلب .. إهدينا الأصول
**

واهدينا فى سكة ضلام
خلى عيوننا نجمتين
إوعدنا دايما بالسلام
بالمصطفى الهادى الأمين
**

سلمتنا .. راية الشفا
علمتنا .. درس الحلال
قربتنا للمصطفى
وبقيننا ميت مليون بلال
**

شرفتنا .. برسول حبيب
شایل همومنا من زمن
أصبح عشان روحنا طبيب
وعشان قلوبنا صبح سكن
**

يا رب .. والقرآن دليل
لينا فى أيام الحياه
يرضينا بالرزق القليل
وياخذنا جنبك يا إله

يا سابقتى فين ما باروح
إنت حبيب الروح
وانت الدوا .. والنور
للعاشق المجروح

يا مصطفى المحفوظ
بعباية القرآن
الى معاك بيفوز
واللى هرب .. غرقان

طه .. وروحنا معاك
الجنة .. بالآيات
كل القلوب سامعك
فى رعشة الصلوات

طه .. يا بدر الكون
يا إمام لكل الناس
علشاننا .. كنت العون
والحب .. والإخلاص

طه .. سهرنا كثير
نقرى حديث الخير
الرزق زاد يا حبيب
ما احتاجنا يوم للغير

علمتنى .. إزاي أعرف
أمشى بنورك ع السكه
أحفظ حديثك واتشرف
ينده عليك قلبى فى مكه

يا اللى انت للدنيا رساله
يا مصطفى .. وانت الهادى
لسه بتسأل ع الحاله
وان ثوهنا .. ع القلب تنادى

أنساك .. ومين ينسى حبيبه
يا اللى انت للمخنوق نسمة
القلب فارق أحبابه
علشان ينول منك بسمه

مشتاق إليك وانت معايا
ناده عليك وانت فى روى
ييجى الحديث ويا الآيه
يا هدايه قايده فى مصباحى

على بابك المزروع رياحين
إحنا نادينا عليك دايم
شفنا الحمام باصص بحنين
شفنا القمر نازل يدن

وياك باشوف الكون حنون
وبكون حصون ضد الضلام
فجأه .. إذا ساد السكون
ألقاك فى روح الكون سلام
* *

يا طه .. والأحلام سفر
والعمر والأيام فناء
إحمنى من غدر البشر
من ليل رياء .. فيه انحاء
* *

زوقت روحى عشان أقول ..
عنك كلام .. يمكن أفوق
خرجت حروف النور سيول
ولقيتنى زى النسمة فوق
* *

باحلم ليلاى باللقا
متشوقه روحى إليك
لو لحظه يضمنى الشقا
يا مصطفى أندده عليك
* *

شطك يا بحر المعجزات
هو الهدايه يا رسول
طهرت قلبى بالآيات
وحفظت روحى بالأصول

حبك فى قلب الروح زهور
يا نور معطر فى المكان
الله على أجمل عطور
يا اللى حديثك فى الكيان
* *

نيجى إليك متشوقين
يا مصطفى .. يا حبنا
نقرى بشوق سورة يس
نلقاك بتقرى جنبنا
* *

بنقدرك .. ما انت الرسول
وانت الإمام وانت القمر
فى حضرتك .. دايما نقول
فى سكتك .. يحلى السهر
* *

يا هادى .. وتنادى لنا
نيجى إليك قبل الجميع
الرمل يصبح سوسنه
والمصت يتحول ربيع
* *

جوه المقام .. غاب الكلام
دخل السلام جوه القلوب
بين الضلوع نام اليمام
يا شروق عظيم بعد الغروب

وندق باب الإشتياق
يفتح لنا قمر الوجود
مهما يطول بينا الفراق
لازم هانرجع للسجود

بنصلى دائما ع الشفيع
نرجع نتوب .. مهما نضيع
الله على حسن الختام
الله على الضى البديع

علمنا آيات الكتاب
كلمنا فوق جسر الأصول
لو قلبى دق الباب .. يُجَاب
يدخل بنوره للرسول

يا رب .. مش ممكن فى يوم
ننسى الكتاب .. مهما جرى
هو القمر .. هو النجوم
هو العلوم .. والمغفره

مفتاح دخولنا إليك ضيا
خارج من الحرف الحلال
ننده لسيد الأنبيا
إهدى النفوس .. يا ذا الجلال

ساتر عيوبى مهما ازيد
فى الذنب .. يا هادى القلوب
قادر تخلقى النور يقيد
فى القلب .. لما إليك يتوب

يا سر أسرار الوجود
إرحمنى م الليل البراح
خلينى ألقى فى السجود
الجنه ونجوم السما

يا رب .. آجى إليك نسيم
بيدق أبواب البشر
أبعد .. أكون إنسان يتيم
آجى .. أكون للناس قمر

يا رب .. لسه الذنب نار
إطفى النيران بالمغفره
خلقى الآيات لينا فانار
وديار .. بيباتها مقدره

قلبى صبح مليون جناح
بيرفرقوا .. جوه السما
إحمنى من ليل الجراح
من كل نظره آثمه

الليل سألتنى يوم
إيه وجهتك يا غريب
رديت : جفانى النوم
وشغلتنى أغلى حبيب

المصطفى العدنان
صاحب مقام الخير
جوه الكيان قرآن
جوه نفوسنا ضمير

الليل دخل م الباب
فناديت عليك يا رسول
إتوصى بالأحباب
خلى الأحبه تنول

الليل فرد فى جناح
على كل ساجد فيه
بيك الفؤاد ارتاح
يا شافيه .. بضى ماله

الليل صبح أحاديث
يا رسول ليالى النور
قمرك لروحي جليس
وهواك لنفسى زهور

تغفر يا رب ذنوب جبال
مهما تطول بينا الدروب
ترسم على المدنه بلال
يدنّ عشان الناس تتوب

ونتوب .. ونرجع للمغيب
نطلب حمايتك يا إله
إشفع لروحنا بالحبيب
الهادى .. قنديل الحياه

إنسان ضعيف فوق الطريق
إزاي هايكمل .. إلا بيك
لو خد نجوم طه صديق
لازم هايسجد بين إيديك

من طين .. خلقت الناس
يا نور يا رب كل العالمين
إحمينى من شر الغرور
واهدينى بالهادى الأمين

مهما ليالى الخوف تطول
لازم هانوصل ليك فى يوم
نتهنى واحنا مع الرسول
والجنه بالأرواح تدوم

سكة ألم .. ملياته شوك
إغفر ذنوبى يا إله
كل اللى تابوا يوم .. شافوك
فى كل أرجاء الحياه

أنا جيت إليك .. بعد الجراح ..
ما خدتنى لليل الطويل
يا ربنا .. أرجوك .. سماح
خلى الرسول لى دليل

ضاع اللى ضاع من عمر
ضاع بين التمنى والسكوت
قبل الغرق .. ظهر الشراع
خلانى جوه الموج أفوت

يا رب .. كان الليل غبى
والضلمه حاضنه كل شئ
رَدَدت قدام النبى ..
آيتك .. صبحت نسيم رقيق

طه .. يا رب العالمين
وصلنى للحق المبين
خلينى لاجل الناس طريق
طهرنى بزهور اليقين

طه .. حبيب الله .. وهب
قلبه .. وروحه للإله
صبح التراب .. فى يديه ذهب
وبدا معانا فى الصلاه

المصطفى الهادى الأمين
ورده إلهى فى القلوب
وهب الحياه .. للمؤمنين
ورسم شمسو ع الدروب

طه .. رسول الله عرف
إن الطريق مزروع هلاك
علمنا فى كتاب الشرف
أيوه اتعرف .. إنه ملاك

سمى باسم الله .. ونام
والقلب قايد بالآيات
واقف على كتفه اليمام
ساعة عبوره ع الصراط

دعوة رسول الله شراع
فى نهر .. ببيوس الشطوط
فارد عشان الخير دراع
جايب عشان الطفل قوت

حاضنين فى محراب الإيمان
ماشيين على السكة الصواب
واما سمعنا فى الأذان
إنت فتحت عشاننا باب
**

يا " سر " .. جوه قلوبنا بان
وصبح عشاننا طريق وصول
إنت كيان .. مليون مكان
وانت حبيبنا يا رسول
**

إحمينا من عَصَف الرياح
وداريننا من نار الزمن
خَلَّى الآيات .. لنا جناح
واشفينا من جوع البدن
**

المولى كان فى عنيك دليل
خَلَّى الآيات فى إيديك فنار
دايما بترضى بالقليل
ومفيش بديل .. للإنتشار
**

يا طه .. حَطِيت الكتاب
فى الروح .. وروحك كون فسيح
إحمينا من دنيا العذاب
واشفع لكل ضعيف جريح

الله عليك نسمة حنان
وإيمان وصبر ومعرفة
بتنادى لنا مع الأذان
توهبنا أزهار الشفا
**

صوتك وصلنى فى الميعاد
خلانى أقدر أبتسم
حتى الكرم .. لو فيه بُعاد
كرمك علينا بينقسم
**

يا طه .. يا قمر المكان
يا ساقى أشجار النبق
نورك نصرنى ع اللى خان
وساعدنى خيرك فى السبق
**

خايف يا طه م الفراق
لو طال على روحى الجوى
غازل فى توب الإشتياق
حاسس .. كأن احنا سوا
**

أستنى منك كل يوم
نسمه بتحضن فى القمر
أنسى الغيوم .. وانزل أعوم
يا شراعى لو حان السفر

حضرت أوراقي وجيت
وقعدت لحظه ف ضلتك
لما نويت القول .. نسيت
وسهرت اعيد فى بسمتك

عَدَّيت يا طه للأمان
رغم الجراح .. رغم الألم
يا أحن من قلب الحنان
مرعوش على ورقى القلم

زلزلت لنا الليل يا نور
خليتنا نعرف نفسنا
جوه حماك .. ألقى الزهور
تضحك .. وتطلع شمسنا

إيدى تشاور بالسلام
الله عليك يا ملحمه
يا طه .. مش هاكتب كلام
غير للرساله الملهمه

طه .. بتطفى فى العذاب
يا زهر واهبنى الشذى
قلبي إذا .. جالّه اكتب
بتشد من قلبي الأذى

آه يا قصايدى .. شقشقى
خلينى أرجع للورق
طه الحبيب .. دا مبدئى
وشراع نجاه للى غرق

يا طه .. إسمك أغلى شئ
يا أحلى من كل الحروف
ماشى فى ضيِّك ع الطريق
والقلب مش حاسس بخوف

فرحه بتحضن فى النفوس
كرمك بيوهبنا الرضا
ما سمحت للظالم يدوس
ولا قلبك المليان .. فضا

تظهر كأن النهر جاب
للمشتاقين جبلين ذهب
طه الحبيب .. إنت المهاب
يا فخر دايم للعرب

دارى دموعى باللقا
خلى الشقا يهرب بعيد
إنت طيور الزقزقه
يا طه .. وانت ألف عيد

يا مکه الفرقة جارحه
وطارحه حزن زايد
وانت يا طه فرحه
وحديث بالحب فايض

ساقى خدود ورودك
بالشعر .. والندى
نفسى ادخل حدودك
بحروف مالهاش مدى

دايس بالنور فى سكه
كان نفسى أمشى فيها
مکه علشانى ضحكه
يا طه الله عليها

أسأل والليل يجاوب
طه هو الحبيب
أهمس والقلب دايب
محتاجك يا طبيب

لو جيب الدنيا ليك
يا طه هاكون مقصر
عاشق كرم عنيك
وازاى هاقدر أعبر

عايش معاك فى كلمه
بتنزف فوق سطورى
طه .. يا أحلى نعمه
مين يوصف " طه " غيرى

طه .. فى الحسن صافى
وكريم فى وسط ناسك
لجراح القلب طافى
يا طاهر من أساسك

طه .. باركنى تانى
وخذنى أغلى واحه
إنت بحر الأمانى
الله على السباحه

باصص لمکه دايمًا
من غير ما تحس بى
الشوق سهرنى جدا
يا (فكره) عايشه فى

دايب .. يا نجوم ناديتى
رديت بشوق وجيت
طه بيملى بيتى
وانتى علشانى بيت

أسهر معاك أبوح
بالشعر .. والمحبه
طه .. يا صديق لروح ..
محتاجه الكعبه حبه
**

ليلي طويل يا غالى
يا أجمل القصايد
إنت بدر الليالى
وانت النهر اللي فايز
**

عابر سبيل لقلبك
يا اللي انت لسه واحتى
طه .. بالروح باحبك
لأنك كل راحتى
**

زوادى .. حب فاير
بالنسمه .. والمشاعر
فى سماك الطاهره حاير ..
يا طه .. كل شاعر
**

عنيك سلام علينا
يا همسة السلام
زارعه يا طه فينا
الحب .. والغرام

باين يا رسولنا ضيِّك
يا بو النوايا طاهره
ما لقيتشى حد زيِّك
يا جايب بكره .. بكره
**

دمعى .. بايس فى وردك
يا نهرنا المسالم
طه .. طلبت ودك
وطلعت ع السلام
**

أرسم شمسك ربابه
واسهر ليك الليالى
يا قلب كله طيبه
يا طه الخير .. يا غالى
**

خُذنى يا طه .. أيوه
محتاج لنسمه تشفى
روحك يا رسولنا حلوه
لو شافت نارى .. تطفئ
**

طه .. يا بدر راحه
يا بو النجوم رقيقه
هاتعلم السباحه
فى بحورك المضيئه

زايد فى كل حاجه
إشفينى من همومى
بحرى محتاج لموجه
يا سفينة طه .. دومى

فارس .. يا حرف جامح
حاسب لا تكون رياح
طه أصل التسامح
إتعلم السماح

هروب .. والدنيا راحت
وانت اللى جى لى
الروح بالحب باحت
يا غنوتى النديّه

دموعى لما نزلت
إتبسم الورق
علشان بالحب غزلت ..
هلال بالخير برق

نخله .. وداخله لينا
تدينا .. لو نعوز
بتداوى جرح فينا
وتخلّى الروح تفوز

بهجه وفرحه دايمه
إتوصى بالفؤاد
روحى المُحبه هايمه
فى لحظة الميلاد

عديت على كل واحه
يا صاحب الأماكن
طه .. يا أحلى راحه
جوه أرواحنا ساكن

أسهر ليالى مره
علشان مشتاق إليك
ومره .. بعد مره
يا طه .. جينا ليك

جايب علشانى ضيك
الله الله عليك
مين يا رسولنا زيك
ولا يوصل حد ليك

بردان .. وهبت قلبى
الشمس .. والشطوط
إنت م البدء حبى
طه .. يا أغلى صوت

دارينى هناك يا بيتى
فى مدينة الأمان
إنت جنة حياتى
يا صاحب المكان

أمانى العمر جايّه
فوق سكة الأمانى
طه .. يا نور عينه
أرجوك تسقينى تانى

لفيت .. وقدرت أوصل
سلمت بدون شعور
هاكتبلك مهما يحصل
يا جدور .. جوه الجدور

طه .. يا أرض دافيه
وشافيه فى الجراح
أشعارى لسه صافيه
عازفه لحن السماح

يدوم كرمك علينا
وتدوم لاجل الحياه
لو شفت روح حزينه
بتنادى ع اللى تاه

أحمد .. عنيك نهرين عطاء
صوتك لحاف حُضن الخلا
غازل فى توب الكبرياء
ساجد بقلبك فى الصلا

طه يا أكبر م البحور
راسم حصان بكره بشوق
إنسان حنان مليون شعور
شاييل دمانا فى العروق

وحماك إلهك م التعب
ومن الرياح السيئه
روحك ياقوت .. قلبك ذهب
فى سكه لسه ضيقه

لو قلب عاصى بينحرف
تصبح عشانه فنار مضئ
أحمد يا أمواج الشرف
يا أحلى " وجه " على الطريق

أحمد .. بقلب عفيف شريف
قدمت لينا سراج منير
قلبك صبح للكون رغيف
يا شطوط (قِيم) ونجوم ضمير

يا رسولنا .. أعمالك باينه
فوق الطريق الإنسانى
بتدوس على الناس الخاينه
وبتعشق القلب البانى

لا كنت يوم أبدا ظالم
ولا لحظه بتحب الجانى
دايما بكل جديد حالم
دا لأن فكرك إنسانى

طه .. ننادى عليك دايما
لو ضاقت السكه علينا
كل الديوك تصحى وتدن
فى مكه .. فى أغلى مدينه

بتحبنا مهما بنقسى
وتداوى روحنا القلقانه
تصبح عشان الروح مرسا
وتكون بروحك ويانا

طه وطول عمرك بانى
عدينا للبر الثانى
يا نظره مبروكه تداوى
جرح الغريب الجوانى

الله على الوجه الحسن
حامى قلوبنا م الهلاك
أحمد حبيب الله .. وطن
جوه الحياه .. أشرف ملاك

بنحب فيك .. حبك لنا
نعشق عنيك الطيبه
طه .. يا همس السوسنه
يا جناح بيحضن مركبه

الله على القلب الحنون
واهب أراضى الكون دفا
أحمد .. كرم فوق الغصون
بيكون معاه الكون صفا

أحمد .. حبيب الناس ضيا
خارج ببسمه مخلصه
الهادى سيد الأنبيا
أستاذ فى أعظم مدرسه

يا حامى روحنا م القلق
ومن الليالى المؤلمه
سبحانه هو اللى خلق
إنسان نجومه فى السما

أحمد .. سبقنا الدنيا بـيك
يا نجوم .. يا قنديل العطاء
الله على نظرة عينك
الله يا نهر الكبرياء
**

قربنا أكثر من كده
قلبك جناين من يا قوت
طه .. يا شلال الهدى
يا أحلى وجه .. وأعلى صوت
**

أحمد .. ونسمع كلمتك
الحكمه فى كل الحروف
زارع جناين سكتك
خُضره .. عشان كل الضيوف
**

شرفتنا بين الجميع
عرفتنا معنى الحياه
خليت خريف الليل ربيع
خليت سكوت الكون صلاه
**

تأسر قلوبنا بسمتك
نتوضى جنبك يا حبيب
أحمد وتطلع شمسك
الركعه تتحول طبيب

نيجى إليك أفواج أفواج
نشرب من النهر الدافى
تبنى عشان الروح أبراج
يا حبيبى يا نورنا الصافى
**

أحمد .. يا أجمل تكعيبه
الله على جبل الأشواق
زارع عشاننا اللبلابه
ومفیش ما بين الصحبه فراق
**

طه .. ناديت لينا بفرحه
هنيت قلوبنا المشتاقه
م الفجر ويانا بتصحى
وتجينا لاجل ما نتلاقى
**

طه .. وبدر الليل ضيفك
يا كريم وقد زحام الناس
الكل يتمنى يشوفك
آه يا قمر .. يا وتر حساس
**

بنحب فيك كل خصالك
يا راحه للقلب القلقان
لو غيبنا .. يسعدنا سؤالك
تدوم آمالك بالقرآن

الشمس لما تبص عليك
شعاعها ع الدنيا بيكبر
طه .. وكل الناس حواليك
وعنيك عشان الكون تسهر

يا حاضن الكل بقلبك
وزارع النخل عشاننا
أحمد .. قلوبنا بتحبك
يا اللي التراب فى إيدك حنه

من قلة الحب الغالى
نشرب ونشبع من خيرك
إسمك فى كل مقام على
والدنيا فرحانه بنورك

حبينا قد ما حبينا
ما لقينا زيك يا إنسان
دافيه إيدك جوه إيدنا
قايدة المشاعل بالقرآن

طه .. وتوصلنا طيورك
فوق الجناح مكتوب آيه
ترسم على الأبراج نورك
وتكون عنيك ليها هدايه

آه يا قمر .. بلغ طه
سلامنا .. يسلم لقلوبنا
آيه عبير الكون فيها
عمره فى لحظه ما بيسيبنا

يرمى الشبك فى البحر .. يجيب
لينا الياقوت ويا الألمانظ
أحمد صديق وشقيق وحبیب
يعطى نجوم للقلب ان عاز

آه يا قمر وياه خدنا
بالحب للدنيا الواسعه
بحنانه دايمًا يسعدنا
لما القلوب وياه تسعى

آه يا قمر .. كتر خيريه
طه ولى عهد الله
فوق النخيل .. واقف طيره
ساجد .. وبيسبح مولاه

طه ننادى عليك دايمًا
تقابلنا بالبسمه الطاهره
تصحى ديوك الخير تدن
وتجيب عشان الروح بكره

قلب الحبيب أحمد واحه
قارب دهب وشراع فضه
نزل القمر جوه الساحه
شفناه فى نهرة بيتوضى
**

وهب القلوب شمس الراحه
وقعد معاهم يتغدى
خلى النفوس السواح
بعد الجفاف .. تصبح ورده
**

طه .. يا زهره وفواحه
يا بسمه فى سنين الشده
بيك الحروف تبقى فصيح
من بعد ما كانت شارده
**

طه .. ورودك طراحه
وازاى جيوب النور تفضى
داوى القلوب المجروحه
خلى نفوس الناس تهدي
**

طه .. عيونك لماحه
خليت قلوب الكون ترضى
ضد الحروف الجراحه
والقلب دايب فى السجده

لسه الفؤاد مليون حنين
وعيون بتغرق فى السكوت
لما قرئت سورة ياسين
أصبح لصمت الصمت صوت
**

فيروز لقيته فى الركوع
بعد السجود .. شفت الضيا
نزلت على الخدين دموع
فمسحها .. " قمر الأنبيا "
**

فارس وحارس فى الكتاب
يا نسمة الحق المبين
خلى حروف الآيه باب
يفتح لكل العاشقين
**

بالروح فرحت بيوم لقاءك
وبكيت من النسمة الحلال
كان الأمل ألقاك هناك
حققت بيك كل الآمال
**

فضلك يا رب الكون محيط
فايض بخير الخير لنا
كل اللى بان منك بسيط
والمعجزات .. بعد الفنا

فدان إيمان .. فدان صفا
فدان حنان .. لاجل الغريب
علمنى طه المصطفى
أصبح لكل الناس قريب
**

آه يا فراق .. قاسى عنيد
سيبنى أزور .. نور الرسول
يوم اللقا والله عيد
يا أصل شلال الأصول
**

أجمل فروع .. آه يا شجر
فاكهة محبه للجميع
طلع القمر .. باس البشر
صبح الخريف .. مليون ربيع
**

فاز اللى فاز بالأمنيات
ضاع اللى ضاع لما عصاك
يا رب كل المعجزات
الكون سجد .. لما رآك
**

قمر الإيمان .. مالى الوجوه
بالتقوى والنظره الحلال
اللى هرب منك يتوه
فى دنيا خدھا المال .. ومال

جربت يوم أسيبك
وانسى كل الفروض
رجعنى الشوق لبابك
وحبيبك قالى : عود
**

جاعد . وألف جاعد
يا مخطئ .. يا عنيد
للدنيا رب واحد
رعوف .. رحيم .. مجيد
**

سحر الجمال إلهى
فى المصطفى الأمين
سجدت لك يا جاهى
وقريت سورة ياسين
**

طه نادانى ياباه
وسافرت للحجاز
إرتحت م الديابه
من ليل مليون قزاز
**

جاهل جدا يا ساهى
ربك مش حامده ليه
ضايح بين التلاهى
آخرة دا كله إيه

طاف الفؤاد جوه الحجاز
الله على الأرض البراح
اللى زرع فى التقوى فاز
واللى هدم يجنى الجراح

قلبي قريب .. طه الحبيب
هو الطبيب .. هوا الدوا
لما بدأ عهد المشيب
قلبي من الخوف انكوى

أيوه طردت النوم وجيت
والليل هزمت بالآيات
حسيت كأنى نسيم .. بكيت
وفضلت فى حالة سكات

طار الغراب .. إيه يا غراب
ما كفايه غدر الأصدقاء
القلب ويا الهادى تاب
وفرح بتوب الكبرياء

فى النور طرح شجر الصلاه
" حسنه " بتمنع فى الأذى
روحى فى أحضان الإله
طاهره .. شريفه .. مُعززه

ظهر القمر قبل الميعاد
هللنا لظهور الهلال
دخل الفؤاد .. فرس السهاد
لما ميزان العدل مال

ظاهر خلاص بدر التمام
خلى اليتامى تبتسم
الله على رغيف السلام
لما علينا ينقسم

ظالم يا قلب جحود غبى
عالم يا رب بمطلبى
لما ناديت سيدنا النبى
التقوى صبحت مركبى

بان الظمأ .. عطشان عطا
إروينى من نهر الآيات
الدمع كان شلال شتا
غسل الفؤاد م المعصيات

طاهره ظلال نخل الإيمان
ضلل علىّ يا نخيل
الخوف صبح وياك أمان
والصمت أصبح سلسبيل

ليه الظنون .. وانت اليقين
وانت الحنين المرتجى
ليه شوفتى غير الله يا عين
ليه تطلبى غير النجا

الضلمه خانقه فى البشر
يا ويلنا م الليل الغبى
لما ظهر .. ضوء القمر
صلت قلوبنا ع النبى

رغم الظروف عايز أطير
واسبح فى نهرك يا رءوف
لو لحظه افكر فى المصير
القلب يصبح كله خوف

ظنيت فى يوم إنى بقيت
فوق البشر .. ونسيت لقاك
صابنى كتير لما نسيت
إسقينى من نجمة ضياك

هام الظلام .. دام الخصام
بين الأنام صبح ومسا
الهادى أكبر م الكلام
أستاذ فى أعظم مدرسه

خَدنى حنينى فى يوم هناك
وحضنت فى طير الحما
أنقذت قلبى م الهلاك
من كل خطوه آثمه

ليل الخطايا ما زال جبال
خانقه فى شمس المعرفه
دارى عيوننا م الضلال
واوهبنا (وجه) المصطفى

راعش فى قلبى ليه يا ليل
خليه يعود دنيا الصواب
النور رسم مليون دليل
والفجر ماشى بألف باب

موجود ذكاء جوه العقول
وصلها للحق المبين
لو يوم هجرت الليل بقول
واوصل بروحى للأمين

أيوه رجعت عشان أتوب
واطلب حمايتك م الفناء
لما سجدت مع القلوب
شفت النماء .. فى الإحناء

كاره أخالفك مهما كان
واهجر ضيائك من غير سبب
من غير " سناك " .. مات المكان
أدبنى يا أصل الأدب
**

لسه كلام طه الحبيب
هو دليلي في الزحام
أتعب .. يكون أشرف طبيب
أسكت .. يكون أجمل كلام
**

إنت كفيف يا اللي الحياه
أخذت عيونك للسهر
إزاي بتعصى في الإله
تطعن بسيفك في القمر
**

كافر يا دايس ع العباد
بالعنجهه .. والمنظره
لما بيان للكون ميلاد
هاتكون مع الكفار .. ورا
**

كاظم في غيظي يا رءوف
الحلم أنقذ كل شئ
إزاي أحس معاك بخوف
وانا للكتاب دايم صديق

يا رب الكون ناديتك
وانا جوه زحام رهيب
خدنى القمر لبيتك
وارتحت بالحبيب
**

واحة سجودي راحه
ومساحه طاهره لى
أرض القرآن مريحه
وحديث الهادى فى
**

جايلك يا حبيب أنادى
إيدى حاضنه الدموع
إشفع للروح ياهادى
يا زادى .. لو أجوع
**

جايز أكون سهيت
ونسيت جوه الزحام
واما نادانى بيت
لبيت .. وجيت قوام
**

الليل جامح يا قلبى
ودايس ع الحياه
خليك فى السجده جنبى
راضى شرع الإله

فاضل ثوانى وامشى
وأقابلك ع الصراط
دمعى بيهز رمشى
داخل كهف السكات

ثوره كانت رسالتك
هديت بيت الضلال
نور الإله بدايتك
والحب .. والحلال

تمن الخطيئه غالى
يا خوفى م التمن
هارب جوه الليالى
مش دارى بالزمن

نجوم التقوى بانث
من رجفة الدموع
هانت يا قلبى هانت
راجع .. قبل الرجوع

ثنائى كله دايمآ
على طه ليل نهار
مشتاق لنوره جدا
حاسد كل اللى زار

دايمآ مراد قلبى العليل
يفضل معاك صبح ومسا
يشرب من النهر الأصيل
كل الحروف المخلصه

محمود .. وعند الله شفيع
ورسول على كل العصور
مين اللى يقدر يوم يبيع ..
النور .. ويهرب م الجذور

هجر الفؤاد دنيا الزحام
ولجأ إليك رغم السفر
لو اغيب أشوفك فى المنام
مليون قمر .. جوه القمر

هادى ونادى يا حديث
مالى القلوب المخلصه
الحرف فيك مليون جليس
والكلمه منك مدرسه

سهرنى صمت الليل زمان
فلجأت للفجر النضيف
صالح غنيّه على الزمان
صبح الحنان لى وليف

شايذك واقف تغنى
يا قلبى لكل فانى
العمر ضاع تمنى
فى سكة الأمانى

ترياقى بين آياتك
أشواقى الدافيه ليك
فى الليل ريحنى بيتك
وبكيت ما بين إيديك

تشجبنى كل آيه
تنادينى فى المسالك
لو ابص فى المرايه
ألقانى شخص هالك

تراب فيه كل واحد
مخلوط ويا التراب
إزاي أنا هابقى جاحد
وأعيش ويا السراب

الفجر قاد بتايب
سايب ذنبه الرهيب
دايب فى التوبه .. جايب ..
للمجروحين طبيب

لما الشهاب .. وصل السحاب
قولنا الشهاب ازاي وصل
بالفجر فاتح ألف باب
دايس على ليل الكسل

شباك أدان الكون صبح
الكون صبح شباك أدان
فوق السطوح صوتى انتبح
إصحوا يا ناس خلف البيان

شبح الخطيئه صال وجال
والإحتيال جوه العيون
يا رب ليه الحق مال
والمال صبح هو القانون

لسه شيطان جوه العباد
ساد الفساد جوه الجموع
إوهبنا ضيك فى الميعاد
وساعدنا نقدر ع الرجوع

طه شرع .. والمقدافين
هما الآيات المخلصه
شايذك فى قلب المحرومين
الى سجد .. واللى عصا

دايب فى هواك .. حاضن وردك
والكعبه دى أجمل تكعيبه
قلبى الملهوف .. رايد أرضك
وبيتعب جدا م الغيبه

علامات توصلك من عندى
يا أجمل شئ جوه وجودى
عدى يا رسول النور عدى
هاكتبك بالدمع نشيدى

لمدينتك .. آه .. مشتاق جدا
الله على همسك وحنانك
خليت الكون يا رسول أحسن
ياما نفسى اتهنى ف بستانك

ناولنى كتابك نفسى اقرى
واحضن فى سماك المحفوظه
فى عنيك إشعاع مليون فكره
يا بخت الأرض المحفوظه

دايما تهتم بأحبابك
يا نجوم الدنيا الملاليه
القلب بيرسم على بابك
نخله علشان أيام جايه

النور .. زرع قلبى نخيل
على نهر نيل سيدنا النبى
الله على صوت الخليل
لو داس لسان مليون غبى

زنزانه يا سكة ضلام
سيبى قلوبنا تنطلق
ع المصطفى أظهر سلام
سبحانه هو اللى خلق

لسه زحام عند الرسول
وكلام رقيق من كل لون
حاضنه القلوب نسمة أصول
والراحه واحه فى العيون

وجهت قلبى يمتك
وبكيت بروحى المغرمه
إشفع يا طه لأمتك
وصلها أبواب السما

زلزال ما زال جوه الصدور
إصفى يا صدرى بالركوع
ملعون فى كل كتاب يا زور
محبوب يا قلب ملان خشوع

زمرم بتجرى فى العروق
والكعبه جوه عيونى نور
أرجوك تسبب النفس فوق
تحمى الطريق من كلمه زور

كروان نده ويا الأدان
المُلك مُلكك يا رعوف
إنسان هايملك صولجان ..
إزاي وهو أسير ظروف

آدى " زبرجد " ع الدروب
موجود عشان إنسان نضيف
راجع حماك علشان أتوب
وأضيف إليك قلبى الشريف

فى يوم زعق صوت الغراب
إتهز باب البهجه آه
حسيت ليلتها باغتراب
وصرخت .. أستر يا إله

أغلى شמוש جوه المكان
غاسله الجهات الأربعة
الحب عمره ما كان ميدان
ولا كان سيوف .. ولا معمعه

سبحت للمولى الرعوف
وسبحت فى النهر العفيف
ملايين كتير .. واقفين صفوف
بيصلوا ع القلب الشريف

سَيِّد .. أجيلك فى احتياج
راحه .. فى واحه مقدسه
توهبنى وقت السجده تاج
وأشوف ضياك صبح ومسا

شايف سباحه فى بحر خير
ومساحه صافيه للى عاد
بضياك فى ليلى أستجير
ألقى الرماد .. مليون ميلاد

ساحر يا شكل الدنيا ليه
وبتغرى كل القوم هنا
أنا أبقي جوه الدنيا إيه
وانا أصلى من أصل الفنا

آه يا ضباب جوه السفر
وسراب بيقلق خطوتى
لما القمر .. فى الروح ظهر
بان الرسول فى نظرتى

يا قمة العواطف
يا طه .. والمشاعر
عن صمتي .. ألف آسف
مع إنى لسه شاعر

طه يا نخل طارح
يحميك من كل سوء
إمبارح .. كنت سارح
لكن وياك بافوق

طه يا نور ضواحي
باكتبلك فى القصيده
تهدى جدا جراحى
لو اشوف ناسك سعيده

نادى علىّ .. نيلك
هايجيب مركب ربيع
لما باقدر أجيلك
باحلف ع الليل يضيع

فايت عليك أغنى
لقيت فى مكه نور
بابك يا رسول تمنى
وسموك طير زهور

عرضى .. وفرضى كله ليك
يا خالق الكون الرهيب
لما سجدنا بين إيديك
ليل القلق أصبح حبيب

عقلى وصلك يا غفور
قلبى نادالك فى السفر
صبحت ليالى الصبر نور
والدنيا زال منها الخطر

لسه عباد الله هنا
رافعين إيديهم للسما
زارعين نفوسهم سوسنه
رايحين على حامى الحما

دنيا عبث .. يا عين بلاش
تاخذينى للنظره الحرام
العمر كله ضاع بلاش
وفقدنا روحنا فى الزحام

غامض يا تل المعصيات
حامض يا طعم السيئه
لما غراب الضلمه فات
السكه صبحت ضيقه

الله .. غريب القلب عاد
إقبل رجوعى يا إله
خلينى لعنه ع الفساد
خلينى نجمه للى تاه

غمضت عينى ع الدفا
لما قرئت آيتك بشوق
زارنى الحبيب المصطفى
خدنى فى لحظة عطف فوق

غلطه لا يمكن يوم تعود
أرجوك ساعدنى ع الوصول
التوبه خلتنى أسود
واوصل بقلبى للرسول

أيوه غبى يا ليل شحيح
دفينى يا فجر المنى
بيتك مريح .. لاجل الجريح
واليوم معاك .. مليون سنه

لما غمرنى النور ناديت
على طه .. كان أجمل ندا
لحظة نادانى الحب .. جيت
ولقيت معاه قمر الهدى

يا حب .. خدنى عنده
الساكن بين كيانى
هاتلى من طه ورده
واعطيئه نن عيني

زرعت حروف قصايدى
فوق بابك الحرير
من نهرك الماوردى
قلبى شرب كثير

باسأل عليك بيوتك
والنسمه .. والنجوم
بحرى حاضن شطوطك
يا طه .. كل يوم

ناوى على إيه يا قلبى
ومكه بتناديك
إوعى فى يوم تخبى
على طه نور عنيك

فايت فى القلب " فتره "
من أجمل ذكرياته
طه يا واحه طاهره
إنت كتاب حياته

حبيبي طه نجمه
بتنور للى عايز
يا رسول الخير يا نسمة
تدى الفايز .. جوايز

ألاقى فين يا قلبى
راحه جوه الحياه
ساجد حبيبي جنبى
الله وألف آه

بالقلب الدافى .. طافى ..
النار .. واندّه حديتك
يا بحر صافى .. وافى
قلبي صبح جليسك

عايش شريد يا صاحب
إزاي والنور معاك
خليك دايمًا مصاحب
طه .. هاتقيد سماك

أيام زمان يا طه
كانت ليالى حادقه
لما الإيمان ملاها
خلاها آيه صادقه

شاورت ليك .. يا حبيبي جيت
زى النجوم .. أخضر .. رقيق
بيتك لقيته ألف بيت
وصحيت لقيت مليون طريق

أيوه باحبك يا رسول
قائد وهادى للعيون
إوهبنى نفحه م القبول
خلى الفؤاد قادر يصون

فى حماك زرعت نخيل أمل
وجريت على الضىّ المهيب
لو مش هاتول .. إيه العمل
إشفعلى يا طه الحبيب

فعلا صلاحى فى الوجود
هو صلاح قلبى العليل
موجود فى كل مكان تجود ..
ع الناس .. وتوهبها دليل

فجأه .. سرقتنى الخوف فى يوم
فبكيت لحد ما جيت حماك
زال الأرق .. ويا الهموم
ولقيتنى راعع فى سناك

جبل الذنوب .. خدنى الهوى
ورجعت مقصوص الجناح
أيام زمان .. كنا سوا
أرجوك يا رب الكون سماح

كل السنين بتضيع هباء
والباقي هو المستقيم
للرب وحده الإنحاء
غفار .. غفور .. رحمن .. رحيم

القسوه فى قلوب الحجر
والرحمه من صفة الإله
لما ظهر ضى القمر
إتبسمت كل الحياه

ذنبي .. يا ريت ذنبي انطفى
علشان أجيلك فى الميعاد
لما نسيت .. قمرى اختفى
يا ويلي من ليل السهاد

كفى ما زال جوه السما
حاضن ليلاتي فى الهلال
لو ألقى ليله مضلمه
أسقيها من نهر الحلال

دبلاته يا وردة أصول
عند القلوب المهمله
بس الفؤاد قادر ينول
كل المنى .. بعد الصلا

دينى عرفته م النبی
والخط أصبح مستقيم
الى يدوس الدين غبی
واللى يبوس الخير عظیم

مليون ذليل يا اللی هواك
أخذك لذنوب بدون مدى
حتما هاتوصل للهلاك
يا بو الكلام من غير صدى

ذهب المحارم نار فى نار
إرحمنى من ضی الذهب
لما الفلوس صبحت فنار
العقل جوه الناس ذهب

آدى الذهب بعده رجوع
ودموع على العمر اللی ضاع
لما ندهتك فى خشوع
البحر هلل للشرع

فى الليل دبیب النمل بان
وغرقت فى دنيا السكون
قرآن بیرعش فى المكان
وحديث یملى فى العیون

دمى بیرجف فى العروق
لما سمع قرآن شریف
ویا الحديث أنا طیرت فوق
وبقیة عشان عبدك رغیف

دلینى یا شطوط السهاد
إزای هاکون قارب نجاه
روحى هاتوصل فى الميعاد
لخلود ما تعرف منتهاه

أیوه دللیلى احتار هناك
یا رب .. یا رمز الخلود
صبح الشیطان بهُداك ملاك
ومعاك سجد كل الوجود

دفعه وضاعت جوه موج
معوج وحتى شراعتها مال
بعد الدخول .. بدأ الخروج
ولا عاد هاینفع روحنا " مال "

أیوه كتمت الآهه .. آه
وسجدت حتى على القزاز
لما خرجت من الحياه
فى الجنة .. قابلت العُراز

لسه ذلیل یا اللی هواك
أخذك على جسر الهلاك
ماشى ونار النار معاك
والدنیا تعبت من أذاك

ذاتك یا رب العالمین
هى حمانا ع الدروب
لما ظهر طه الأمین
إتفتحت كل القلوب

" هجره " وكان البدء خیر
الله على أعظم كفاح
الرحمه من عند المجیر
خَلَّى الكتاب .. أقوى سلاح

آه یا دمار مالى العباد
لما استخبوا فى الضلام
بالآیه نفسى أستفاد
واصبح كلام جوه الزحام

دين الأحبه نسمة
توصل ما بين قلوبهم
إنت يا طه كلمه
بتبوس ليلاتى بابهم

يا الله يا طه يا الله
إرعرش صوت السكوت
الليل هايبقى فله
والبدر يكون بيوت

جرحنى الفجر لما
سبيتك ومشيت بعيد
تقلت بى المهمه
والعيد .. ما عادش عيد

يا قلبى يا الله إنده
هايرد عليك ملاك
بالواقع كله إرضى
حتى لو كان هلاك

للأرض هاعود .. يا ويلى ..
من قسوة التراب
كان القمر خليلى
والروح جوه السحاب

هبت رياح قويه
خلعتنى من كيانى
يا رسول .. يا نجوم نديّه
بتعيدنى لروحي تانى

دليلى نور عيونك
دلونى ع السبيل
يسلم للكون إيمانك
دا الليل محتاج دليل

أهداك الرب لى
الله على الهديه
القلب ساحه طاهره
والروح ملائكيه

زادك .. حديث إلهى
يا " وحى " م الإله
إنت يا طه جاهى
وجاه لاجل الحياه

جامد يا قلب عاصى
حامد يا قلب نور
هامد يا شخص ناسى
راسى على بر زور

عمرى على كفى الشحيح
وازاي بقى هاطمع فى مال
الى اهتدى قلبه مريح
واللى كفر بالنعمة .. مال
**

بالروح خرجت بدون متاع
من دنيا فانيه بدون مدى
يا حسره ع العمر اللى ضاع
من غير شرع .. من غير هدى
**

طعنه فى قلبك يا جحود
إن الأدان .. ما زال أدان
الحقد مش ممكن يعود
ولا يوم يدوم الصولجان
**

فرقت قلبى ع اللى عاز
وغرقت فى الحب النقى
كان الطريق مليان قزاز
أصبح حرير لاجل النقى
**

يكفينى جدا مصحفك
أشبع واجوع .. وأشبع واجوع
قلب الجحود لو يعرفك
هايعود لأرضك فى خشوع

رايح إلى حيث البراح
أركع وأسجد ع الحصاص
يا نبينا يا سيد الملاح
يا أغلى أغلى مدرسه
**

ساذج يا ناكز فى الجميل
إزاي تدوس فوق النجوم
الليل بيولد ألف ليل
والخير بيهزم فى الغيوم
**

شاهد يا قلبى ع اللى كان
جاهد .. ضرورى يبان شعاع
لما عصيت النور زمان
ضاع الأمان .. والعمر ضاع
**

باين يا قنديل الصفا
حاضن قلوب المتقين
فاتح عنيك للمصطفى
الله على الهادى الأمين
**

زقزقت يا كروان إيمان
هزت صدورنا الزقزقه
قرآن عظيم الشان .. أمان
من كل سكه ضيقه

الكعبه ف يوم كانت جنبى
يا رسول بيشقر على بيتى
إنت يا حبيب الله حبى
وفراقك أصعب من موتى

دابت أيامى ف أيامك
ونويت أهديك دواوينى
الله على جنة أحلامك
طه .. يا كيانى وتكوينى

أنا جيت أتملى بأنوارك
وأهنى الروح المشتاقه
زوارك لمحواف أسرارك
يانسيم للسكه المخنوقه

يا حبيبى يا نور الشفا فى
يا عبير الحب الإنسانى
يا شعاع للنفس المنسيه
علشان ترجعك من تانى

أحمد ولا لينا سواك مرشد
ولا فينا بينطق غير صوتك
لو ليله نضيع .. بنقول (أحمد)
نوصل بالروح لنجوم بيتك

قدم الخطايا .. راичه فىن
أرجوكى تهدى يا قدم
إحنا يا قلبى مُسيرين
والدنيا دى أصل العدم

كان فيه غزال خدنى فى يوم
لففى فى دايرة خطأ
زادت على النفس الهموم
جوه الغيوم .. أنا قلت : لأ

مهما نهون .. ما يهونشى يوم
حبك على كل البشر
كل السما صبحت غيوم
إرزق عيوننا بالقمر

غول الخديعه خنقنا يوم
فجرينا نطلب رحمتك
إحنا تعبنا م الهموم
ومن الخروج عن سكتك

يا رب يا عالم بنا
قدرنا نوصل للقبول
خلى النفوس المؤمنه
فى القمه .. فوق جبل الوصول

طه .. وكل الناس حواليك
والكل متهنى بنورك
فى قلب قلب الكون نلاقك
فخر العرب .. يسلم دارك
**

الله يبارك فيك إنسان
الكل دايمًا جوه عنيك
طه الحبيب .. أنت العمران
كان الإله هو اللى حاميك
**

نور المدينه خلاص خدنا
على نور إلهى مودينا
إحنا بنيجى ف مواعيدنا
نور الأمل والشوق فينا
**

طه ومين يقدر غيرك
يشفى النفوس الحيرانه
رب العباد .. كثر خيرك
علشان ما يفضل ويانا
**

يا مصطفى خدنا هلاك
لله وسابنا بندعيلك
فوق السطوح لسه بلالك
فى الضلمه رافع قناديلك

جايب يا طه دايمًا
الفرح .. والسفاين
قلبك .. بنحبه جدا
يا دايس كل خاين
**

زهري .. حروف كتابك
يا بدر الخير يا على
أرسمك فوق سحابك
أشعار .. يا إسم غالى
**

هارب من كل شئ
جايك بقلب صافى
ققان من الطريق
يا رسول راسم ضفافى
**

طه .. هواك أسرني
آه يا كرم جبال
لما الجبل كسرني
صبحت عنيك آمال
**

الله عليك رسولنا
وآمالنا فى الوصول
دليلنا جوه ليلنا
وقمرنا يا رسول

آه يا رسول الكون
آه يا جبال العون
نفسى أنام فى حماك ..
تأتى .. وتأتى أكون
**

إسقينى م الأفراح
والنور .. أنا عطشان
كل اللى قبلك راح
ونسيت يا طه زمان
**

آه يا رسول مبعوث
للكون عشان يهديه
فوق الصنم بيدوس
والكفر .. يهدم فيه
**

فى مسجدك حنيت
للدمع والأحاديث
شفتك فى قلب البيت
قاعد معانا جليس
**

آه يا رسول موجود
فى كل شئ نلقاه
بنشوف معاك الجود
ونقول بشوق الله

ظلم العباد .. خلى العباد
خايفه يوماتى م اللقا
لو يوم هانرضى بالفساد
النور هايصبح مشنقه
**
فوق الجبل .. قلبى ارتوى
من دفء شلال الصلا
أنا والضمير ماشيين سوا
طالعين جماعه للعلا
**
سابق عليك سيدنا النبى
تهدى يا قلبى وتهتدى
سيبك من العقل الغبى
واسجد فى " سكه سرمدى "
**

رايح يا قلبى لمين وفين
والدنيا لسه مبهمه
صلّى على الهادى الأمين
واصعد بروحك للسما
**

ظاهر تماما للعيون
يا بدر فى سحابة ضيا
زالت من القلب الظنون
وفتحت باب الأمنيه

نُجِينَا مِ الْغَفَلَاتِ
وَدِينَا لِلْحَسَنَاتِ
خَلَى الرَّسُولُ فِى الرُّوحِ
بِيرْدِ الْآيَاتِ

يَا رَبِّ .. لَوْ نَرْتَاحُ
خَلِينَا مِ الشَّاكِرِينَ
وَأَنْ ضِعْنَا يَوْمَ فِى جِرَاحِ
خَلِينَا مِ الصَّابِرِينَ

هَمَى .. نَسِيْتَهُ خَلَاصِ
وَصَبَحْتَ قَلْبَ جَدِيدِ
بَانْصَحْ فِى كُلِّ النَّاسِ
فِى التَّوْبَةِ .. تَلْقَى الْعِيدِ

يَا خَالِقَ السَّمَوَاتِ
إِرْحَمْ دُمُوعَ مُحْتَاجِ
إَوْهَبْهُ بِالْصَّلَوَاتِ
يَا رَبِّ .. أَجْمَلُ تَاجِ

شَلَيْتَ الْحُمُولَةَ وَجِيتَ
أَطْلُبُ حِمَاكَ مِ النَّارِ
مَشْتَاقٌ لِأَهْلِ الْبَيْتِ
لِلْهَادَى .. يَصْبَحُ جَارِ

نُجِى إِلَيْكَ بِالْخَطَا
تَقَابَلْنَا بِالْقُرْآنِ
طَهْ حَبِيلِكَ .. صَدَقِ
عَلَّشَانِ رَسُولِ إِنْسَانِ

نَجَانَا طَه كَثِيرِ
مِ الظُّلْمِ .. وَالْبَهْتَانِ
خَلَانَا بِالتَّكْبِيرِ
نَصْبَحُ فِى مَكَّةِ أَدَانِ

جَابَ الرَّسُولُ آيَاتِ
تَهْدِينَا دُنْيَا وَدِينِ
خَلَانَا بِالْحَسَنَاتِ
نَصْبَحُ عِبَادَ صَالِحِينَ

إِنْتَ يَا رَبَّ الْكُونِ
عَالَمُ بِكُلِّ الْحَالِ
بِتَقْوِيلِهَا " كُنْ " .. فَيَكُونُ
وَتَصْلُحُ الْأَحْوَالِ

دَايِبُ مَعَاكَ يَا رَسُولَ
فِى آيَاتِ كَثِيرِ .. وَسُطُورِ
حَبْلِ الْإِيمَانِ مُوَصُولِ
بَيْنِي وَبَيْنَ النُّورِ

لو ضاعت " حكمه " مَنَى
ألقاها فى الآيات
إبعد يا رب عنى
الخوف .. والمعصيات

صفينى لليتامى
نجومن طريق رقيق
رجعنى بالسلامه
آخذ إيد الصديق

يا رب .. خلى طه
يصبح لى الإمام
أرضى .. تُحْضَنُ سماها
ويطير فيها اليمام

عرفنى فىن صديقى
شرفنى ف كل حين
خلى نجوم طريقى
شايله نور الأمين

يا رب الناس .. ساعدنى
ع الهم والضلامه
إسعدنى بنور .. وعيدنى
لسكة السلامه

ونهجر الخطيئه
ونعيش ويا الحقيقه
أحمد .. يجينا دايمًا
بطلعته المضيئه

أحمد .. ومين نادانا
غيرك يا نجوم إيمان
هانحافظ ع الأمانه
لو حتى الكل خان

يا مصطفى اللى أصبح
لينا .. أعظم إمام
ورد المدينه فَتَح
فى سكة السلام

حبيبى .. يا محمد
يا أسر القلوب
لله دايمًا بنحمد
ومعاك إليه نتوب

دارينى من عيوبى
يا رب المعجزات
خلى دايمًا جيووبى
مليانه بالآيات

الجزء الثاني

دعاء الروح

شباكى طال السما
فى زيارتى للهادى
كانت جراح مؤلمه
صبحت طريق نادى
**

يا مصطفى .. والجفا
كان بين عباد الله
ووصلت يا مصطفى
خليت حياتنا .. حياه
**

شباكى كان مفتوح
.. النبى المختار
.. حبيب الروح
أنوار .. فى ليل أسرار
**

شباكى كان مقفول
وفتحته .. لما ناديت
هادى القلوب يا رسول
خُذنى لأهل البيت
**

شباكى كان وياك
باصص على الساجدين
لما لمس فى ضياك
أصبح " بيوت " يا أمين

لما ابتديت أقرى
سورة " يس " فى الليل
الدمع كان مطره
والحرف ميت قنديل
**

لما ابتديت أهدى
بحديث رسول الله
صبح السكوت ورده
ساعة لقاءه وضياه
**

لما ابتديت ارتاح
ويا آيات الخير
سلمتنى مفتاح
ما احتجت يوم للغير
**

لما ابتديت ألقاك
فى كل شئ ألقاه
سجد الوجود وياك
فى ضياك يا عبد الله
**

لما ابتديت أناديك
رديت ندايا عليك
حببت وجودى معاك
ولقيتنى دايب فيك

الذنب .. لو فى الليل
ييجى النهار .. ويبان
خلى رسولنا دليل
يحمينا م البهتان

فيه للذنوب بصمه
بتبان على الإنسان
جاب الشيطان " وصمه "
للعاصى جاب حرمان

من كل ذنب جرئ
نجينا يا الله
يبقى طريقنا رقيق
مليان بحب صلاه

ذنبى .. إذا نسيته
يكبر .. يزيد .. ويفيض
الفرض .. صليته
علشان نجومى تقيد

إرحمنى يا غفار
من ليل ملان بذنوب
يا عالم الأسرار
إمتى القلوب هاتنوب

أحمد .. وكامل فى الصفات
جوه قلوبنا الطيبه
حققت لينا المعجزات
يا شراع لأجمل مركبه

هادى .. وفاز قلبك يا نور
جايب هلال الخير لنا
بانى عشان الناس قصور
بآيات رقيقه .. حنيه

من أول البدايه
وانت أصل الحياه
الحب .. والهدايه
ومحبة الإله

جوه المدينه قلبى
بينادى ليك بشوق
" صحابه " .. ساجده جنبى
يا شروق .. لاجل الشروق

يا طه .. علمتنى
الدنيا .. آجى إليك
والفرحه .. كلمتنى
لما صليت عليك

يا نسمة .. يا حنيه

ودينا ع المختار

كل الآمال ممكنه

لو روحنا ليه تختار

يا نسمة .. يا منسمه

يا رايحه للمصطفى

قولى لنجم السما

الكفر بيه اختفى

يا نسمة .. كوني سلام

على طلعة التايبين

فى سكة الأحلام

ويانا هادى أمين

يا نسمة ردى الروح

للقلب لو مخنوق

طه .. صديق الروح

جايب عشاننا شروق

يا نسمة .. جينا ندوق

الحب .. والأشواق

ساعة الوضوء .. بنروق

مع أعظم الأسماء

جوه المقام .. بيتى

يا طه .. دفينى

يا ميتى .. وقوتى

م الغربه .. خبينى

خلى المحبه جناح

هفهاف على جرحى

هاتلى بقى المفتاح

يُحضن فى باب صبحى

باهواك يا مقدافى

فى بحور بحور خوفى

باهواك يا طه حبيب

يا شطوط حرير دافى

أصبح قريب منك

الحب يسندنى

لكن بعيد عنك

ولا حاجه تسعدنى

فى الغربه .. دمعى سيول

والليل يباعدنى

إنت الأمل يا رسول

م النار .. بتنجدنى

نادى لىّ .. فى كل حته
يا شفيعى .. نادى لىّ
إنت أغلى رسول .. وإنت
سكه طاهره .. ربانيه
**

إنت أحلى مدينه جايّه
م البلاد الزمزميه
إملى لينا القلب رحمه
يا حبيبي .. يا نور عنيّه
**

جفف الدمع اللى باين
يا رسول الإنسانية
إنت فى كل الأماكن
نور أمانى محمديه
**

إنت شلال المشاعر
إنت قيمه لألف دنيا
إنت باب مفتوح لشاعر
روحه فى العالم شقيّه
**

يا رسول الحب .. حبك
خفف الجرح اللى فى
لسه ساجد قلبى جنبك
فى حما رب البريه

لو ضعت فى الشوارع
وتاهت الخطاوى
أحمد .. يشفى المواجه
ويكون بالنور مداوى
**

طه .. بالشوق نادانا
بحنين .. ولهفه .. جانا
ودانا ع المدينه
وشفانا .. من أسانا
**

طه المختار .. حبيبنا
زارع بالفل بابنا
وملامحه بين عينا
ورسالته .. نور قلوبنا
**

الله عليك يا واقف
بتساعد كل راجف
وبشوق تسأل علينا
ولنار قلوبنا شايف
**

يا رسول .. طريق حياتك
شفناه فى قلب بيتك
لما بالحب جينا
نقرى فى كتاب صفاتك

أعمالى .. لو صالحه
إنت السبب فيها
آدى الدموع " سبحه "
طهرتنى بيها

داست خطايا الناس
ع النور .. صبح نيران
لو فيه ضمير حساس
بيدوب مع القرآن

يا رب .. يا موجود
هيننى بالآيات
يبقى الفؤاد موعود
مع طه .. بالحسنات

خلى الوجود يرتاح
بالآيه .. والتسابيح
يبقى الوجود مفتاح
طاهر .. لكل جريح

طهرنى ليل ونهار
إحمنى م الشياطين
أحمد .. يكون الجار
لى .. مع الصالحين

عمرى ما تخجلنا
لو دوبنا فى الطاعات
لو توبنا .. سَجَلنا
على باب ملان آيات

إحنا ف حماك مشايين
جوه القلوب إسلام
ويا الصحاب ساجدين
وبنسبق الأيام

يا رب " مالى " إليك
يا رب .. مالى سواك
لما ندهت عليك
بان فى عيونى ضياك

يا رب .. كنا سراب
وبقىنا جنبك فوق
لما فتحنا الباب
ما دخلشى غير الضوء

يا رب .. كنا ساعات
ننسى الأصول ونضيع
لكن مع الصلوات
عايشين فى أعلى ربيع

من ليل طويل جدا
نجينا .. عدينا
خلينا .. لو نحزن
نسمع نذاك لنا
* *

دخلت رياح الخوف
م الباب .. وم الشباك
قلبي إليك ملهوف
مشتاق لبدر ضياك
* *

إطفى رياح النار
إشفى القلوب يا كريم
نصبح عشان الجار
الحب .. والتكريم
* *

ويا الوصول .. طاعه
ويا الرسول .. جنات
الحب نغناعه
مرويه بالآيات
* *

لو كنت مش هاشكرك
مش هاشكر المخاليق
أنا ليل نهار باذكرك
يا حاميني نار الضيق

فى رحمتك طمعان
يا خالق السماوات
خلينى نور إنسان
فوق سكة الحسنات
* *

لاجئ إليك لاجئ
بادئ بأعلى كلام
بحر اللى خان .. حادق
نهر اللى صان .. إسلام
* *

ومعانا فين ما نروح
تحمينا م الأباطيل
إنت الجليس للروح
وصلاتنا ليك فى الليل
* *

الهجره ليك يا رب
الهجره ليك يا رسول
لما يدق القلب
ينده عليك .. ويقول
* *

فى زحمة الظلمات
كان القمر غرقان
نحيته بالصلوات
م الفقر .. والحرمان

يا خالق الأكوان
آه يا ضيًّا الأرواح
إوعدنا بالغفران
خلى ما بينا سماح

إنت النجاح من ليل
خائق قلوب وقلوب
خلى السماحه دليل
فى الحب تانى ندوب

إحمى القلوب من خوف
زاحف على الطرقات
قلب الحياه مرجوف
نحيه بنور آيات

أندم على اللى فات
وأصاحب الصلوات
ألجأ لرب كريم
ورسول معاه حسنات

لو فيه ذنوب .. فى قلوب
تطفئها باستغفار
جوه المحبه ندوب
نهرب من التيار

حامى الحما .. يا إله
إحمينا م الأباطيل
بتبان حروف الآه
لو طال ضلام الليل

كل الحمايه فيك
كل الهدايه معاك
ساجد ما بين أياديك
طمعان كتير فى حماك

خُذنى لفجر شريف
أسجد .. وادوب وياه
أصبح يا رب رغيـف
للعبـد .. وابقى معاه

نظره يا أهل الله
للعاشق الولهان
طه .. سحرنى ضياه
بحديث معاه قرآن

وتبارك التوبه
وبتقبل التواب
تفتحله بوابه
يدخل مع الأصحاب

جوه حماك موجود
ساجد على الطرقات
الله .. يا أصل الجود
هنيئا بالحسنات

إحمى قلوب الناس
من نار عذاب بتزيد
طهرنا بالإحساس
خلى نجومنا تقيد

نَجَّى النفوس بحديث
واسقينا نهر الضوء
الآية تبقى جليس
تطلع معانا لفوق

طهرت نفسى بنور
خارج من التوبه
أصبح سجودى زهور
والتقوى .. لبلايه

الليل أأخذنى معاه
وسهرت ويا ضياه
زارنى الحبيب لحظات
أنا قُلتُله : الله

من شوقى ليك .. أبدأ
واسجد ما بين أياديك
أحلامي تتحقق
ساعة ندايا عليك

غفران .. ورا غفران
شكرا يا رب الكون
يا عطوف على الإنسان
يا حنون .. يا أعظم عون

يا رب .. كان الليل
ممدود .. طويل جدا
طه صبح قنديل
خَلَّى السكوت يدن

خلينى نسمة شوق
للعابد المحروم
من حُسن طه أدوق
واعطف على المظلوم

قوينى بالإسلام
دفينى بالقرآن
فى زحمة الأيام
خَلَّى كلامى أداان

يا نسمة المدينة
مشتاق للنور شراعى
أدخل مقام نبينا
أتوضى بنور دماوعى

قلب الفراق جليدى
وعيونہ من قزاز
نفسى أمد إيدى
وأسلم ع الغزاز

طه .. كل الليالى
فى وجودك .. صوت أذان
يا رسول الخير يا غالى
يا أكبر م المكان

طه .. ولقيتنى جنبك
ساعة ما عرفت نفسى
شايف يا حبيبى قلبك
بيدق فى قلب شمسى

تزورنى .. يكون وجودك
فتحة خيرات على
إزاي هاقبل بعادك
وانت نظرة عنيه

يا رسولنا .. آه علينا
الذكرى .. جارحه فينا
لكن لو جينا عندك
نرتاح جوه المدينة

يا طه .. يا وحيدى
داويت آهات نشيدى
والتنهيدات نسيته
ومليت بالضى إيدى

لو زاد قلق على
أو دمع زار عنيه
أنسى كل اللى صابنى
بالنسمه الأحمدية

النور .. مالى المساحه
والمساحه .. بألف ساحه
ومقامك .. لو نزوره
يشفى الروح الجريحه

دايما أنادى .. إمتى
أشوفك لحظه حتى
مع إنك يا حبيبى
موجود فى كل حته

قبل ما اقدر يوم أسيبك
خدت صورتك بين عيونى
نفسى تانى أدق بابك
يا رسول ساكن كيانى
**

نور كتابى .. إنت فارس
لو طريقى هايعاكسنى
يا رسول الله يا حارس
الحديث دايمًا حارسنى
**

يا دليلى فى رحله طاليت
يا رسول فى عنيه فنارى
مهما روى يا طه قالت
إنت أكبر من شعورى
**

فى المدينه الطاهره قلبى
لسه ساكن .. بين مقامك
يا رسول الله يا حبى
نام على كتفى يمامك
**

طه .. والقرآن دليلىنا
مهما هاتطول الليالى
الحديث ببشء حيلنا
يا رسول الله يا غالى

بتحب كل التوابين
وتصاحب العبد الشكور
الله على الهادى الأمين
لما يخلى الدنيا نور
**

قابلتنا .. بعد الجفاف
يا رب .. بالمطر الشريف
خليت سحاب النور لحاف
خليت نجوم الليل رغيف
**

يا رب .. من بعد الغياب
جينا إليك .. ما احنا بشر
بضياك فتحت عشاننا باب
ووهبت للمحتاج قمر
**

يا صاحب الفضل العظيم
خلى قلوبنا فى سكتك
طه الحبيب .. قلبه كريم
وَصَلَّ إلينا دعوتك
**

كبرتنا ويا الرسول
طهرتنا من ليل آلام
لما القلوب قدرت تقول
داست على غول الضلام

لو شُوفنا يا طه ضلمه
تفتح عنيك علينا
نلقانا فى مكه نجمه
وهلال جوه المدينه

يا قلب الخير .. يا قايد
وفايد الجموع
نهرك بالصبر فايض
وشطوط بحرك شموع

مفيش رجوع لآهه
مفيش رجوع لجوع
لو طالت المتاهه
نرجع بشراع ركوع

يا طه .. روحنا دايمه
مشدوده للاله
والدنيا بتبقى أحسن
ويا سجود الحياه

علمت القلب يفضل
وياك طول السنين
عمرى فى يوم ما تدبل
يا هادى يا أمين

يا رب الكون ساعدنا
ع السكه .. والمصاعب
خلى القرآن فى إيدنا
يطفى نار المتاعب

وصلنا بر طاهر
بالود .. والمحبه
نرسم ع النار .. مزاهر
علشان كل الأحبه

إفتح فى باب محمد
لقلوب المغرمين
عن كل شر .. نبعد
وندوب ويا الأمين

علينا ف كل ناحيه
يبقى القرآن شهيد
ننام .. وقلوبنا صاحيه
مهما الأحزان تزيد

يا إلها .. جاهنا طه
قربنا من صباحنا
لو كان الكون متاهه
هو الدليل لروحنا

محتاج دائما رعايَه
من فضلك يا إله
الآيَه .. تبقى رايَه
فوق سكة الحياه

طوق النجاه يا عالم
قرآنك الشريف
الكون .. يصبح مسالم
والنور .. يصبح رغيف

دفيننا بآيَه طاهره
خلينا شراع حنان
نرسم برسولنا بكره
بوابه .. وسيسبان

إلهى .. إنت جاهى
وانت ضوء الدروب
من دنية التلاهى
إبعد كل القلوب

يا رب .. خلى بالنّا
مشغول بكل طاعه
خلى دائما رسولنا
يبقى الكلمه المطاعه

يا طه .. يا إمام الكون
فى مكه .. كان طريقى مضى
وكان رب العباد فى العون
عشان خلاك لقلبى صديق

لمحتك فوق جبال النور
فى عز الليل بتندهلى
كأنك جوه توبى زهور
لأنك يا حبيب .. أهلى

وجيت وياك .. لأعلى مكان
وحبك تانى لففى
يا طه .. يا ساكن الوجدان
فى كل زمان .. مشرفنى

أطوف ع الكعبه يا هادى
أنادى الصُحبه والخلان
صبح كل الوجود هادى
فى ساعه همسه القرآن

نضيع يا حبيبى .. لو سيبناك
نتوه فى ضلمة السكه
يا راسم لنا شمس ضياك
عشان نلمس شِعاب مكه

يا رسولنا .. يا بو الحسن بان
حبك .. جناب زعفران
قرآن نزل .. آياته نور
والرمل أصبح سيسبان
**

والله يا قمر الزمان
شمس المحبة بألف لون
الله عليك .. بركان حنان
يا طه .. يا أعظم حنون
**

يا طه .. بتحب الغريب
وتنادى ... ما أحلى النداء
تصبح دموعك يا حبيب
فوق زهرة الرحمن ندى
**

الله عليك وقت السحر
واقف بتنصح فى الرفاق
جوه العيون مليون قمر
والدعوه فيها كبرياء
**

يا رسولنا .. يا دعوة خلود
باقية على طول الزمن
لو يوم فارقت ضياك نعود
تصبح مدينة النور وطن

ومديت لقلبي قوارب نجاتك
دخلت القصور اللى نورها حديثك
ولما يا طه .. بقلبي ناديتك
لقيتك معايا .. وقلبي جليستك
**

دخلت المدينة ودمعى يحرق
خدودى يا طه .. وينده لنورك
يا نعمه ونسمه .. وبسمه .. ومبدأ
وماليه الحياه يا حبيبى زهورك
**

يا فجر الخلاص والأمانى البرينه
يا أعلى الحصون المنيعه الرقيقه
يا مركب نجاتى .. خلاص مركباتى
بفضل الإله .. جوه نهرك مضيئه
**

يا طه .. وجيت للحياه لاجل تهدى
وترضى الجميع يا حبيبى بحديثك
نزلنا فى نهرك .. بقارب ماوردى
لقينا القمر .. يا رسولنا ونيسك
**

وتمضى الحياه بينا .. لحظه بلحظه
ننادى عليك فى زحام المدينه
بقربك يا طه .. يا ريت روحنا تحظى
عشان لسه خطوة حياتنا حزينه

فى وسط الأهل والخلان
هواك شرفنى جوه الكون
لأنك همسة القرآن
يا طه .. وانت أظهر عون
**

لأنك حُسن مش عادى
أنا صليت عليك يا رسول
يا نور المصطفى الهادى
دموعى فى المدينة سيول
**

مسحت ظنونى من قلبى
ومن روحى .. وجيت لضياك
لقيتك فى الزحام جنبى
ولو أبعد .. يجينى نذاك
**

وتنده لى م الملكوت
أجيك والفؤاد مرتاح
زرعت حياتى .. شجرة توت
يا أصل العزه والأفراح
**

أنادى لأهل بيت الله
خدونى معاكوا للجنات
ولو شوفتونى جوه الآه
يا ريت تشفونى .. بالآيات
**

أنا لسه قلبى .. فى حاجه لنورك
أنا لسه دمعى .. بيروى زهورك
أنا لسه تايه فى كل المداين
وبارتاح يا طه .. بنسمة ديارك
**

يا جسر الريحان اللى ضلل علىّ
ونورَ عنيه .. فى ليلة رحيلى
يا طه .. يا كل الأمانى اللى لىّ
يا قلبى وروحى .. ونجمة دليلى
**

فى محراب نجومك .. يا طه أصلى
تكون لىّ خلىّ .. تكون لىّ صوتى
لبيتى اللى كان لسه أخضر تعلّى
وتوهبنى كلمه .. فى لحظة سكوتى
**

يا طه .. وكنت السفينه اللى قالت
لروحى آيات المحبه الرقيقه
لا عمرى نسيك .. ولا روحى مالت
يا شمس الحقيقه الجرينه المضيئه
**

ولا لينا بعدك .. فى رحلة حياتنا
وطاهره نفوسنا .. بأعظم كتاب
يا طه .. وتدخل نجومك بيوتنا
تخلى الخطأ يا حبيبى صواب

جارى يا عمر بينا
والكعبه لسه فينا
ونزورها .. بس نرجع
لظه .. فى المدينه

يا مكه .. يا مناره
لسه العاشقين سهاره
وسحابة طه راسمه
فوق القمر ستاره

مكه فى قلوبنا لسه
لو ألف عام .. ما ننسى
ولا لينا غير رسولنا
والآيه لينا مرسا

يا كعبه .. بين ضلوعى
حبك .. حاضى قلوعى
يا أحلى أحلى جنبه
فوق " الحجر " دموعى

ضاعت زمان مراكب
وضاع كل اللى راكب
لكن يا طه .. بعدك
وصلت كل المواكب

لو يعجبني الحديث
باسكت .. واسمع كمان
وان طال صمت الجليس
باتكلم .. مهما كان

علمت القلب ينطق
مهما الضلام يسود
خليت أرواحنا تبدأ
فى سكة الخلود

يا رب .. خُد حياتى
واعطينى حروف إيمان
خلى عمرى اللى آتى
يصبح ع الكون أدان

كل البشر بيجروا
ويسابقوا فى الطريق
يعصّوا من غير ما يدروا
ويدوسوا ع الصديق

يا طه .. خلى نورك
سنابل ع الجبال
واما تطلع زهورك
نسمع أدان بلال

إعصمنى بالكتاب
بسنة الرسول
من سكة العذاب
واوعدنى بالقبول
**

إعصمنا بالحديث
من قسوة الشطوط
إرسمنى لو بصيص
للنور .. لو يوم يفوت
**

يا رب .. كون فى عون
العبد .. لو رعاك
يصبح جوه السكون
كلمه من نور سناك
**

إعصمنى بالفروض
إقسمنى ع اللى عاز
خلى " الهارب " يعود
للأهل .. والعزاز
**

يا رب ازرع حياتى
سنابل خير كثير
بكره علشاننا آتى
يوهب للناس ضمير
**

العلم .. لو دلنى
لضياك .. يا رب الكون
مين اللى هايدلنى
وانت لقلبى العون
**

ما حد يقدر يوم
على قلبى .. لو فى حماك
السكه بحر هموم
ع اللى هجر فى ضياك
**

فى سماك .. يا رب خلاص
من كل شئ معوج
وتعوم جميع الناس
مهما يكون الموج
**

قدرت .. والمقادير
راضى بها جدا
نام الجبل للطير
علشان عليه يدن
**

يا رازق المخلوق
مهما يكون مخنوق
خلى حياتنا ربيع
خلى مماتنا شروق
**

" القبله " قدامى

والدنيا بتنادى

إخترت إسلامى

ويا رسول هادى

يا رب .. كنت سراب

وبقيت قريب منك

لو تبعد الأصحاب

ما ابعدشى يوم عنك

صليت وجيت ملهوف

على أغلى أغلى حبيب

فجأه .. لقيتنى باشوف

نوره .. فى دنيا الغيب

يا رب .. كان الليل

فى طویل جدا

صبح الرسول قناديل

خلى الحياه أحسن

يا رب .. مش محتاج

إلا رضاك .. وهذاك

الايه .. تبقى علاج

والتاج .. أكون وياك

فى زحمة الملكوت

كان السكوت موجود

لما حاولت أفوت

شفتك يا أصل الجود

أنا كنت فين .. وبقيت ..

يا رب فين برضاك

لما بنيت البيت

جابلى الرسول شباك

فى حضرتك مرتاح

وسحاب .. مغطيني

يا رب .. ألف سماح

لو سكه تغرينى

جوه الخلا بناديك

يصبح ندايا آيات

واما اتجهت إليك

إرتحت م الآهات

عالم بكل الناس

يا رب .. وانت العون

قلبى .. وتر حساس

عازف عشان الكون

قربنى من مدينتك
أيوه .. بعنيك أشوف
ألمس شراع سفينتك
أتحمل الظروف
**

يا هادى .. لى نادى
واحمينى م الخريف
إنت صلاة بلادى
والحب .. لو شريف
**

يا مصطفى اللى جانبنا
وسابنا فى المدينه
عاشقاك جدا قلوبنا
يا نسمة السكينه
**

طه .. والقلب عارفك
من أول الميلاد
فى عز الضلمه شايفك
أنوار .. تهدى العباد
**

إنت الحبيب لروحنا
وانت القريب تملّى
لو ليله تزيد جراحنا
نيجى وياك .. نصلّى
**

طه .. ورجعنا تانى
وياك شط الأمانى
شفناك كريم .. وواضح
فى العالم الأنانى
**

يا رسول فى القلب غالى
ومقامه .. إلهى .. على
طول عمرك يا حبيبنا
فى الحق .. لا تبالى
**

خلينا العمر جنبك
ساكنين فى حضن قلبك
علشان يا طه روحنا
دايبه فى بحر حبك
**

يا طه .. والسفاين
راسيه فى نين عيني
عمرى ما كنت خاين
ولا بيك صبحت جانى
**

رسينى ع الحقيقه
بالآيه والحديث
خلى الروح الرقيقه
تصبح لله جليس
**

" العلم " و " المعرفة "

ويا العباد .. طاعات

وصلنا للمصطفى

علشان فى نوره نبات

لو يوم نفوت النور

نندم على اللي كان

خلى الفؤاد مسرور

بحماية القرآن

علمنا نبقى كتاب

مفتوح على الجنات

مكتوب حديث ع الباب

وعلى الحيطان .. آيات

أدخل بقلب مضى

بضياك .. لأعلى مقام

طه يكونلى صديق

فى سكة الإسلام

يا رب .. هات الفرج

للقلب لو مهموم

كل اللي تاه .. أو خرج

لازم هايرجع يوم

نطق الكلام فى حماك

والصمت .. كان أصعب

يا رب .. خُذنى معاك

فى فرقتك .. باتعب

حبي إليك يا رءوف

مالهوش مثيل ولا زى

وان صابنى ليل الخوف

ألقاك جبال من ضى

يا رب .. واترجاك

تقبلنى فى الملكوت

رغم الذنوب .. باهواك

أنا صوت .. بيطفى سكوت

صافى الفؤاد .. وبراح

دافى فى ليل ممدود

يا رب .. ألف سماح

ياما نسيت فى فروض

من نهر زاد بالخير

أتوضى لاجل أتوب

على كتفى واقف طير

بيساند المغلوب

أنا " دينى " .. جوه الروح
عمره ما فارقتى
يداوينى لو مجروح
لله .. يشوقنى
**

" دينى " .. أكون مشتاق
دايما لعبد الله
أتوضى بالأشواق
يتمنى قلبى رضاه
**

يا رب انا ملهوف
ع الكعبه .. خدنى هناك
أقدر بروحى أطوف
وألوف على الأفلاك
**

أنا " دينى " .. دين موجود
منذ الأزل والكون
عمره ما كان محدود
ولا عمره كان يبخون
**

يا رب .. كُنلى دليل
فى العالم المجروح
يبقى الرسول .. قناديل
طاهره فى قلب الروح
**

رافع إليك صوتى
بالشكوى ؟ .. لا بالشكر
أكتم فى آهاتى
وافرد شرع الذكر
**

تحمينى من نفسى
من رعشة الشياطين
الله على شمسى
لو تلمس الساجدين
**

يا رب .. كان قلبى
غافل ونايم نوم
طه .. صبح جنبى
ما بقاش فى روحى غيوم
**

يا محدد الأرزاق
إرزقنى بالمكتوب
فى سكة الأشواق
كل البشر بتتوب
**

قلبى ف حماك موجود
ساجد .. فى ضل حماك
نهرب إليك ونعود
ويا " الحشود " .. نقرأك
**

النيّه .. لو صالحه
بتوصل المحبوب
تبقى الدموع سبّحه
والقلب بيها يتوب
**

تسقينى .. تكفينى
تحفظنى ليل ونهار
نورك ضيا عيونى
يا هادينى بالمختار
**

أغلط وأنا باضحك
أبكى فى قلب النار
أيوه مفيش مسلك
غير سكة المختار
**

يا رب .. خلى الناس
تصبح فى عون الكون
بالحب والإحساس
الدنيا بينا تكون
**

أعمالنا بالنيّه
خلينى عبد شكور
ألقى السنين جايّه
وياها نور وزهور
**

يا رب .. كون فى عونى
علشان أقدر أنول
حتى فى ليل سكونى
أصلّى ع الرسول
**

يا رب .. يا معينى
ليل الخديعه حالك
قرآنك نور عيونى
نجينى م المهالك
**

من بدء الكون باحبك
يا رب .. يا رءوف
إزاي وأنا لسه جنبك
هايجينى أى خوف
**

يا رب .. لما باحلم
بتحقق لى حلمى
مش عايز لحظة أندم
لو ضاع فى ضلمه إسمى
**

صبرنى .. لو ليالى
داست فى لحظه فوقى
طه .. حبيبى .. غالى
بيزيد لمدينته شوقى
**

أسأل عليك فى الضحى
وأسأل عليك فى الشفق
أعزف على المسبحة
تهرب خيول القلق

يا رب .. باب الصفا
مفتوح عشان روحى
بحبيبك المصطفى
باحلم وانا صاحى

علمتنى أرتجف
قدام آيات النور
لو نهري ليله جف
أطلب حماك يا غفور

يا رب .. والحكايات
بتزيد على التايهين
إهدينا بالصلوات
خلينا م المساكين

أقضى ساعات مُفرحه
وأفوز بأجمل سبق
ترزقتى بالفاتحه
تحيمنى ليل النفق

فى نهرك المفرد
أنزل أبل الريق
الله على الموعد
لو طه يبقى صديق

يا رب .. والأفكار
دايما بتطفى الروح
يا عالم الأسرار
إشفينى لو مجروح

قدرنى ع الحسنات
صبرنى لو مقتول
خلينى بالآيات
للحق دايما اقول

فى قلب قلب الليل
بتسبح الأرواح
الجنه تبقى دليل
تعطى الأمين مفتاح

لاجل المحبه تعود
والهادى يمحي الضيق
لازم يا حق تسود
وتكون فى ليلى مضى

إنت الحبيب دائما
للعبد .. لو ملهوف
إندهنى لو أحزن
علشان أبات منصوف

إفرد شراعى إليك
قربنى من بيتك
خلينى ملك إيديك
نايم على شطوطك

يا جنة المشتاق
يا قبله .. للى يدوب
لو زادت الأشواق
بنروح على المحبوب

إرضينى بالأحاديث
والآيه .. والخلان
الهادى يبقى جليس
لو طالت الأشجان

يا رب .. قلبى ناداك
علشان يكون مقبول
إنت الرحيم فى علاك
والواصل الموصول

سفينه تايهه بينا
بس الآيات شطوط
طه جوه المدينه
ومكه بيوت بيوت

يا رازق كل حاجه
بألف حاجه طاهره
لو حتى السكه عوجه
بتخلى الخطوه طاهره

إدينى من يقينك
الصبر .. والسكينه
بينى دائما وبينك
سجده .. مع ناس أمينه

إرحمنى من ذنوبى
من نفسى .. من خطايا
طهر بالنور دروبى
وسامحنى ع الخطايا

يا رب .. خلى قلبى
يصبح قارب نجاه
الكعبه تبقى جنبى
وانا جنبك يا إله

تزرعني الآيه نخله
فوق جسرِكَ يا إله
الدنيا تبقى أحلى
تبقى الحياه حياه

أندهلك كل ليله
الرحمه تنادى لى
الروح كانت عليه
صبحت زهور نديّه

إهدى القلب اللى رايح
ع الذنب باختياره
طهر كل الجوانج
إدى العالم نهاره

يا ساقى القلب راحه
إسقينى ضىّ راحتك
أكبر من المساحه
يا رب الكون .. مساحتك

أجيك .. دق قلبى
مسموع من الجميع
لسه الذنوب يا ربى
بيننا جدار منيع

سافرت بين كل النجوم
مالقيتشى غيرك مُرشدى
حررت قلبى م الهموم
وناديت عليك يا " سيّدى "

فى سكتك .. كان الشجر
قبله لكل العاشقين
كان الإمام هو القمر
صلى على طه الأمين

حرر فؤادى م الهوى
شَبَعْنى من كل النعم
إهمسلى لما نكون سوا :
" يا عبدى .. ميت مليون نعم "

خلى الختام .. باب الدخول
للجنه .. يا حامى الحما
الرحمه فوق الناس سيول
لما انفتح باب السما

لما النداء هز الطريق
دقيت على بابك وجيت
بعد الرسول ماليش صديق
ولا لى بعد الكعبه بيت

من كل نفس غادره
إحميني يا إله
الروح الصافيه نادره
والليل بالكل تاه
**

صفينى من ذنوبى
خلى العيون تنام
الليل بيهز بابى
غطينى بالسلام
**

يا رب وانت أدرى
بهمى .. واحتياجى
إدى للقلب قدره
يدوس على قصر عاجى
**

أناديلك .. بين دموعى
آيه بتنادى لى
ساكن ما بين ضلوعى
إحمى م الليل عنيه
**

فى سكة الخطايا
كان القمر غريق
طهر يا رءوف خطايا
خلينى ليك صديق
**

الطير .. جناح جوه السحاب
وجناح على الأرض البراح
يا رب .. طمعانه الصحاب
ترحم قلوبهم بالسماح
**

إهدى القلوب جوه الضباب
خلى الرياح تصبح ندى
إحنا مصيرنا للتراب
إوعدنا ببحور الهدى
**

سامحنى يا رب الأنام
من ذنب مش قادر ينام
ريحنى بالعفو العظيم
وصلنى لشطوط السلام
**

هنينى بالرزق القليل
وارضينى دايمًا بالعطا
لما شراع الخير يميل
خلينى للمحتاج غطا
**

يا رب .. يا سند اللى تاب
يا حامى روح المغرمين
إقبلنى لو طال الغياب
واشفينى من وجع الأنين
**

طارت عصافير الصفا
جوه مقام المصطفى
الله على الوجه الجميل
لو يبتسم للرفرفه
**

إسندنى يا أغلى سند
واسعدنى فى عز الشجن
لا لك شريك .. ولا لك ولد
يا رب .. يا أغلى وطن
**

رافع إيديه للسما
طالب بقلبي رحمتك
أوقات بنهرب .. إنما
بتأخذنا تانى سكتك
**

يا رب .. والمجهول نيران
إحمينا من شر اللى جاى
خلى حيطان الكون ببيان
والصمت يصبح ألف ناى
**

إنت نبينا منذ كان
الكون بدون نجمة أمان
ريحت روحنا بالسجود
فرحت بيتنا بالإيمان
**

لى فى حضنك يا رسول
شباك بينده ع الآيات
الناس على السكه سيول
متجمعين فوق الصراط
**

يا رب يا ميزان النعم
حسناتى مش قد الميزان
إزاي هاقول لليل نعم
والجنه طاهره بدون ببيان
**

إلحقنى قبل ما اضيع هناك
إلحقنى قبل ما اضيع هنا
الى سجد .. أصبح ملاك
واللى هرب .. شاف الضنا
**

يا رب يا عالم بنا
إهدينا دايمًا للطريق
بتفوت سنه .. بعد السنه
ومفيش سواك لنا صديق
**

أنا فى حما المولى الرعوف
ما يهمنيش إنسان يجور
إزاي يا رب يجينى خوف
وانت الصبور .. وانت الغفور
**

سَمِيتَ وجيت راكب براق
صَحِيتنا م الليل الطويل
حطيت فى روحنا الإشتياق
ورسمت لاجل الكون دليل
**

يا رب .. والزمن اللى فات
سايب علامه ع الجبين
وَرِينَا نورك فى الآيات
واشفع لنا .. لاجل الأميين
**

السكه طالت بالنفوس
والعمر ضاع ويا الشقا
فى التوهه ليه دايمًا ندوس
الرقرقه .. والشفشقه
**

يا رب .. لسه فى احتياج
نورك عشان نوصل إليك
النجمه تصبح لينا تاج
ساعة سجودنا بين إيديك
**

يا ذا النِعم .. يا ذا الجلال
الليل طويل .. إحمى الوجود
وصينا لو ينده بلال
نجرى على جبل السجود
**

أشرب ولا أشبع ضيًّا
إكفينى يا رب الجموع
طه حبيب الأنبيا
علمنى أسجد فى خشوع
**

إقرانى آيه يا ليل شحيح
خلينى واحه للى عاز
يا رب داوى فؤاد جريح
يا رب إغفر للغراز
**

ع السهل .. خلى الخطوه نور
والفجر .. أحضن مبتداه
أرض اللى خان العشره بور
قلب اللى صان وياه دواه
**

يا رب .. قلب الدنيا غاب
فى ألف حاجه مُسْلِيَه
يا خالقنا من قلب التراب
الجنه .. هى الأمنيه
**

إدينى لو عطشان بحور
تداوينى لو طال الجفاف
توهب طريق الضلمه نور
تعطى بحور الروح ضفاف
**

إسقينى من نهر المنى
شبعنى من عود الريحان
خلينى بين الناس " أنا "
إنسان بيتهجى الإيمان
**

يا ندهتى بين الزحام
إرسمنى واحه للبشر
قربنى من سيد الأنام
المصطفى ضى القمر
**

خلينى باب مفتوح على ..
نورك يا أصل المعجزات
نسمه تشاركنى الصلا
تقرى معايا فى الآيات
**

صَبَحْنى بالهادى الأمين
مَسِينى بالذكر الحلال
لو يصفى قلب المسلمين
نقدر على كل الجبال
**

يا رب طَهَّرْ خطوتى
مِنْ كل داء جوه الدروب
رِيح فَوَادى بركعتى
واسندنى لو عايز أتوب
**

فوق الطريق اللى ابتدى
أنا كنت راعع بالفؤاد
خلينى فوق وردك ندى
خلينى بعد الموت ميلاد
**

أنا جوه أرضك " بسمله "
وحروف بتمدح فى الرسول
إسقينى من نهر الصلا
خلينى أفرح بالوصول
**

يا رب والقرآن نجا
نجينى بالهادى الشفيع
خلينى أغلى بنفسجه
طاهره على أرض الربيع
**

سافرت فيك .. ورجعت ليك
رجعنى دائما للأصول
أنا لو هانادى يوم عليك
ألقى النجوم نزلت تقول
**

يا رب يا أمل اللى عاد
من رحله غامقه مضلمه
إوهبنى من عطفك ميلاد
وارزقنى نجمه م السما
**

تسقينى .. أعطش .. إمتى اتوب
وامشى بقلبى ع الصراط
يا اللى انت عالم بالقلوب
إهدينى دايم بالآيات
**

ياما طلعت لفوق .. لقيت
الراحه فى أرض السجود
جوه المدينه .. بنيت فى بيت
وارتحت من صوت الرعود
**

وتهز آيتك كل شئ
تتفجر السكه ضيآ
أنا قلبى لسه ع الطريق
حاضن ختام الأنبيا
**

إفتحلى .. دق القلب ليك
واسمحلى اصلى ركعتين
الروح ذليله بين إيديك
مشتاقه توصل لليقين
**

يا رب .. لو داس الطريق
قلبى .. داويه من دمعته
يبقى الرسول .. هو الطريق
هو اللى قايد شمعته
**

إفتحلى بوابه دفا
للمعرفه .. يا ذا البراح
جايلك .. صديقى المصطفى
خلانى لاجل الناس جناح
**

من دمعة القلب الحزين
بانده ليلاتى ع النجوم
إرحمنى دايم باليقين
إحمينى من كُتر الهموم
**

ألمس سماك .. بدموع هدى
أهمس إليك لو يوم أتوه
ينزل على خدى ندى
والنور يبان فوق الوجوه
**

سامحنى لو خدنى الهوى
لجزيره خاينه بدون ببيان
من رحمتك .. هاتلى دوا
واختم حياتى بالإيمان
**

يا رب .. حملى تقيل على ..
قلبى الضعيف جوه الدروب
خلينى أقدر بالصلا
لنجوم سناك علشان اتوب
**

شرفتنى .. عَرَفْتَنى
إِزَاى أَكُون إِنْسَان نَضِيف
مِن كُل ظَلَم نَصَفْتَنى
خَلِيتَنى لِلدُّنْيَا أَضِيف
**

يَا رَبِّ .. كُون لِّى الشِّفَا
وَالْمُصْطَفَى هُوَ الْهَدَفُ
خَلِينِى زَهْرَهُ لِلصِّفَا
بِتَسْبِيحِكَ .. لَوْ تَنْقُطُفُ
**

أَمَلِى أَكْمَل رَحَلَتِى
فَوْق سَكَةِ الْآيَةِ الْحَلَالِ
عَ الْكَعْبَةِ أَزْرَعُ فُلْتِى
وَاتَهْنِى فِى صَحْبَةِ بِلَالِ
**

دَفِينِى فَوْق شَطِّ الْحَيَاةِ
صَفِينِى مِنْ كُلِّ الْأَذَى
مَحْتَاجٌ لِعَفْوِكَ يَا إِلَهَ
يَا آيَةَ طَاهِرِهِ مَعَزْزِهِ
**

لَمَّا رَسَمْتَ عَلَى الْفَضَا
قَلْبِى يَمَامَهُ وَنَجْمَتَيْنِ
حَطَّيْتَ عَلَى زَهْرَى نَدَى
وَبَعَلْتِى طَهَ الْأَمِينِ
**

يَا إِلَهَى مَلَكَتِ الرُّوحُ
قَلْبِى سَجَدَ فِى حِمَاكَ
وَيَايَا فِينِى مَا بَرُّوحُ
نَفْسِى أَكُونُ وَيَاكَ
**

يَا إِلَهَى مَلَكَتِ الشَّيْءُ
يَا حَبِيبِى .. كُنْ .. فَيَكُونُ
لَوْ يَوْمَ يَخُونُنِى صَدِيقُ
أَلْقَى ضِيَاكَ فِى الْعَوْنِ
**

يَا إِلَهَى مَلَكَتِ النَّاسُ
وَنَادَيْتِ عَلَى التَّائِيهِينِ
صَمْتِكَ .. وَتَرَّ حَسَاسُ
فِى قَلْبِ كُلِّ حَزِينِ
**

يَا إِلَهَى مَلَكَتِ الْكُونُ
اللَّهُ عَلَى الْمِيزَانِ
قَلْبِى مَا زَالَ مَدْيُونِ
كَرَمْنِى يَا رَحْمَنَ
**

وَيَاكَ بِأَقْوَلِ وَأَبْوَحِ
وَاسْجُدْ وَأَتَرَجَّاكَ
وَالْقَلْبُ لَوْ مَجْرُوحُ
تَشْفِيهِ بِضَى ضِيَاكَ
**

راكب حصان آيه
لقيت معاها سنين
قلبي صبح رايه
فى سكة العارفين
**

آيه .. بتهدينى
والتانيه .. نور عينى
يا رب والأحاديث
إسمى وعنوانى
**

فى سكة القرآن
روحي معاك صلت
خرجت نجومى إيمان
تهدى فى ناس ضلت
**

يسجد هلال الليل
على ندهتى لضياك
عمرى يكون قناديل
لو يوم سهرت معاك
**

يا رب .. يا هدايه
خلينى م الصابرين
كان طه ويايا
كان الضيا للعين
**

نورك دخل فى الروح
هرب الشيطان منها
طارت حمامة دُوح
سجدت على جبينها
**

يا لهفتى للقاءك
يا رجفتى م النار
جوه فؤادى هواك
يا خوفى م المشوار
**

واقف فى وسط الكون
أتأمل الملكوت
قلبي بهواك مسكون
من كل ضيقه بَقُوت
**

سافرت بين أراضيك
وزرعت عمرى هلال
أنا روى طاييره إليك
قلبي أَدان لبلال
**

الضلمه فين ما بروح
بابعد كتير عنها
أيوه الغرام مسموح
روحي برضاك صونها
**

الحَضْرَه .. محمدِيَه
والخُضْرَه .. حروف آيات
ويا الولد صبيّه
ماشيين على الصراط

حبيبي .. يا إلهي
يا مالك كل شئ
قرآنك .. هو جاهي
والهادي .. طريق صديق

يا رب .. وانت عالم
بالقلب .. واللى فيه
خلى الحب المسالم
يسأل دايما عليه

يا حضرة اللى جابنى
فى سكة الفضيله
فى الجنه الطاهره سابنى
علشان الروح أصيله

المِيَه الزمزمِيَه
طافيه كل الآهات
دا الليله لؤلؤيه
يا اللا فى النور نبات

فتحت باب الدُعا
لبيت يا رب القوم
القلب عندك سعى
وناديت وانا محروم

يا رب .. والقناديل
قايده من الأعمار
إحمينى شر الليل
من نار .. بتأكل نار

صبرنى ع المكتوب
قدرنى ع المجهول
خلينى نور فى قلوب
خلينى أشرف قول

يا رب .. كان النور
إنسان على الطرقات
السور .. عليه عصفور
والحب فيه حسنات

القلب لما دعا
شاف الرسول فى النوم
والصحبه متجمعه
والكعبه خير بيدوم

سامحنى لو ذنبى

يا رب غلبنى

إغسل بنور قلبى

فى الحب دوبنى

سامحنى ع اللى راح

سامحنى لما هاعود

لو ضعت تانى .. سماح

يا رب يا معبود

آيه ورا آيه

يا رب وخذانى

يا حمايه وهدايه

يا فجر صحنى

فى حضرتك أهدى

واصبح يا رب عطوف

أصبح معاك وردة

جوه القلوب بتطوف

خلى إليك حبى

يا حبيبى ما تسيبنى

النور صبح صاحبى

للجنة قربنى

غفرانك اللهم

يا رب .. يا غفار

القلب داب فى الهم

وطويل قوى المشوار

أطمع فى غفرانك

وانسى الذنوب .. وأتوب

أسبح فى قرآنك

ويا قلوب .. بتدوب

يا رب .. كون العون

للقلب لو محتاج

إنت خلقت الكون

أصبح رسولك تاج

جوه حماك دايب

وبأثوه مع الملكوت

فى الكعبه انا سايب

سجاده نورها ياقوت

فى عروقى حبك دم

يا عالم الأسرار

يا اللى انت أعظم اسم

حامى القلوب م النار

علمتني أرتاح
بآياتك الطاهره
سلمتني مفتاح
أخضر .. عشان بكره
**

ولا لى فى الأخطاء
ولا فى شئ زيك
ولا بى غير أشواق
ولا خدنى غير ضيک
**

إغفر لى .. لو أنساك
لحظه واكون عاصى
عمرى ما كنت ملاك
ولا كنت يوم ناسى
**

خدنى الهوى لبعيد
لكن هواك جابنى
ودانى قلب العيد
فى مسجده سابنى
**

البعد كله جراح
والليل بحور غادره
والفجر لما لاح
روحي بقت صابره
**

إندهنى .. آجى إليك يتيم
تتقذنى آيتك م الضلال
أبخل عليك وانت الكريم
وانت الحليم فوق الخيال
**

صاحبنى فى السفر الطويل
خلينى بين الناس إمام
إوهبنى .. لو ضاع الدليل
شجره .. عليها الخير يمام
**

كبرنى بين كل العباد
شرفنى فى يوم الزحام
خلينى بعد الموت ميلاد
وكلام مفيش بعده كلام
**

إسمى .. بلاش يصبح جدار
بينى وبين المتقين
العاصى جوه عيونه نار
والهادى جوه عنيه يقين
**

يا رب .. طال بى الطريق
ومفيش نهايه للذنوب
كون لليتيم .. أعظم صديق
يمكن فى يوم يقدر يتوب
**

الصمت كان قارب تراب
فى بحر كله رياح ندم
الايه كانت لى باب
وصلنى لشطوط النعم
**

يا رب .. يا عالم بنا
سامحنا دايمآ ع اللى فات
خلى ترابنا سوسنه
من فضل طه والآيات
**

ساعدنى فى طلوع الجبل
جبل الحياه محتاج شقا
إسقينى من مطر الأمل
ريّح قلوبنا الضيقه
**

مين اللى يُنصر نفسنا
على جسر قاسى ملان حصا
مين اللى يُنصر شمسنا
يا نجوم قلوبنا المخلصه
**

يا رب .. يا هادى العباد
إهدى القلوب الطيبه
إوعدنا بنجوم الميلاد
إرزق بحورنا مركبه
**

أرفع إيديه للسما
تلمس سحابه معطره
كل القلوب المغرمه
ساجده برعشه ع الثرى
**

توهبنى نفسى المُتعبه
آجى إليك مليون ضيا
المصطفى .. فى المركبه
حاضن جميع الأنبيا
**

إدينى قنديل الدخول
على طه فى لحظه بُكا
من تانى رجعت للرسول
كل القلوب المُشركه
**

خلينى جوه الموج نسيم
يقدر يكون قارب نجاه
إشفينى لو جرحى أليم
واسئر عيوبى يا إله
**

أرفع إيديه يا رءوف
ألقانى فى حالة بُكا
إرسمنى نجمه للصفوف
إنقاذ لقلبى اللى اشتكى
**

ألبس قميص المغفرة
آجى إليك خالى الوفاض
تدينى خطوه منوره
بتاخذنى (مؤمن) للميلاد
**

يا رب .. حقق لى شئ
ساكن فى قلبى من زمن
خلينى جوه الكون طريق
خلينى للفلقان سكن
**

إهدينى .. لو تايه فى يوم
جوه الجهات من غير قدم
إشفينى من عصف الهموم
ومن المشاكل والألم
**

يا رب .. والباقى قليل
يا باقى فى الكون الفسيح
لو روحى جوه الليل تميل
إوهب لها الفجر الفصيح
**

ألبس قميص الصبر .. آه
وارسم هلاكك ع الورق
يا رب .. يا سر الحياه
إنقذ شرع اللى غرق
**

لبستنى توب الشفا
خلصتنى من كل سوء
إوهبنى حرف المعرفه
وصلنى بالقرآن لفوق
**

خلينى أسأل ع المريض
وانده على كل اللى غاب
بالروح أشوف كل البعيد
وافتح لعبد التقوى باب
**

قدرنى أبداً بالسلام
وأشوف عبادك فوق وفوق
تبقى المحبه مش كلام
علشان بيان فجر الشروق
**

مشغول بنورك يا إله
زاهد فى ميت مليون هرم
كل اللى بتحبه .. ضياه
داخل فى قلب الروح نغم
**

يا رب .. خلى خطوتى
رايحه على الجار الفقير
أقسم ما بيننا هدمتى
وارتاح فى بيته يا مجير
**

تسبقتنى .. لو رايح أزور
إنسان فى حاجه لبسمتى
تزرع طريقى بالطيور
وتاخذنى جنة جنتى
**

أرفع إليك حرف الرجاء
تجندنى من ظلم البشر
توهبنى توب الكبرياء
تزرعنى ع الشطين قمر
**

إعفينى من ذل السؤال
إدينى نسمة حنينه
الجرح فوق الإحتمال
واللحظه .. ميت مليون سنه
**

بارك فى عمر خلاص مضى
خلينى اشارك فى البنا
إرسمنى فوق صدر الفضاء
يا رب دايمًا سوسنه
**

دوبنى فى نهر العطاء
وصلنى نجوم الهدى
إحمينى من نار النفاق
وابعدنى من شط الردى
**

أسأل عليك فى كل حين
وأنادى ليك لو تاه طريق
إنت إله المظلومين
وصديق لناس جوه المضيق
**

تندهنى آجى والدموع
فوق الخدود زى الندى
الآيه واضحه فى الضلوع
والسكه شبعانه هدى
**

قلبى بيسعى إليك يا نور
حاضن حياتى ليل نهار
الرملة تتحول زهور
لو بين جميع الناس عمار
**

يا ندهتى فوق القمم
يا شهقتى يوم الحساب
تندهنى .. روى تقول نعم
والقلب يتعب م الغياب
**

أسأل عليك بدموع دموع
وارجع إليك من محنتى
الله على جسر الرجوع
لحظة ما يحضن خطوتى
**

خُذْنِي مقام سيد البشر
أشرب من النهر الحبيب
أرسم على بابهِ قمر
يصبح عشان جرحى طبيب

خلى الهدايه وجهتى
بقرايه طاهره فى الكتاب
إرسم حديثه فى سكتى
وافتحلى جنب مقامه باب

شارى آياتك والتمن
هى حياتى المخلصه
الروح بتغلب ع البدن
فى عهد طه المدرسه

يا رب .. يا هادى القلوب
أنا قلبى هايم فى الرجا
خلينى فوق كل الدروب
عشان جميع خَلْقك (نجا)

خُذْنِي مقام المصطفى
أبكى على الشباك واقول
الله على طعم الصفا
الله على سيدنا الرسول

لو ضِعت .. أهرب م الغضب
إزاي يا رب العالمين ؟
الحب .. أنهار الذهب
والتوبه واضحه ف ركعتين

إزاي أتوه بين الطريق
وانت هدايتى بالشفيع
إرسمنى آهه ع الورق
ما تخلنيش أبدا أضيع

إسقىلى أشجار الشفا
خليلى كل الكون سَمَا
قلبي زرعته نخيل صفا
وشطوط إيمان متبسمه

يا ذا الجلال قلبى ارتجف
ساعة لقاءك جوه الصلا
الدمع سال .. والدمع جف
يا سفينه فى رمل الخلا

يا رب .. دمع الحب زاد
والكعبه باست فى الخدود
لما ابتدى فجر الميلاد
شافنا بنتهجي السجود

إفتحلى باب المغفره
ما تخلنیش أبدا أتوه
سكك الإیمان متعطره
والحب .. بدر على الوجوه
**

يا ذا الجلال .. يا ذا الكرم
أنده عليك .. أسمع نعم
فجر النعم .. يوصل قوام
يسجد على جبل النعم
**

ريحنى بالأمر اليقين
خلينى ع الخط المبين
هينى دايم بالرسول
المصطفى الهادى الأمين
**

سمعى آيات الخلود
إسقينى م النهر الحلال
خلى الضمير يقدر يسود
ع المدنه يطلع ميت بلال
**

إفتحلى بابك لاجل انول
عطفك ونورك يا إله
علمنى اكون سكة أصول
فى كل أرجاء الحياه
**

سميت .. وجيت .. كان المكان
زحمه .. ونور .. كان المقام
السنتى .. كان مليون ميدان
فرميت على طه السلام
**

يا رب كل المحتاجين
خلى السفر شطين براح
جوه العيون بان الحنين
وهربنا من طعم الجراح
**

سهرنا فى حضن الرسول
طهرنا م الحرف الحرام
خلينا جوه البيت نقول
نرتاح فى نورك م الضلام
**

إغسلنى بالتلج الشريف
ضمد جراحى المتعبه
خلينى لاجل الناس رغيف
خلى رموشى مركبه
**

سميت .. لقيت كل البيبان
واحه من النور الشريف
القبله صبحت مهرجان
بملايكه .. بانث زى طيف
**

فوق الجبل واقف
أنده يا رب بشوق
لسه الفؤاد راجف
قدام زحام السوق

رافع إليك شكوتى
طمعان فى إحسانك
طالت دموع أنثى
إدينى غفرانك

يا مالك الملوكوت
نفسى أفوت وارتاح
الحب يصبح قوت
يبقى الحديث مفتاح

سهرنى جوه حماك
واروينى م الأنهار
مين اللى يعطى سواك
يا اللى رضاك أنهار

أنا فى الحما موجود
رافع إيديه لفوق
يا أصل أصل الجود
قلبنى سفينة شوق

طالع على سطوحك
فى الفجر لاجل اناجيك
إديتنى مفتاحك
بالروح وصلت إليك

يا رب .. مش محتاج
إلا لقرآنك
الهادى كان التاج
خدنا لغفرانك

خلينى فوق الفوق
بتلاوة الآيات
إحمينى ضغط الطوق
ويا عبادة الذات

مسكين بدون رحمت
إوعدننى بالتراتيل
جوه ببيوتك ابات
واصبح لنفسى دليل

أنا من زمان محتاج
توهبنى نهر ضياك
يصبح دعايا تاج
يعطينى بحر رضاك

ريحنى من نظرتى
للعالم المسحور
ظهر بنور رحلتى
إخلط فؤادى بنور

لا لى غير سكتك
ولا فى إلا ضياك
فوق الجبل صحبتك
بيسبحوك فى علاك

خلينى جوه الحما
شاهد مع المظلوم
روحى فى روح السما
يا شَهد للمحروم

دفينى لو أتيتك
خلينى يوم ألاقك
يا ذا الجلال والجاه
أنا كلى ملك إيدك

يا رب .. كونلى الضيّا
والحب ليل ونهار
أرض الرسول أمنيّه
الله على الزوار

أنا بين إيدك يا رب
دعوه ترد الروح
آيه تخلى القلب
يتهنى لو مجروح

وصلنى بر النور
أصبح هناك مشاوير
إحمينى شر الزور
واهدينى لاجل الخير

يا رب .. نفسى ارضيك
واصبح نجوم فى الليل
أزرع جميع أراضيك
أزهار ونخل أصيل

لو يوم أتوه فى الكون
سمعنى أغلى حديث
كون لاجل قلبى العون
كون لاجل روحى جليس

أنا بين إيدك ملهوف
طمعان أكون فى حماك
إزاي هاشوف الخوف
وانا يا إله وياك

إسندنى لو أتوه
داخل ليل المتاهه
خبينى من وجوه
خانقه نجوم سماها

يا عالم كل شئ
محتاج القلب تفحه
ونجومك ع الطريق
ما بين إيديه سبحه

يا ساند اللى عايز
وجابر الكسور
جوه الكتاب جوايز
فى حديث الهادى نور

إسعدنى بالرفاقه
لو كانوا مخلصين
خفف يا رب ضيقه
فى قلوب العاشقين

يا رب .. كونلى صاحب
فى ضلمة المتاهه
الضئ لسه شاحب
والسكه زاد لظاها

لو طال الحزن بى
ريحنى بالكتاب
خلى دموع عنيه
سحاب .. لاجل السحاب

صابر .. صبرنى دايم
خلينى جناح حنان
مشتاق يا رب جدا
أصبح للناس كيان

طهرنى من ذنوبى
سهرنى فى السجود
الليل بيدق بابى
إحمينى م الجحود

إفتحلى باب حمايتك
إسمحلى اكون فنار
لسه أنهار رعايتك
حاضنانى ليل نهار

لو طال الحزن .. غيثنى
من دمعه فوق خدودى
لو فيل الشر داسنى
إحمينى بنور سجودى

أدعوك وأنا خجلان
من ذنبي يا رحمن
فجأه .. يسود النور
ويظهر الوجدان

أتى إليك والشوق
للجنة سابقتي
قلبي فى لحظه يدوق
من نور مغرقى

يا خالق الأكوان
إرحمنى م النزوات
نفسى أعيش إنسان
بالحب والحسنات

إحمنى شر الناس
لو رُوحها طمعانه
ما تخلّيش انداس
فى سكه خوانه

أدعوك يا رب الناس
تجعل حياتى نجوم
تحمينى م الخناس
تهدينى طول اليوم

إرسمنى فوق الكون
الشمس والضله
خلينى دايمًا عون
للجار إذا صلى

يا رب .. والملكوت
ساجد وخاشع ليك
الصمت أصبح صوت
لما اتجهنا إليك

علينا بالقرآن
خلينا فوق الفوق
إحميننا م البهتان
من كل شئ فى السوق

يا رب والقناديل
مطفئيه بين الناس
خلى الصحارى نيل
والليل قمر وناس

إرسمنى ع الطرقات
مليون هلال وهلال
خلينى بالآيات
فى المدنه ألف بلال

إرحمنى يا رب الأنام
بالتوبه من سكة هوى
أنا والرسول بين الزحام
ساجدين على السكه سوا
**

يا رب .. مش قاصد سواك
ولا قلبى طالب غير رضاك
وصلنى نورك يا حبيب
وارزقنى دايما من هُداك
**

دقيت على بابك وجيت
مسكين ماليش غيرك سكن
خليت " حنايا " القلب بيت
خليت آيات النور وطن
**

إرضينى دايما بالقليل
خلينى شاكر نعمتك
لما قلوب الناس تميل
يكفينى نظرة حضرتك
**

يا رب .. خَلَّى الروح تعود
تتهجى آيات الكتاب
تلقى راحتها فى السجود
وتعود إليك .. بعد الغياب
**

إزرعنى فوق كل الربا
شجرة حقيقه مفرعه
خلينى حتى فى الصبا
ساجد .. عيونى مدمعه
**

إسْثَرْنى لو أنسى الفروض
صبرنى ع الهم الطويل
إدينى حب بدون حدود
يصبح فى ليل الليل دليل
**

قدرنى اكون عبدك .. واكون
إنسان فى ضلك ليل نهار
أبكى فى حضنك لو أخون
واتهجى آيات العمار
**

إشفينى من سكة ضباب
يا رب خَضره مزوقه
إفتح عشان القلب باب
واحميه فى سكه ضيقه
**

يا رب من غيرك أنا
نسمايه تايهه فى السما
خلينى نجمه مؤمنه
بصه على حامى الحما
**

إوهبنى واحه مقدسه
أزرها بالورد الحلال
طه الحبيب المدرسه
خلانى ع المدنه بلال
**

إرحمنى من كُتر الخروج
على أرض لسه مُحرمه
خلى دموى الطاهره موج
توصل فى لحظه للسما
**

يا رب .. يا رب البشر
إمحي ذنوبى بالصلا
متعنى دايمًا بالقمر
لو ليله صلّى فى الخلا
**

سهرنى لاجل الناس تنام
قدرنى أفهم قدرتك
خلينى مهما أكون سلام
دوبنى داخل رحمتك
**

إسقينى من نهرك ضيّا
وصلنى للشط الجديد
خلّى لقانا أمنيّه
ما تخلّيش أهرب بعيد
**

ما يريّج الأرواح سواك
يا رب أنس مهجتى
خلينى بالقرآن معاك
الهادى يصبح بهجتى
**

إهدى مراكبى للشطوط ..
الخضره .. ودروب الآيات
خلى عيون الناس بيوت
للقلب لو عايز يبات
**

يا رب .. مش عايز أنام
إلا على بر الضيا
أرمى السلام .. واسمع سلام
من قلب سيد الأنبيا
**

إحمينى م العمر اللى جاى
راكب على فرس الرياح
الصمت يصبح ألف ناى
بينادوا : حى على الفلاح
**

أنا ع الدروب تايه .. أنا
مش لاقى غيرك فى الرحيل
الآهه فى مؤمنه
إسعدنى بالقوت القليل
**

عفوك .. حَضَنْتُهُ بالرجاء
مش قادر اخسر رحمتك
إبعثلى آيات النجا
خلينى أمشى خطوتك
**

خلينى فوق جبل الرسول
شارب من المطر الحلال
إخلاصى لك .. جاب القبول
وحمانى من جيش الضلال
**

النفس لو " لوامه " زور
و " الملهمه " هى المراد
و " المطمئنه " .. " الراضيه " نور
" مرضيه " .. " كامله " بالميلاد
**

كون لى " سمعى " يا إله
عبدك أنا دايمًا شكور
خلينى فى سمع الحياه
(غفران) .. آيات قرآن .. زهور
**

أنا بين إيديك دعوة رضا
حقق لقلبى دعوته
خليه إذا سمع النداء
يبدأ يا رب فى ركعته
**

خلينى اصلى فى الملاء
ويا الملايكه الأتقيا
أهمس لليل الحقد لأ
بلسان إمام الأنبيا
**

التوبه كانت وجهتى
وجهنى دايمًا للصواب
خلى منيا وهجرتى
دايمًا إليك .. بعد الغياب
**

القلب يتوسل إليك
إرضيه ليلاى بالقبول
لا لك ولد .. ولا لك شريك
خلينى من خيرك أول
**

مرشد كتابك ع الدروب
وحديث حبيبك فى السحاب
قادر على هدى القلوب
تصبح جميع الناس صحاب
**

آه يا إله الكائنات
يا نور عيوننا المتعبه
إرحمنى فى ليلة الممات
إوهبنى رحله طيبه
**

صبحت حياتي براح
جوه دروب قايده
جوه حماك سواح
والروح هناك شاردة
**

لو قلبى يوم يعتر
بالحب كله أبوح
الشوك صبح زعتر
ويا حبيب الروح
**

عبدك فى ضلمه تاه
إمتى يروق البال
لو ليله قال الآه
تبعث لقلبه بلال
**

راجع إليك يا حبيب
أطلب حماك تانى
ما اقدرش لحظه أغيب
وأعود لحرمانى
**

الله على الإنسان
لو كان جميل الشوف
ماشى مع القرآن
ساجد إليك يا رعوف
**

حديثك يا طه .. ورود الجنان
يا حزن الغريب اللى عايز دياره
أنا قلبى .. مخلص .. وللود صاين
لأنك فى حُزنه .. طفيت انكساره
**

ولا حد يقدر يطولك يا طه
يا أجمل حديث .. ويا سوره .. وآيه
لأنك داريت القلوب م المتاهه
وكننت الهدايه .. فى أجمل بدايه
**

يا أشرف مرايه .. لقلبى اللى حبك
جميع المشاعر .. مزاخر فى قلبك
وجيت لى .. لكن لقيتنى باصلى
وحبك نادانى .. لقانى باحبك
**

نفارق يا طه .. ونرجع نجيك
ونطلع نخيلك .. ونلمس سحابك
ومين يا حبيبى .. هايقدر يطولك
ومين حتى يوصل .. لعظمة سحابك
**

ناديت اللى تايه .. باركت اللى شايف
وعلمت روحنا .. أصول الحياه
يا آيه .. ما زالت .. ما بين الشفايف
بتنده يا طه .. لنور الإله
**

قصورك .. بَنَّتْهَا الملائكه عشانى
لأنى ليلاتى يا طه أجيلك
وأنزل فى نيلك .. وأتوضى تانى
وجوه الكيان اللى حَبَكْ أشيلك

أكون جوه فجرك .. مراكب وشمسه
ومينا .. فى حُضْنِ المدينه .. ومرسا
وأشرب عبيرك .. زهورك .. وخيرك
وقلبنى يا طه .. لحبك ما ينسى

وأصبح قصيده .. بيحُضِنُها شالك
وتسحر عنيّه .. يا طه جبالك
ويسحرنى قولك .. يا مبعوث إلها
يا شادى .. ونادى .. وهادى جمالك

يا طه .. حديثك فى رُوحِ المُحبه
ولسه كلامك .. فى سَمْعِ الحياه
بنورك وخيرك .. صبحنا أحبه
بنمشى ليلاتى .. طريق الإله

فى ضيِّكْ كبرنا .. سهرنا فى آيه
وويا الحديث .. إحنا قولنا الكثير
زرعنا طريقنا .. بميت ألف رايه
مبادئ .. يا طه .. حقايق .. ضمير

كل النجاه .. منك
يا رب .. وانت العون
ما اقدرش يوم عنك
أبعد .. يا نور الكون

كون الحمايه عشان
قلب الحياه يرتاح
ويا الحديث قرآن
يا رب .. يا فتاح

أنا جيت فى عز الليل
أنده على المختار
خليه شفيح ودليل
للقلب .. لو يحتر

آجى إليك ملهوف
واسجد على بابك
لو ضعت جوه الخوف
أنده لأصحابك

دخل الرسول فى الروح
خلى دموى آيات
حتى وانا مجروح
بارتاح مع السجديات

أحمد .. والدنيا غابه
والحلم .. لسه أخضر
وخطوة الغلابه
فوق الجبل بتعتر
**

قلبك يا طه نادى
بالآيه ع اللى ضاعوا
جايب أحاديث مفيده
تمسح لليل دموعه
**

فى دخولنا عليك بتفرح
وتصالح اللى غاب
يا طه .. يا باب بيفتح
على ألف ألف باب
**

إفتح بابك علينا
لهواك متشوقين
خلى نور المدينه
يجينا .. يا أمين
**

جوه المقام ننادى
ونسلم ع الصحاب
عاشقين ضياك يا هادى
مش طايقين الغياب
**

جينا يا رب جموع
علشان ننول الخير
كانت عيوننا دموع
شايله هموم الغير
**

مهما الرياح هاتزيد
هانقيد حياتنا شموع
إحمينا م التنهيد
خلى سكوتنا .. خشوع
**

صلينا .. لما سكون
الكون .. صبح " سجاد "
يا رب .. إنت العون
لعباد .. فى قب سهاد
**

جينا إليك عارفين
إن انت رب رءوف
بالمصطفى ماشيين
من غير قلق ولا خوف
**

يا رب .. ليلنا طويل
سهل لنا المشوار
أحمد حبيبنا دليل
حامى النفوس م النار
**

صلينا .. فى المدينة
وناديننا عليك يا هادى
نزلت دموع عينا
جوه المقام يا سيدى
**

جوه المدينة .. دُوبنا
وشربنا سلسبيل
لما تاهت قلوبنا
الهادى كان دليل
**

صلينا ف كل حته
ورضينا بيبك إله
قولنا يا رب إمتى
يرجع للكون ضياه
**

جوه المدينة .. كُنا
فى النور متجمعين
ولا لحظه واحده خُوننا
المصطفى الأمين
**

جوه المدينة طائر
يمام .. لون الشروق
القلب لسه حابر
والدمع صبح وضوء
**

صفينى من ذنوبى
خَلَى الأيام تروق
إوعدنى يا حبيبى
بزمزم .. للوضوء
**

يا رب .. قلبى دايب
فى سكة الرسول
من مكة الطاهره جايب
سجادة الوصول
**

خليت القلب نجمه
بتنور للغريب
فى الضلمه .. رسمت نجمه
والهادى .. صبح طبيب
**

الهادى .. شَمْسُه عاليه
وغاليه حروفه جدا
والآيه الطاهره ماليه
قلبى .. بدنيا أحسن
**

آية قرآن فى جيبى
وحديث شريف معايا
طه المبعوث حبيبى
وطبيبى .. م البدايه
**

أنا رأس مالى .. دينى
يا عالم بالنوايا
خلى بينك وبينى
حديث شريف .. وآيه

أنا رأس مالى .. طه
جايب حديث شريف
لو طالت المتاهه
يصبح للروح وليف

يا رب .. خدنى لحظه
من تانى .. للمقام
جوه المدينه أحظى
بالحب والوئام

أدخل حماك أصلى
واسمع فى الروح أذان
فى ساعة التجلى
كل الدموع تبان

أنا رأس مالى .. حبك
يا حبيبى .. يا رسول
لما سجدت جنبك
الروح قدرت تنول

من قسوة الخطايا
ع الروح .. و ع القدم
شفت الخلاص فى آيه
شدتنى م العدم

يا شاييف كل حاجه
وخالق الوجود
محتاجه الروح لموجه
تبعثها للخلود

أدبنى .. لو نسيتك
ونسيت فى الليل ضفافك
وصلنى لحد بيتك
يا رب .. عشان أشوفك

لو مش " غضب " .. هاجيلك
صابر .. عابر لنورك
قلبى يرعش نخيلك
ينزل م النخل خيرك

يا رب .. روحى لسه
بتدور عن حمايه
إديها الآيه مرسا
خليها تتوب معايا

يا رب اهدينا دائما
لسكة الحقيقة

خلى نفوسنا أحسن
خلى الأرواح بريئه

فى حضرتك يا جاهى
بندوق طعم الهدوء
الحب .. لونه زاهى
حاضن ورد الشروق

نجينا م المخاطر
من قسوة الحياه
خلى لقلوبنا خاطر
وانقذنا يا إله

الدعوه خارجه منى
زى المطر .. رقيقه
عارف يا رب إنى
باحث عن الحقيقة

ضياك .. هو اللى باقى
ورسولك يا رءوف
الله على التلاقى
وجمال كل الصفوف

حامى القلوب .. يا رب
من نار .. فى إيد غدار
خلى شعاع القلب
يصبح فنار .. للجار

إحمينا من أعاصير
حاولت تدوس الروح
خلينا لاجل الغير
نسمه .. بتشفى جروح

يا رب .. روحى معاك
ساجده فى عز الليل
قلبى أدائه معاك
خليه عشائى دليل

علمنى اكون مقدم
قادر على المشاوير
خلينى اكون خدام
علشان أفيد الغير

يا رب نام الناس
وانت عنيك ما تنام
قلبى ملان إخلاص
ودى سنة الإسلام

ضد " الهوى " .. لو بان
ضد الشيطان على طول
يا رب .. بالقرآن
خُذنى لأغلى رسول
**
جوه المدينه أدوب
وأصالح الأيام
لما الفؤاد بيثوب
يصبح طريقه سلام
**
يا رب .. جيت والليل
فارد جناح الخوف
صبح الأذان قناديل
ورسول كريم يا رءوف
**
جايلك وانا مشتاق
شادد رحال النور
فى الروح جبال أشواق
والقلب بيك مسحور
**
يا رب .. لو أناديك
ينزل مطر ع الروح
أزرع جميع أراضيك
بالخير .. ودمعة روح
**

قلب اللى تاب .. حساس
روح اللى تاب .. إحساس
يا مصطفى . يا أمين
يا منبع الإخلاص
**
وأخذتنا وياك
يا طه .. للأنوار
صلينا يومها معاك
و واصلنا يا مختار
**
يا "عُنفوان الضوء"
ساعة خروج الليل
لما نوينا "وضوء"
شوفناك يا طه دليل
**
نهرب هناك ونعود
فى سجود .. نغيب لحظات
نهمس لرب الجود
إحمينا م "الزلات"
**
يا طه .. روحنا هناك
وياك .. فى أرض براح
شفنا الحقيقه معاك
وشبعنا م الأفراح
**

أنا عيني ع اللى هلك ؟

أبدا .. على اللى نجا

إزاي طريقك سلك

وإزاي وصل للرجا

فى كل شبر .. نيران

يارب نجى الروح

من داخل الطوفان

بناديك وانا مجروح

يا أولياء الله

إدوني أشرف توب

خلوا صلاتى صلاه

نفسى معاكوا أتوب

يا مصطفى .. خليت

قلبي جناين ضوء

فى كل ناحيه مشيت

أزرع وضوء .. وشروق

جايلك بفضل الله

لمدينه فوق الفوق

كل الوجود ألقاه

وياك .. وحالى يروق

سبب الوصول .. سجده

ودموع على السجاد

إبعت لنا " نجده "

تحمينا م الأحقاد

أيوه وصلت إليك

ساعة وصول الخير

بانده يارب عليك

عمرى ما اروح للغير

إقبلنى فى التايبين

خلى اليقين فى الروح

إطفى بدمع العين

نار اللى بات مجروح

أيوه ضعيف .. محتاج

للرحمه .. والأنوار

طه الرسول أمواج

فى بحيرة الأسرار

أرجوك يارب عطوف

تعطف على المشتاق

تطفى فى قلبه الخوف

تحميه من الأعداء

أوصل "كمال الروح"
بالحب .. والإخلاص

حتى وانا مجروح
أقدر أداوى الناس
**

علمتنا يا عليم
نصبح فى عون محتاج
ويانا هادى .. كريم
أحاديثه صبحت تاج
**

يا نور .. ببسبق نور
يا زهور على الساجدين
كل الحياه بتدور
وبتسعد التايبين
**

وأتوب إليك يا رءوف
وارجع لمكه جريح
أسجد .. وانا ملهوف
واتداوى بالتسابيح
**

يارب .. كان الليل
فارد جناح النار
لكن .. وصلنا دليل
ويا رسول مختار
**

أنا .. صُحبتى .. عَبْدك
لو كان فى سكه حلال
يسقيني من شهدك
ولا يعترف بضلال
**

أنا صُحبتى .. قرآن
فى الليل مسهرنى
لو طالت الأحزان
م الخوف يطهرنى
**

أنا صُحبتى .. طه
روحى بتنده ليه
يطفى آلام آهه
ساعة صلاتى عليه
**

أنا صُحبتى .. إنسان
عارف طريقك فين
فوق اللسان .. برهان
بينادى طه أمين
**

أنا صُحبتى .. قمرک
ساجد معايا بشوق
لما باطيع أمرك
بياخذنى دايمافوق
**

فى الصمت .. كنت كلام
فى الزحمة .. كنت نسيم
جايب لنا الإسلام
تكرمنا بيه يا كريم

طه .. مازلت هناك
جوه مدينة الشوق
عائش بقلبى معاك
طالع بروحى لفوق

أحمد .. وكنت سحاب
ضلل على التايين
إخوات معاك وصحاب
يا حبيبى بالبلايين

يا مصطفى .. يا رسول
للكون .. وكل الناس
كل الصحاب يتنول
الحب .. والإخلاص

جينا المدينه عشان
نرتاح معاك يا حبيب
حفصتنا القرآن
وبقيت لروحنا طبيب

جوه الوجود شفناك
ضليله للتراحيل
فضل الإله خلاك
يا طه .. أغلى دليل

لما احنا جينا إليك
إرتحنا بيك م الخوف
ملايين كتير حواليك
والكون عليك ملهوف

يا طه .. وانت نجوم
وانت العلوم للناس
خليت قلوبنا تعوم
فى بحيرة الإحساس

الله يا نهر أصول
يا رسول بيهدى الروح
بيك الفؤاد موصول
ومعانا فين ما نروح

يا لمسة القرآن
يا همسة الأحاديث
الله على الغفران
لو يبقى لنا ونيس

جوه المدينة يمام
واقف على كتافى
يا منبر الإسلام
يا موج .. لمقدافى
**

دخل النسيم فى الروح
ساعة ندانا عليك
القلب لو مجروح
يا طه .. يفرح ببك
**

آه يا عبير الكون
يا رعدة الإحساس
آه يا إيمان مسكون
فى قلب كل الناس
**

جوه الحياه مصباح
فى الليل .. بقيت قناديل
لو روحنا .. فيها جراح
تشفيها بالترتيل
**

يا مصطفى و قریت
وياك آيات و آيات
حسيت فى قلب البيت
إن السنين .. لحظات
**

يا مصطفى .. خلّيت
قلبي طريق إنسان
جنبك أنا صليت
و وصلت للرحمن
**

ولا عمرى هانسى لُقاك
مهما الليالى تفوت
قلبي يا طه معاك
خَلِيَّتُهُ شجرة توت
**

يا آيه ويا حديث
يا هدايه للى عاز
للرب .. كنت جليس
قلبك بنوره فاز
**

فى زحمة المخاليق
شفّتك يا طه نسيم
الله يا أحلى صديق
الله يا أغلى كريم
**

جايلك وانا مشتاق
نفسى معاك ارتاح
يا أجمل الأسماء
يا سكه طاهره .. براح
**

فى زحمة المشاوير
أنده عليك يا رسول
يسجد معايا الطير
جوه مقامك انول

يا طه .. والقرآن
خذنى بحب معاه
والقلب والوجدان
قالوا معاك .. الله

الله عليك إنسان
بيساعد المظلوم
بيصلى للرحمن
ويصاحب المحروم

طه .. مشيت وياك
ونسيت جميع الناس
فى كل شىء ألقاك
همسة قمر وناس

يا حبيبى .. نام الكون
والقلب مش نايم
إزاي يا طه نخون
كلمة إله دايم

لما ابتديت ألقاك
فى كل شىء موجود
خذنى يا طه هواك
للعالم الموعود

خذنى السجود لله
وندهت ليك يا رسول
كانت فى روحنا الآه
كانت دموعنا سيول

يا أول العارفين
إن الإله غفار
سورة يس .. يا أمين
داست على الكفار

فى كل يوم أناديك
واسمع نذاك ملهوف
جوه الحروف الأقيق
بعنيك يا طه نشوف

ساجد .. و دمعى سال
والنور صبح سجايد
يا طه .. راق الحال
والدنيا صبحت عيد

ودخلت ليك ملهوف
شفت المقام أزهار
بيك العيون بتشوف
يا حبيبى .. يا مختار
**

ودخلت .. دمعى يسيل
ع التوب .. يكون شلال
ويا نجوم الليل
يا رسول .. صاحبت بلال
**

جوه عنيه ضياك
الله عليك يا شفيق
حتى فى نومى .. معاك
يا ربيع لكل ربيع
**

إنت العبير موجود
فى كل نسمة شوق
طه يا أصل الجود
يا شروق .. لكل شروق
**

يا مصطفى .. خليت
قلبى يمام فى سحب
أنا ويا أهل البيت
سلمت ع الأصحاب
**

صافى يا قلب الزمن
فى مدينة المحبوب
طه .. لروحنا وطن
أحمد .. معاه بنتوب
**

وندوب فى قلب الضى
جوه المدينه نكون
لا لك يا طه زى
ولا لك شبيه فى الكون
**

أحمد .. نادانا الشوق
جينا إليك عشاق
الجو بيك بيروق
يا دنية الأشواق
**

صَفِينا روحنا خلاص
م الكذب .. والأباطيل
وبقينا بين الناس
إخلاص .. ونور قناديل
**

جينا إليك صافيين
ورجعنا بالحسنات
شايقين ضياك يا أمين
فى رعدة الصلوات
**

وفتحت باب مقفول

ثوبه خلاص يارب

وصلتني برسول

ساكن فى قلب القلب

يا طه .. مهما نغيب

لازم لمكه نعود

نيجى إليك يا حبيب

يا رسول كريم محمود

لو نفرق .. ألقاك

جنبي فى كل مكان

جوه الفؤاد ذكراك

يا حامل القرآن

مرتاح معاك مرتاح

ولا لى غيرك نور

سلمتني المفتاح

وزرعت نفسى زهور

طه .. الإله خلاك

تصبح عشاننا خلاص

مين فى الوجود ينسأك

يا دنية الإخلاص

مركب وصول .. يا رسول

أخذتني ليك مشتاق

يا شمس نورها أصول

يا مدينة الأشواق

جيتك يا سيد الناس

يا مداين الألباظ

علمتني الإعزاز

والكون بنورك فاز

يا رسول كريم مبعوث

من عند رب الكون

هادى نفوس ونفوس

للقلب أعظم عون

فى النهر .. كنت شرع

بينادى ع الأمواج

إنت مطيع .. و مطاع

يا طه .. وانت التاج

بنصلى .. وانت إمام

وانت السلام مفرد

يا أول الإسلام

يا أصل أصل الجود

دق القمر ع الباب
أنا قلت مين يا نسيم
شفتك فى أعلى سحاب
يا رسول عظيم وكريم
**

دق القمر ع الروح
شفت المدينه زحام
يا طه مهما نروح
إنت فى روحنا سلام
**

دق القمر بضياه
ع القلب .. جيت وياك
إنت رسول الله
ومفیش لروحنا سواك
**

دق القمر .. دقيت
وياه على النايمين
الله يا أهل البيت
الله يا أعلى أمين
**

دق القمر .. صليت
بالروح يا طه عليك
ساعة الأذان .. خليت
قلبي يُحوم حواليك
**

وكانت الضبابه
ماليه قلوبنا يا ابه
وجيت يا طه لينا
تحمينا م الديابه
**

يا رسول الله يا غالى
يا بو القلب المثالى
نورك بعد اللى صابنى
صالحنى ع الليالى
**

أتوب م الذنب تانى
تجبنى بالأمانى
أخذك لقلب روحى
طه .. يا نور كيانى
**

أنا لسه بين جراحى
يا طه .. نُصى صاحى
والنص التانى ساجد
جنبك .. جوه الضواحي
**

خايف على كل عمرى
يا طه فى ضلمه يجرى
أرجوك يا حبيب إلها
تتولى كل أمرى
**

و طلعت فوق الجبل
شفت السحاب .. أصحاب
يا طه .. عندى أمل
أفتح عليك الباب

و طلعت فوق القمم
شفتك فى توب معلوم
رديت على نعم
ورضيتنى بالمقسوم

و طلعت فوق الفوق
شفتك جنانين شوق
ومدينه جوه الروح
فيها الفؤاد بيروق

و طلعت فوق النور
أحضن يا طه ضياك
شفتك فى قلب البور
زارع نذاك .. وسناك

و طلعت فوق عشان
أقرى معاك قرآن
طبطبت فوق الروح
بحنان .. عشان إنسان

أحمد .. أنا حنيت
للبيت .. وجيت لِنذاك
بعد الدخول شَمِيت
الجنة .. جوه ضياك

يا مصطفى .. سَمِيت
قبل الدخول لحماك
عند المقام صليت
ونسيت فى روحى معاك

ولا هادى غيرك كان
ولا بان سواك للناس
لو ألف واحد خان
تقابلنا بالإخلاص

نيجى إليك .. شايلين
الهم .. و الأحران
نرجع بنور و حنين
وشفاعة القرآن

صلينا .. وانت إمام
لينا فى كل زحام
آه يا يتيم .. رباه
الله .. على الإسلام

يارب العمر عَدَى
فوق سكة السراب
خلى أشواكنا ورده
لو كان القلب تاب
**

يا حبيبي .. وانت عالم
بالقلب لو غريب
خلى الإيمان سلام
بتاخذنا للحبيب
**

يا جاهى .. خُذنى دائما
لذنية الآيات
إن طال طريقي جدا
ودينى للصراط
**

إلهى .. لسه قلبى
بيدق فوق بيباتك
خَلَى .. نور خَلَى جنبى
يسقبنى بحور حنانك
**

يارب .. خلاص ها سلم
الرايه .. لاجل آجى
نفسى أقدر أقدم
الخير .. يكون علاجى
**

دمعه .. قدرت تطولك
وتجيلك يا رسول
دمعه .. نزلت فى نيلك
تتوضى .. عشان أنول
**

يا طه .. لسه فىنا
مليون جرس إيمان
من مكه .. للمدينه
فى ميت مليون مكان
**

ولا لنا إلا نورك
فى زحمة الحياه
يا طه .. و كان شعارك
نفضل جنب الإله
**

علشان الدعوه .. قلبك
إتحمل الكثير
أصحابك .. كانوا جنبك
والحب .. والضمير
**

كلمه .. قدرت اقولها
إنك حبيب حياتى
حسنه .. وياك هانولها
يا أجمل ذكرياتى
**

سلمت لك فؤادى
قبل الوصول إليك
طه .. كان لى هادى
جانبى يارب ليك
**

سألونى .. قلت : "هو"
خلقتى من تراب
إدانى .. ألف قوه
خلانى .. فى السحاب
**

يا عالم بالنوايا
وساند البشر
خلّى الرسول معايا
وانا طالع القمر
**

جايلك .. والقلب صافى
شايك مابين ضلوعى
الله على التصافى
لو كان يلمس شراعى
**

طه الحبيب ينادى
أقوله ميت نعم
يرسم بالنور فؤادى
ما بين جبال نعم
**

يارب .. وانت كفيل
بالعبد .. لو مجروح
دايس علينا الليل
وتقيل قوى ع الروح
**

يارب .. وانت عليم
بالقلب واللى مالىه
دايما علينا كريم
حتى البخيل تعطيه
**

يارب .. وانت رعوف
شايك قلوب الناس
لما نضيع فى الخوف
نلقى قمر وناس
**

يارب .. وانت صبور
ع المذنب الغرقان
فى نهايته يلقى النور
مع طه و القرآن
**

صبحت دموعنا نيل
ساقى حمام الروح
لو حتى قلبى بخيل
لازم بحبى أبوح
**

الجنة خضره لمين
للعاشق الولهان
الله على البساتين
الله على الألوان
**

فى الجنة .. قلبى هناك
فرحان بهادى حبيب
فى كل خطوه ملاك
أنهار عسل وحليب
**

للجنة .. خدنى النور
شفت الشفيع لله
الشوك فى إيده زهور
والموت فى حبه حياه
**

خدنى إليك مفتون
بضياك وناسى النوم
لسه الفؤاد مسكون
بالبهادى سيد القوم
**

المرسلين ساجدين
وإمامهم العدنان
طه يا نور العين
يا حامل القرآن
**

سبحانك المعبود
قلبى معاك ملهوف
ألقى فى كل سجود ..
كعبه .. وروحى تطوف
**

أوصل إليك مشتاق
لرسولك العدنان
تملى الفؤاد أشواق
للمدنه .. والقرآن
**

إهدينى لو ضليت
وصلنى باب النور
خلينى جوه البيت
مؤمن برب غفور
**

يارب .. خدنى نسيم
على عبدك المحتاج
فى الطاعه أبقى كريم
توهبنى أشرف تاج
**

الرملى يبقى ورود
لما نقول يا رءوف
يا حب ماله حدود
كل الأحبه صفوف
**

أسجد .. وابص عليك
أستغفرك يا غفور
آجى بجرحى إليك
وارجع بطاقة نور
**

أسجد .. ودمعى يسيل
ينده عليك يا إله
أصبح معاك قنديل
بينادى ع اللى تاه
**

أسجد .. بساطك خير
يا حامينى م المجهول
إزاي أروح للغير
وضياك فى قلبى سيول
**

أسجد .. بقلبى أتوب
واطلب حماك ودفاك
دمعى .. يبيل التوب
وردى يبوس فى نْداك
**

أسمع أذان الديك
التقوى تبقى بحور
الكل ناده ليك
تشفى نفوسنا البور
**

بتختبرنى دايما
بالستر .. يا رءوف
واكون يارب أحسن
فى أصعب الظروف
**

عالم بكل حاجه
عالم بكل شىء
و بحورك موجه موجه
للعاشقين صديق
**

سلمت لك أمورى
وآمنت بالمشينه
سقيت بالنور زهورى
و وصلت للحقيقه
**

صبرنا لو فى محنه
كبرنا لو نقول
لو ليل طويل جرحنا
قوينا بالأصول
**

الله علينا لما
نسجد فوق البساط
تدخل فى روحنا همه
نحضن كل الآيات
**

وصلنى مرحله
أقدر أوصل سحابك
خلينى فى الصلا
آيه .. بتبوس فى بابك
**

يارب .. وانت شايف
قلبي فوق الطريق
خلى حرف الشفافيف
يصبح للخير صديق
**

الله علىّ لما
بناديك وقت التجلى
واقف فى وسط لمه
أترجى فيك واصلى
**

صابر .. والصبر طبعى
عايش فى الكون فقير
السبحه .. وريد صوابعى
والقلب كله خير
**

خلينى فى الغلا
نفسى أبوس تراكب
والقلب يتملى
يا حبيبى بنور حبيبك
**

بالعزه .. والكرامه
جملنى يا عليم
وصلنى بالسلامه
لشطوط أجمل نسيم
**

إسندنى جوه سكه
مليانه بالخطوره
وصلنى معاك لمكه
خلينى شعاع مناره
**

يا ساند لىّ قلبى
وشافى لىّ روحى
خليك يارب جنبى
لو يوم تزيد جروحي
**

داوى القلب المسالم
بالآيه .. والحديث
يارب .. وانت عالم
إنى لضياك جليس
**

إوعدننى بالشهامه
خلى الفؤاد سليم
تبقى الحياه كريمه
يبقى الطريق كريم
**

عهد الخلافه ما زال
لو فيه نفوس طاهره
فوق السطوح يا بلال
إزرع لنا قمره
**

عهد الخلافه يكون
فينا مع الإخلاص
لا حد فينا يخون
ولا فيه يتيم ينداس
**

عهد الخلافه .. ضياه
جوه قلوب ساجدين
طه .. فى بيتنا نداه
بيصحى فى النايمين
**

عهد الخلافه ازاي
هايزول فى أظهر كون
جوه قلوبنا الناي
بيسبحك يا حنون
**

الآيه راحة بال
يا روحى يا صابره
لا جاه يدوم ولا مال
يا صاحب القدره
**

سلمت روحى هناك
فى عالم التراتيل
جوايا ألف ملاك
راسمين نجوم الليل
**

أشتاق إليك .. أشتاق
آجى إليك ملهوف
تتبدل الأسماء
فوق الورق يا رءوف
**

طهرنى م الأوثان
سهرنى ويا ضياك
حذرنى م اللى خان
ودينى للى معاك
**

يا مقرب المشوار
ومبعد التايهين
يا عالم الأسرار
الروح مالىها حنين
**

أشرب بفرحه ضياك
تبقى العيون قناديل
أيوه وحشنى لقاك
إشفيلى قلب عليل
**

أنا بأسألك دائما
تحمينى من نفسى
لما الديوك تدن
أقدر أشوف شمسى

يارب .. والسموات
مفتوحه للمحتاج
قوينى بالحسنات
قدرنى ع الأمواج

صبرنى يا رحمن
على قسوة المجهول
كبرنى بالقرآن
طهرنى لما أقول

إدينى لو أدّى ..
خيرك لكل الناس
يصبح عبير وردى
رنة وتر حساس

إن يوم قاسيت جدا
إبعدنى عن يأسى
ما تزلنيش أبدا
واغفر دنوب أمسى

إقبلنى .. لو أناديك
وانده عليك بدموع
فى كل شىء ألاقيك
أسجد بكل خشوع

يارب والقناديل
مرعوشه جوه الريح
من دمعى فاض النيل
إوهبنى شط مريح

كون الدوا للروح
لو أى يوم تحتاج
إرضينى لو مجروح
بايمان يكون التاج

يارب .. والمفاتيح
جوه قلوب عشاق
لو يوم تزوم الريح
بتدوس على الأضواء

يا اللى تُكالى عليك
يا صوت عظيم مسموع
لو قلبى يوم يناديك
ألقى فى روحى دموع

ولا لى غير قرآن
ولا فى إلا حديث
لما بكون قلقان
الحضره .. تبقى جليس
**

يا خالق السموات
والأرض .. والملكوت
خلينى بالآيات
والحب .. أقدر افوت
**

الإيد .. فى قلب الجيب
بتجيب رغيى لىتم
قلبى جعلته طيب
وأمان ونور ونسيم
**

يا مقسم الأرزاق
ومحدد الأعمار
أنا للحما مشتاق
إوعدنى بالأسرار
**

لما ذنوبى تبان
خليك لقلبى صديق
الله على القرآن
لو كان لروحي طريق
**

يارب .. جيت أرجوك
تسامحنى مهما يكون
كل اللى سجدوا .. رأوك
مالى أراضى الكون
**

شفتك وانا ملهوف
قدام رسول الله
أيوه لقيتنى بشوف
وجهك .. سحرنى ضياه
**

أنزل بحورك اعوم
يا حبيبى واترجاك
إحمينى شر اليوم
خلى مصيرى معاك
**

صبرتنى ع الليل
أيام زمان يا كريم
خلى العيون قناديل
واوعدنى بالتكريم
**

أنا فى حماك مزروع
شجرة كافور طاهره
إشفينى لو موجوع
واحمينى من بكره
**

تسامحنى .. تسبقتنى دموعى
ساعة سجودى على ترابك
مرسومه آيه على ضلوعى
مكتوب حديث فوق أبوابك
**

يارب .. خلينا مواسم
فيها الطيور بتصليك
الكل فوق أرضك راسم
قلبين بيتوضوا ف نيلك
**

إرسملى سجادة راحه
قد الأراضى المعموره
خلى القمر قد الساحه
بيدوس جيراننا المغروره
**

يارب .. واسرج قنديلنا
واسقينا لو نعطش لحظه
خلى الرسول هو دليلنا
واعطينا كل الخير .. عزه
**

صبرتتى .. صبرنى كمان
على كل حاجه بتضينى
خلى الحديث .. ويا القرآن
يزيدوا من ضى عيونى
**

ياربى .. نجينا
من قسوة المشوار
نادينا .. ناجينا
فى رعدة الأسحار
**

نجينا من سكه
بصه علينا بنار
إوهنا نور مكه
واوعنا بالأسرار
**

لو طالت الرحله
صبرنا ع المكتوب
نار الطريق تحلى
لو يوم نوبنا نتوب
**

يا ربى .. فين ما نروح
نلقاك فى كل مكان
تنجدنى .. لو مجروح
بحلاوة القرآن
**

نجينا من أيام
عايزه تتوهنا
هنيئا بالإسلام
خلى الرسول جاهنا
**

نَجِينَا مِنْ أَحْلَامِ

عَايِزِهِ تَغْرِقُنَا

أَحْمَدُ نَبِينَا إِمَامِ

وَلَا شَيْءَ يَفْرِقُنَا

وَسَافِرُنَا بَيْكَ .. وَنَعُودُ

نَلْقَى السَّجُودَ فِي الرُّوحِ

أَنَا قَلْبِي بَيْكَ مَوْعُودُ

وَعِشَانُ هَوَاكَ بِيَبُوحِ

يَا رَبِّي .. وَالْأَسْفَارِ

مِنْكَ خَدَتْنَا كَثِيرِ

إِحْمَى غَرِيبَ الدَّارِ

مِنْ قَسْوَةِ الْمَشَاوِيرِ

نَجِينَا لَوْ رَايَحِينَ

قَاصِدِينَ بَحْبِ ضِيَاكَ

الْهَادِي .. نُورَ الْعَيْنِ

وَالرُّوحَ مَعَاهُ وَمَعَاكَ

طُوقَ النِّجَاحِ مَمْدُودِ

نَجِينَا يَا اللَّهَ

خَلَى دُعَانَا سَجُودِ

وَإِحْمَى الْقُلُوبَ مِ الْآهِ

يَارِب .. نُورَ دَعْوَتِي

صَبَحْتَ سَحَابَهُ خَلَاصِ

خَلَى رَنِينَ دَمْعَتِي

رَعِشَةُ وَتَرِ حَسَاسِ

يَبْجِي سَكُونِ اللَّيْلِ

يَلْقَانِي خُطْوَةَ نُورِ

طَه حَبِيبِي دَلِيلِ

سَابَنِي أَبَاتِ مُسْتَوِرِ

أَلَمْسُ سَحَابَةِ شَوْقِ

يَارِب .. وَاتَرَجَاكَ

أَوْصَلَ بِقَلْبِي لَفُوقِ

وَافْضَلَ بِرُوحِي مَعَاكَ

بَيْنَ الْفُرُوعِ أَرْتَاحِ

جَوْهَ الدَّمُوعِ أَلَايِكَ

سَلَمْتَنِي مِفْتَاحِ

سَاعَةَ نَدَايَا عَلَيْكَ

يَارِب وَ الْأَيَّامِ

مَالِهَاشِ فِي لَحْظَةِ أَمَانِ

إِحْمِينِي مِ الْأَحْلَامِ

لَوْ أَصْلَهَا بِهَتَانِ

مهما يارب أروح
تهدينى بالأسماء
إنت حبيب الروح
والحب .. والأشواق
**

لو روحى متجرحه
أكتب آيات ع الورق
أبكى مع المسبحة
على عمر كله انسرق
**

يا أصل أصل الجود
إحمى النفوس م الضيق
خلينى دايماء اعود
بالروح لأغلى طريق
**

خلّى حياتى تفوح
بالعطر .. من لقياك
إنت ملك الروح
والجنه هى لقاك
**

الحب جوايا
ومعايا أغلى أمين
الله على الآيه
فى محبة العاشقين
**

إن كنت يوم مجروح
آدى خطوتى .. عينها
بهواك يارب أبوح
والروح معاك .. صونها
**

خلّى القرآن هديه
فى طريق المعجزات
يا سكه أحمديه
أنا جايك بالآيات
**

النخلة متفرعه
بتداوى فى المهموم
واحنا صحابه .. مع ..
الهادى والمعصوم
**

آدى الرسول جنبى
بحديثه يطربنى
الآيه فى قلبى
م النور تقربنى
**

بهداك يزول الغم
والليل يكون أنوار
ضاع من حياتى الهم
لحظة دخولى الدار
**

الفجر لما لاح
روحي بقت قادره
أه يا غريب ارتاح
وياك إله قدره
**

نفسى فى يوم أرضيك
تصبح دموعى وضوء
أسجد ما بين أياديك
أصبح لعبدك ضوء
**

ألقى فى قلبى الشوق
أنده على اللى احتاج
يصبح ندايا شروق
وإيمانى أعظم تاج
**

لو أهرج البهتان
ألقى الآيات صاحبي
الله على القرآن
لو يوم سكن قلبى
**

فى كل شىء ألقاك
حتى فى دنيا الغيب
ما اشبعشى من لقياك
مع طه أعلى حبيب
**

إوعدنى بالمكتوب
والحب والبركات
نفسى يارب أتوب
فى سكة الحسنات
**

يا اللى لقاك سايب
فى القلب أغلى بصيص
أنا من زمان جايب
الآيه لى جليس
**

زهر المحبه يميل
ورد الأمانى يفوح
تصبح دموعى نيل
تغسل بحب الروح
**

حتى الطيور ساجدين
فى العش يا رحمن
فى القلب شوق وحنين
فى الروح حروف قرآن
**

صبحت حياتى فروض
الله على الصلوات
الشوك فى إيدى ورود
لو زدت فى السجادات
**

ما انساش فى لحظه أبدا
ولا احس بأى خوف
يا اللى انت على جدا
للهادى نفسى اشوف

إن لحظه واحده نحزن
بتكبر الصفوف
السكه تبقى أحسن
بوجودك يا رءوف

دى سحابه مضلله
تحمينى من عذابك
بتبوسنى فى الصلا
وتاخذنى لحد بابك

نسينى ذنوب قديمه
علمنى كل شىء
تبقى الحياه كريمه
بسجده ع الطريق

يا رب .. قلبى دايب
فى الشده بيناديك
يرجع قلبى اللى غايب
يسجد ما بين إيديك

بنبص م الشبابيك
نلقاك رحيم وشكور
فى كل شىء نلاقك
حامى العباد يا غفور

صلح لنا الأحوال
وارزقنا بالمطره
جوه قلوبنا بلال
ناطق حروف طاهره

دى نجومى جوه سماك
وطريقى لسه طويل
دايما بادوب فى هواك
وعنيّه ضوء قنديل

تبقى الحياه أحسن
لو قلت يوم الله
ما انساش ضياه أبدا
وأعوم فى نهر ضياه

قلبى ما بين أياديك
يارب يا رحمن
نفسى فى يوم أرضيك
بالتقوى والقرآن

بين الفروع الصفصافى
أندّه عليك م الفجريّه
المصطفى الهادى الصافى
يرد بالآيه علىّ
**

يارب حسنّ أحوالنا
خلّى السحاب يشتى علينا
ما تسيبش أبداً أموالنا
يارب تتحكم فينا
**

خلينى للأطفال شمعه
خضره .. تنور لياليهم
لو شفت فى عيونهم دمه
من عمرى آخذ واديهم
**

علمنى اكون عبدك .. ومطيع
أأدى فى الأوقات فرضك
إزاي أسيب العمر يضيع
إزاي أبيع ببلاش أرضك
**

هنيئى دايماً واسقيني
من روضه فى القلب شريفه
خلّى الرسول جوه عيونى
واجعلنى فى الحق خليفه
**

يارب .. حبيتك
رغم الرياح والشوك
دقيت ببيان بيتك
لبيت .. عيونى شافوك
**

بينى .. وما بينك
سجده بألف جناح
بقلوبنا شايفينك
راسم فى ليلنا صباح
**

عطرنا بالقرآن
طهرنا بالأحاديث
سنّتى الإيمان فدان
والهادى لينا ونيس
**

يارب .. خلى النور
يصبح لنا شباك
يزرع قلوبنا البور
بضياك .. وضى سناك
**

إرسمنا فوق أراضيك
نخله بعرض الكون
خلينا يوم نراضيك
علشان تكون فى العون
**

يارب .. طه الحبيب
ساكن ضيًّا عيني
كل الجراح بتطيب
ومعاها أحراني

جوه طريق الهوى
ضاعت خطاوى النور
واما بقينا سوا
ماتت طيور الزور

إلقانى جوه عباد
ناسيه زهور الشوق
خلى النهايه ميلاد
ظاهر بألف شروق

أسبح فى بحر علاك
ألقاك غفور رحمن
يعلى الفؤاد وياك
يارب بالقرآن

توبى غزله وجيت
أنده ونفسى أتوب
واما وصلت البيت
حسيت بأنى بادوب

يارب .. وقفت اصلى
هان الطريق علىّ
فى لحظة التجلى
الدنيا محمديه

يارب .. خلى بينك
وبينى كتاب شريف
إسقينى من حنانك
أصبح للناس شريف

دوبنى ف كل حاجه
منك يا ذا الجلال
إرسمنى شراع وموجه
فى نهر الإبتهال

خذنى يارب ضحكه
ونسمة لليتامى
أوصل لقلب مكه
بخيالى .. بالسلامه

يارب .. وانت أدرى
منى .. بكل حالى
إوهبنى ألف قدره
علشان أكون مثالى

قمر الجلاله ظهر
فى رعدة السموات
مفيش لروحنا أثر
إلا مع الصلوات

نادى على التايهين
فى زحمة الأيام
فاكرين .. ومش ناسيين
ومحققين أحلام

يارب .. كون العون
للعابد المسكين
إنت لطيف وحنون
شافى لكل حزين

خلى بحورنا تروق
خلى شطوطنا سجود
نطلع بروحنا لفوق
نلقاك يا أصل الجود

راحتى فى بيت ملهوف
ع الجار .. وجار الجار
خلينى أقدر اشوف
الجنه .. جنب النار

يارب .. قرآنك
م الليل منجبنى
ويجبنى غفرانك
تنزل دموع عينى

آيه .. ورا آيه
م الضلمه تغسلنى
لا نار .. ولا غوايه
من نورك اغزلنى

أسبح معاك فى حروف
طاهره .. فى أعلى كتاب
آجى إليك ملهوف
تفتحلى أشرف باب

علمنى يوم اقراك
وافهم أصول النور
الديك على الشباك
والبيت صبح معمور

إندهنى لو ضليت
عنفى لو أنساك
وبحق أهل البيت
أتهنى يوم بضياك

يارب .. آياتك
باصحى وانام فيها
أنا ذانى من ذاتك
لحياتى .. إهديها
**

دفينى لو أحتاج
بالشمس والقرآن
خلى القصور العاج
تنهد بالبهتان
**

ومفیش سند إلّاك
إسندنى بين القوم
لسه طريقى هلاك
والقلب بات مهموم
**

الآيه .. ضىّ العين
نورها بيندهلى
لو كنت م الناسيين
سامح على جهلى
**

إوهبنى حُب الناس
فكرنى بالمحتاج
أصبح نسيم حساس
ساجد مع الأمواج
**

غفرانك اللهم
يارب .. يا رحمن
طه فى قلب الدم
بيردد القرآن
**

إغفرلى يا الله
الماضى حتى ان زاد
خلينى للى تاه
الزاد .. معاه "زواد"
**

ما تخلنیش ارتاح
إلا على أرضك
لو حتى فى جراح
بتزول مع فرضك
**

غفران .. ورا غفران
وسامحتنى ياما
طهرنى بالقرآن
فى سكه دوامه
**

طمعان فى شىء أكبر
عطشان .. ياريت اشرب
الشوك .. صبح عنبر
إزاي بقى هاهرب
**

يارب .. غفرانك

إهديني للأحسن

يدخلني قرآنك

ألقى الديوك تدن

سهرتني في ضياك

صبرتني يا صبور

خليني ماشى معاك

أغزل نجوم النور

أسبق خطايا إليك

أناديك في ألف طريق

مُعظم كلامي عليك

يا صديق لكل صديق

يا خالق الأكوان

يا فالق الحبات

تقابلني بالغفران

لو طالت الصلوات

نَقِينِي لاجل أكون

في أول الطوابير

يارب "كُن .. فيكون"

إحمني م الأعصاير

يارب .. سيبنى أبوح

مهما يسود الليل

لو جيت إليك مجروح

إشفيني بالتراتيل

بين النجوم سهران

أناجيك بأعلى شعور

قلبي صبح قرآن

روحي رسمها النور

ولا لنا غير أراضيك

نزرع عليها ورود

نفسى فى يوم أراضيك

بعد الإيمان ما يسود

لو نام جميع الناس

سهرنى بالآيات

مع سورة الإخلاص

فى دمع دافى أبات

كبرنى بالأفعال

طهرنى لو بناديك

إرسمنى .. وجه بلال

ع المدنه .. حاضن ديك

الليل بيجى الليل يروح
والمسجد الفاضى اتملئ
جسدى بيتحول لروح
يارب .. فى نص الصلا
**

خلى رموشى مسبحه
ودموعى سجادة صلاه
سكة رجوعى مُفرحه
إقبل ركوعى يا إله
**

يا دقة الليل الطويل
يا دقة القلب الغريب
لو كان طريق الويل عليل
إشفيه بلمسه يا حبيب
**

يا واهب الأعمار دفا
إوهبنى جوه الليل دفاك
يا اللى خلقت المصطفى
أرجوك تسيب الروح معاك
**

يارب .. وصل خطوتى
لطريق مازال فى مبتداه
توصل لعرشك كلمتى
تلمس عبيرك يا إله
**

أدعوك .. ولا لى سواك
ينجندى من جبل الهموم
أهرب .. ويهدينى سنّاك
تظهر فى قلب الروح نجوم
**

إجعلنى نسمة حنينه
داخل قلوب الشقيانين
خلينى خطوه مؤمنه
فوق سكة الهادى الأمين
**

ويايا فى كل الخطا
جوايا لو طال الألم
الصهد يتحول شتا
والصمت يتحول نغم
**

أنده عليك .. تنزل دموع
تحضن خطاوى سكتى
فاتح فى أبواب الرجوع
عارف وشايف شكوتى
**

الله رسمت القلب ديك
فوق مدنة الحب الحلال
يدن معايا ويناجيك
يصبح لكل الكون بلال
**

قاصد حماك فى محنتى
إرحمنى من جبل التعب
خلى التراب فى كفتى
بالحب يتحول ذهب
**

ولا حد غيرك يوم يكون
هو المعين لى انحنى
الى هايقدر يوم يخون
هايعيش فى وادى المسكنه
**

فى سكتك .. سكت الكلام
ساعة سجودى ع الحصا
إوهبنى أنهار السلام
إبعدى عن صاحب عصا
**

يا همستى جوه الزحام
يا شمسى جوه المطر
يا بسمتى بعد الآلام
يا ضلتى تحت الشجر
**

يارب خان قلبى الطريق
إهديه لأبواب القبول
يصبح كتاب نورك صديق
ماشى بحب مع الرسول
**

الحرف .. أصبح سيل
والنور عبير فاير
الله على القناديل
جوه طريق حابر
**

العبد لو أشرك
يرجع إليك أحسن
بالطاعة يتحرك
ما يضيعيشى يوم أبدا
**

لما يطول النداء
نوصل إلى الملكوت
لا باقى غير الهدى
بانى عشاننا بيوت
**

يا لى هواك ناجد
للقلب جوه الضيق
أنا من زمان ساجد
فى قلب ألف طريق
**

تدبىنى أعلى مكان
تدارينى م الشده
بالحب والقرآن
الشوك يكون ورده
**

أسهر معاك الليل

أدخل حماك طائر

دمع المحبة يسيل

و يريح الحابر

راحه فى قلب الروح

ساعة خروجى إليك

واما بكون مجروح

أفضل أنادى عليك

أسهر عشان أراضيك

يا خالق الأرواح

تزرعنى بين أراضيك

زهرة إيمان وسماح

لما بقول يارب

تفتحلى باب الباب

يهدى معاك القلب

وكأنا أصحاب

لو يبقى دمعى نيل

ي صاحبنى لو ساير

الشوق يكون قناديل

والضوء يكون دابر

النحلة .. فوق زهرك

بتسبحك دايمًا

و شربت من نهرك

قلبى فرح جدا

يارب .. كنت زمان

غافل ومش دارى

البدء .. كان قرآن

بيدق فوق دارى

كل القلوب شايفاك

عارفاك رءوف وكريم

تحلم بنور رؤياك

تلقاك فى كل حليم

الكون وما جواه

مرسوم بإيد النور

لو قلب عبدك تاه

لازم يعود مستور

لما ظهر قمرك

خلّى النفوس تدن

ساعة ما بان فجرك

الكون صبح أحسن

تدخل عنيه الفضا
الصمت يصبح صوت
تنزل دموع الرضا
فى حضرة الملكوت
**

لما لمحت الكون
ساجد فى كل مكان
قلبى سبىح فى سكوت
مع حرف م القرآن
**

جوه السحاب قنديل
ما يبانشى للغفلان
الجنة .. سجدة ليل
بتظهر الإنسان
**

ساكن فى سطر كتاب
يارب يا رزاق
صبحت آهاتى سحاب
علشان إليك مشتاق
**

صبحت دموعى ندا
والطاعه كانت قوت
الله يا دمة ندى
على فرع حاضن توت
**

خرج الوليد فارد
إيده فى ألف طريق
البعض كان شارد
والبعض كان صديق
**

من أول المشاوير
واحنا معاك ماشيين
وان زادت الأعاصير
نيجى حماك ساجدين
**

فى البدء كنت النور
مالى قلوب وقلوب
واما ببيجى الدور
بالروح معاك بندوب
**

سلمت نفسى إليك
لما ابتديت أقراك
يا كريم .. تُكالى عليك
والروح ماليتها ضياك
**

نلمس طريق بارد
يدفى ويبقى مضىء
نلقى الفؤاد ساجد
والجنة تبقى رفيق
**

الله .. أقولها كمان
تصبح طيور فضه
واما بكون قلقان
بدموعى أتوضى

الله .. يزيد الشوق
ترعشنى من جوه
أطلع معاها لفوق
أتباهى بالقوه

الله .. وتدينى
كل اللى باتمناه
فى الضلمه تهدينى
لما أقول الله

الله .. بتشفينى
من كل ليل بيطول
أبعد .. تنادينى
تحمينى م المجهول

صبح الطريق قرآن
فى حضرتك أهدى
تتبدد الأحزان
آه يا كريم .. وارضى

باستأذنك أرتاح
فى جنتك واهدى
لو جوه قلبى جراح
بتكون معاك ورده

باستأذنك أكتب
عن حسنك الزايد
من كل شىء أهرب
لطريقك القايد

باستأذنك أناديك
واسجد على الأطلال
فى كل شىء الأليق
مسجد .. وألف بلال

باستأذنك يا رءوف
تشفينى م الأوهام
لسه فى نفسى الخوف
من قسوة الأيام

يا هادى ألف سماح
بكره النفوس تهدى
بكره اللى تاه يرتاح
بكره الجريح يرضى

أسهر معاك .. أسهر
فى كتابك المفتوح
تدينى ضوء أخضر
أدخل حماك بالروح
**

يارب .. والقناديل
فى الدم مسروجه
أسهر فى نهر الليل
يبقى السجود موجه
**

فى حضرتك أهدى
هدينى بالأحاديث
صمتى صبح ورده
يا أعلى أعلى جليس
**

فى جناب الصلوات
سجدت قلوب الكون
قلبى ملان دعوات
يا الى انت (كن .. فيكون)
**

القلب يتعطر
بعبير زهور بتفوح
ضىّ القلوب يظهر
كل الآلام بتروح
**

الله وأقول الله
تطلع نجوم وهلال
لو ليله عبدك تاه
تهديه بكلمه حلال
**

سهرنى ويا آيات
تحيينى من جوه
كبرنى بالحسنات
واحمينى بالقوه
**

الله .. أقولها أدوب
فى الأرض والسموات
أنا راضى بالمكتوب
أنا غالى بالصلوات
**

إحفظنى قلب شريف
ساجد فى كل مكان
خلى حياته رغيف
خلى دموعه أدان
**

تصبح حياتى حياه
من غير ضلام وضلال
لا مال يفيد ولا جاه
إلا لعبيد المال
**

يا حسرتك يا غريب
عيني عليك عيني
إمتى هاتبقى حبيب
لعظيم .. مالوش تانى
**

ضيعت عمرك ليه
فى سكة التايهين
يا صاحبى نابك إيه
غير ليل طويل وحزين
**

يا توهة الحيران
فى سكه جوه الليل
تهديه آيات قرآن
يصبح بنورها دليل
**

باستغفرك يا كريم
إقبلنى لما هاتوب
إوعدنى بالتكريم
إوهبنى نورك توب
**

هاطفى نيران العيب
مع لحن إنسانى
بكره الجراح هاتطيب
يا عليم بأشجانى
**

يارب سلمتك أنا
كل اللى باقى من سفر
بس الطريق مليان ضنا
فيه الرفيق .. هو الخطر
**

علمنى اكون وياك شذى
ودموع بتلمس فى المقام
ما يكونش جوه الروح أذى
ما يكونش غير غصن اليمام
**

يارب .. سهل لى شىء
كان صعب فى أول عبور
خلينى لو شوك الطريق
باين .. أكون جواه زهور
**

خلينى بين جبل السحاب
مطره تطهر فى الغصون
آيه شريفه فى الكتاب
دمعه عفيفه فى العيون
**

خلى السحاب .. نور للصحاب
واهدينا لو زاد الضلام
إعفينا من ضيق الحساب
خلى الختام لينا سلام
**

محتاج (براقك) فى الرحيل
خدنى طريقك للصفاء
راضى يا قادر بالقليل
علمنى سيدى المصطفى
**

إسندنى لو أن الوداع
وانجذنى لو محتاج سند
خلينى للمحتاج دراع
وابعتنى للغرقان مدد
**

يارب .. ليل (المحنة) طال
صبرنى لو زاد اللهب
إرسمنى ع المدنه بلال
واشفعلى بالهادى الحبيب
**

إسقينى من أيوب محيط
خلينى أتحمل واكون
إكتبلى جوه الجنه بيت
إبعدى عن زيف العيون
**

إغفرلى مهما أكون نسيت
أو يوم جريت فوق اللهب
فى البعد عن نورك قاسيت
علشان نسيت قمر الأدب
**

آه يا غفور للى هرب
من بيتك المليان دفا
جبل التراب يصبح دهب
فى (كف) طه المصطفى
**

أنسى ؟ .. لايمكن يوم أتوه
أو اضيع فى سكه مضلمه
الضى بيبوس الوجوه
لو هى باست فى السما
**

فكرنى بالذنب الرهيب
لو يوم أخدنى الليل معاه
خلّى السجود لى طبيب
وارحم فى ضعفى يا إله
**

يارب .. جنة رحمتك
فى القلب بتصحى الضمير
إرعى زهورى بنسمتك
وارحم عيوبى يا مجير
**

أنا جوه فجرك يا إله
دمعى معلم ع الخدود
الله على طعم الحياه
والراحه فى ليلة سجود
**

يارب الكون راجعك
أترجى اكون معاك
فى عز الليل سامعك
آيه بحروف ضياك

أرجع والذنب باين
فى القلب والعيون
التوبه تكون جناين
وتضيع نار الظنون

الله على اللى الراجع
للحب واليقين
ينسى ليل المواجه
فى سكة الأمين

يارب .. نفسى اعودك
واتوب عن الذنوب
من نار الشوق يقيدك
دقاته ع الدروب

أرجعك باشتياقى
وبروحى الصافيه جدا
ألقاك حارس طريقى
والاقي بكره أحسن

آه يا طريق الشفا
للعبد لو مجروح
إشفعلى بالمصطفى
طه .. حبيب الروح

دفينى بالعبادات
وارحمنى م المكتوب
طهرنى بالحسنات
جوه آياتك ادوب

أنا فى حماك مرسوم
نجمه على الطرقات
نسمة .. يارب تدوم
فوق سكة الحسنات

يارب مش هارتاح
إلا إذا حسيت
إنك همست (سماح)
لى أمام البيت

عدّينى م الأهوال
من كل قلب ضنين
لو ليله مال الحال
أنضم للصابرين

الرحله طالت يا إله
إرحمنى من ذنبى بقى
مهما تطول بينا الحياه
آخرتنا خطوه ضيقه
**

يارب .. قيد لنا القمر
تصبح عيوننا نجمتين
نحمى الصحابه م الخطر
وننادى للحق المبين
**

سلمنا للقلب العفيف
يرحم ضنانا وضعفنا
نسند معاك إنسان ضعيف
ويكون لجاهك حرفنا
**

يارب .. سلمنا النفوس
لآيات بتشفى فى الجراح
مين اللى يقدر يوم يدوس
نورك .. ويقتل فى الصباح
**

إملانا نور م المصطفى
خلينا نشعر بالأمان
روح الغريب متأسفه
إقبلها فى لحظة أدان
**

يارب .. جيت ملهوف
والقلب فيه أسرار
وانا بره "مكه" .. بطوف
بخيالى .. ليل ونهار
**

إحمينى من حرفين
تشبه خناجر نار
خلينى أعرف مين
للقلب يصبح جار
**

أنا فى حماك واقف
باترجى .. نفسى أتوب
جوه الطابور راجف
صابر على المكتوب
**

خلينى رعشة صلا
تغسل سكون الكون
وان قامت الزلزله
أرجوك تكون العون
**

صفى القلوب م الليل
دفى النفوس بالنور
فى السكه خُدى دليل
وجناح عشان عصفور
**

أشتاق لظه كل يوم
ألمس بيبانه فى الخيال
أصحى فى عز النوم .. وأقول
ألقانى حققت الآمال

جملنى بالدين الحنيف
كلمنى بالهادى الحبيب
خلينى بين القوم شريف
واهدينى للقلقان طبيب

يارب .. لو ضاع الفؤاد
إلقاه عشان يقدر يعود
من يوم ما جاب طه الميلاد
بيننا وبين روحه عهد

إدينا قنديل الدخول
ندخل رحابك فى أمان
علمنا يا أصل الأصول
إزاي نكون سجدة إيمان

ولا لينا غيرك فى السفر
ولا خدنا إلا صحبتك
ظه ظهر .. زى القمر
قايد خطاوى لجنتك

يارب .. صمتى كلام
فى حضرتك يا إله
فى دنية الإسلام
كل اللى ضاع ألقاه

سمعى أعلى آيات
رجعنى ليك ملهوف
زودنى بالحسنات
واكفينى شر الخوف

زودنى بيك يا كريم
وارفعنى بالأفعال
لو زاد فى ليله الغيم
ع المدنه خُذنى بلال

لو ثوّهت يوم فى النوم
صحينى بالقرآن
كل اللى خان .. محروم
من "ظه" .. يا رحمن

فوق الجبل حطيت
زهرة .. سقاها ضياك
واما بفضلك جيت
شفت الرسول وياك

صمتى كلام .. الله على ..
لحظه سجودى لحضرتك
القلب راجف فى الصلا
إهدينى نسمة جنتك
**

يارب .. وافتحلى ببيان ..
الحب .. واهدينى السبيل
المصطفى .. جوه الكيان
حقق بصبر المستحيل
**

كبرنى بين الناس بنور
خارج من الحرف الشريف
خليلى شوك الليل زهور
خلينى للمحتاج رغيـف
**

يارب .. سهل كل شىء
واحمينى من طمع القلوب
خلى الرسول .. لى رفيق
يحمينى من ليل الغروب
**

ما تخلنيش أبدا ضلام
ما تخلنيش غير سوسنه
أصبح محبه وابتسام
جوه القلوب المؤمنه
**

يارب .. نفسى أكون
هدمة يتيم محروم
ما اقدرش لحظه أخون
وأكون إمام القوم
**

يارب .. لى معاك
توبه .. وألف قبول
طهرتنى بلقائك
خليت لسانى يقول
**

خلينى نجمة شوق
بتبوس خدود ساجدين
خلينى أقدر ادوق
النور .. مع التايبين
**

لاجىء إليك يا رءوف
إقبلنى .. يا فتاح
نفسى لوجهك اشوف
نفسى معاك ارتاح
**

هدينى جوه رياح
بتهز حتى الروح
جابلى الرسول مفتاح
ويايا فين ما باروح
**

الحق .. حَقِّكَ .. مستحيل
أقدر أدوس فوق الحقوق
خلينى نجمه فى ليل طويل
واخذه القلوب بالحب فوق
**

يارب .. قنديك ضيا
نورَ عشانى فى الدروب
طه إمام الأنبيا
ساكن فى دقات القلوب
**

جدد طريقى بالكتاب
جدِّدْ فى عمرى بالدعا
إحمينى من ليل الضباب
من خطوه غامقه مُسرعه
**

يارب علمنى الأدب
ودارينى عن كل العيوب
خلينى قادر ع التعب
وان يوم نسيت .. أقدر أتوب
**

سلمنى للهادى الأمين
كلمنى قبل رحيلى ليك
مهما تطول بى السنين
راجع لأرضك يا ملك
**

يارب .. ليلى نهار
من طول ناديا عليك
خلينى لاجل الجار
نسمة إيمان ترضيك
**

إسقينى من أمطار
نازله تبوس الكون
إحمينى من أخطار
سدنى لو مديون
**

أنا فى رحابك نور
قائد عشان الناس
صُحبة إيمان وزهور
حاضنه طريق إخلاص
**

يارب .. وانت عليم
با اللى القلوب شايله
فى سكة التعظيم
قولنا بشوق .. الله
**

خيرك مشبعنى
و غنّينى من جوه
لو اتوه .. يرجعنى
يملانى بالقوه
**

أنده عليك .. من لهفتى
تجاوبنى بالخير الوفير
تسبقنى عندك خطوتى
يا صاحب الفضل الكبير
**

إجمعى من مليون جبل
سمعى دايمًا فى الآيات
لو ضعت .. إيدنى الأمل
حقلى كل المعجزات
**

أرجوك تخلى وجهى نور
فى وسط دنيا مضلمه
تصبح حروفى لك زهور
ونجوم بتلمس فى السما
**

إشفعلى بالهادى الأمين
إسمعلى حرف شريف عليك
يارب .. كل المؤمنين
ساجدين بفرحه بين إيديك
**

إرحمنى من طول الأمل
ما تخلنىش لليل أسير
خلى صلاتى تتقبل
خلينى بين الناس ضمير
**

سافرت لك .. ونسيت
عندك يارب الروح
لما وصلت البيت
إنت شفيت مجروح
**

يارب .. كونلى دليل
فى السكه لو محتاج
ويا قمر الليل
يتوضى فى الأمواج
**

سافرت لك ملهوف
إقبلنى يا الله
ساجد وانا مرجوف
والفكر منى تاه
**

يارب .. كون سدى
فى سكه ليلها دمار
كاتب على وردى
(الله) حروفها نهار
**

من نهرك الفايض
أشرب عشان ارتاح
قمر السفر قايد
بس الطريق جراح
**

يارب الكون .. وجودى
فى ألف وألف شىء
أهم شىء سجودى
على ميت مليون طريق

إشجبنى بكل آيه
نفسى أرتاح وأفوق
تدينى جناح هدايه
أطلع يارب فوق

خلى المختار رقيقى
فى صعوبة السفر
يحمى م الشوك طريقى
والليل يعطيه قمر

يارب .. دوبتنى
الحيره ع الدروب
وحروفك قربتنى
من دقة القلوب

صبرنى ع المسالك
نورنى فى الضلامه
إحمينى م المهالك
رجعنى بالسلامه

يارب اقول حاضر
ساعة نذاك لى
فى لقاك .. أكون حاضر
بآيات إلهيه

صبرنى لو أحتاج
طهرنى بالفكره
خلينى فى الأمواج
مركب إيمان طاهره

ريحنى يوم ورا يوم
واهدينى للآيه
لو شُفتنى محروم
إرزقتى برعايه

يارب .. كون العون
والهادى ع الطرقات
إقبلنى مهما أكون
واسندنى بالحسنات

دايب فى ضىّ لقاك
وماليش سواك يارءوف
إخترتنى أهواك
أناديك وانا ملهوف

تناديني .. أرد : "حاضر"

واجب إليك ضعيف

أنت يارب قادر

تخلي الكون شريف

داري طريق حياتي

م الشر .. والقزاز

عايز أشعر بذاتي

في سجودي مع العزاز

طهرني حته حته

إغسلني بالآيات

خلي آخر محطه

أظهر من اللي فات

يارب .. لو أجيلك

إقبلني مستكين

خليني ركوع في ليلك

ويا الهادي الأمين

إمحي الذنوب .. وسامح

قلبي اللي روحه فيك

شوك الخطيئه جارج

على قلبي اللي شاريك

يارب .. باستغفرك

مهما يجور الزمن

لو لحظه واحده اشكرك

الجنه تبقى التمن

هنيني بالصلوات

دفيني بالأوراق

العمر كله فات

ومازلت ليك مشتاق

أستغفرك .. وأتوب

وامشي طريق مبرور

في قلب أرضك ادوب

روحي تكون عصفور

دوبني جوه حماك

ما تخلنيش احتار

خدني وانا وياك

لجزيرة الأسرار

أنا من عدم .. وهاعود

جوه التراب يارب

أنا في حماك موعود

بالنور .. يا نور القلب

جوه الصلا .. باستغفرك
قبل الصلا .. بعد الصلا
فى كل لحظه باشرك
والقلب بالحب اتملى
**

يارب .. قدر خطوتى
توصل الى باب السما
إقبل بفضلك دعوتى
ويا الجموع المسلمه
**

دوبنى فى بحر الخشوع
عذبنى لو أقدر أخون
نزلت على توبى دموع
وشكرت فضلك با حنون
**

أستغفرك من كل شىء ..
يغضب ياربى حضرتك
نفسى أعود تانى صديق
والمس بروحى جنتك
**

ياذا الجلال .. ياذا النعم
إقبلنى بعد غياب طويل
خلينى أقدر اقول نعم
واسمع دموعى يا جليل
**

يارب .. والمشاور
صعبه على قدمى
إحمنى م الأعاصير
واشفينى من ندمى
**

طه معايا هناك
ماشى يصبرنى
على بحر موجّه هلاك
يارب قدرنى
**

لما الأمل ضمنى
طه نده لى
غيرك ما بيهمنى
ولا غير هُداك فى
**

إندهنى لما هاتوه
داخل ضلام سراديب
خلينى جوه وجوه ..
الناس يارب حبيب
**

إقبلنى لاجل أفوق
وأروق وابات مرتاح
يارب .. كلى شوق
نفسى معاك ارتاح
**

سَهْلٌ فِي مَشْوَارِي هُنَا
سَهْلٌ فِي مَشْوَارِي هُنَاكَ
جَوْهَ الْقُلُوبِ الْمُؤْمَنَةِ
خَلِينِي "وَمُضَه" مِنْ سَنَاكَ
**

يَا رَبِّ .. وَالْمَشْوَارِ تَعْبُ
جَوْهَ الْخَطَاوِي الضَّيْقَةِ
قَابِلُنَا نَاسٍ .. رَوْحَهَا دَهَبُ
وَنَاسٍ قُلُوبُهُمْ سَيِّئَةٌ
**

سَهْلَهَا يَا رَبِّ الْقُلُوبِ
وَأَحْرَسْنَا مِنْ طُولِ السَّفَرِ
إِمْحَى مِنَ النَّفْسِ الذَّنُوبِ
وَاغْسِلْ شَطُوطَنَا مِنَ الْخَطَرِ
**

إِخْتَارَنِي يَا رَبِّ الْأَنَامِ
عَلَّشَانِ أَكُونُ إِنْسَانٌ مُطِيعٌ
أَصْبَحُ سَلَامٌ .. وَيَا السَّلَامَ
وَأَكُونُ رَبِيعٌ .. وَيَا الرَّبِيعَ
**

دَفِينِي بِاللَّقْمَةِ الْحَلَالِ
صَفِينِي مِنْ شَهْوَةِ هَوًى
قَلْبِي فِي حَالَةٍ إِبْتِهَالِ
خَلِيهِ يَصَادَفُ فِي الدَّوَا
**

يَا رَبِّ .. شَرَفْتَنِي
بِكِتَابِكَ الْمَفْتُوحِ
فِي تَرَابٍ قَدِيمٍ شَفْتَنِي
رَدِيتَ عَلَيَّ الرُّوحَ
**

رَوْحِي مَعَاكَ هَايِمَةٌ
اللَّهُ عَلَى الْهَائِمِينَ
جَوْهَ ضِيَاكِ عَائِمَةٍ
مَعَ قَلْبٍ طَهَّ أَمِينٌ
**

الرُّوحُ .. وَمَا أَدْرَاكَ
يَا قَلْبِي بِالْأَرْوَاحِ
مِلْيُونِ جَنَاحٍ لِمَلَكَ
وَطَرِيقِ مَلَانِ أَفْرَاحٍ
**

يَا رَبِّ خَيْرِكَ فَاضِ
فِي كُلِّ لَحْظَةٍ يَفِيزُ
الْآيَةُ هِيَ الزَّادُ
وَحَدِيثُ رَسُولِنَا الْعِيدِ
**

عَلَّمَنِي أَفْرَحَ بَيْكَ
سَاعَةَ سَجُودِ قَلْبِي
أَقْدَرُ أَنْادِي عَلَيْكَ
وَالْمُصْطَفَى جَنْبِي
**

روحي معاك .. مهما جرى
لو حتى صار الكون عدم
يارب .. وانت المقدره
مهما تتوه بينا القدم
**

يسبقني طه ع البيوت
يوهبها زاد الروح آيات
خليني ضلة فرع توت
فى سكه قايده معجزات
**

إوهب لقتديلى ضيا
خلينى أشبع من لقاءك
يشفعلى سيد الأنبياء
وافرح بجنة نور معاك
**

أرجوك تدارى رعشتى
قدام جبل .. مليون دهب
أتهنى حتى بقشتى
وبعشتى .. رغم التعب
**

ما تخليش أسمع كلام
إنسان بيطمع فى الرخيص
أبقى الإمام .. جوه الزحام
يبقى الرسول .. لى جليس
**

رغم الكسل والخوف
يارب نجحتنى
لما قدرت أشوف
فى حزنى .. فرحتنى
**

فرحنى .. لما القاك
راضى على قلبى
سهران فى ضى سناك
والمصطفى جنبى
**

إسقينى لو عطشان
من نهر نور فضه
شايك فى كل مكان
من دمعى باتوضى
**

سهرنى بيك على طول
طهرنى بالدعوات
لو يوم طريقى يطول
صبرنى بالصلوات
**

مش ممكن الإنسان
يقدر يساعدى
بس انت يارحمن
فى الشده .. ساندنى
**

علمتني أشرب
من نبعك المفتوح
فكرت يوم أهرب
فسابتني روح الروح
**

عمرك ما بتردني
لو يوم دعيت م القلب
بالآيه بتشدني
ألقى معاك الحب
**

إسند خطايا ف ليل
فارد جناح الناس
خلى آياتك نيل
يتوضى فيه مختار
**

خليني حرف يدوب
فى بيتك المعمور
أقدر فى لحظه أتوب
وارجع لعهد النور
**

يارب .. نفسى أنول
العطف والغفران
يبقى فى روحى رسول
حاضن آيات قرآن
**

قلبي بيطرجى
يصبح دليل للناس
وياك بيتهجي
آيه بلسان إخلاص
**

باب الرجا مفتوح
يارب .. للمشتاق
هينى بالمسموح
يا أعظم الأسماء
**

ريحنى بالأحاديث
فرحنى بالأصحاب
طه .. حبيبى .. جليس
فاتح عشانى الباب
**

خلى كلامى سحاب
فى زحمة المشاوير
يشتى على الأصحاب
ويجيب رغيف للغير
**

أترجى فيك والرجا
يارب .. يا فتاح
يصبح قوارب نجا
لى يكون مفتاح
**

يارب .. خلى القمر
يسجد مع دمعى
لو زاد على الخطر
أسجد وانا بادعى
**

علمنى اقول الحكم
من واحة المختار
أنسى معاك الألم
يا عالم الأسرار
**

صَفَى الفؤاد م الليل
دفى الضلوع بالنور
خلى الدموع قناديل
واشفى النفوس البور
**

شوقنى ليك على طول
زوقنى بالقرآن
خلى كلامى سيول
بتهز فى الوجدان
**

يارب .. قلبى عليل
إشفيه من الآهات
خليه يشد الحيل
بالحادى .. والآيات
**

يوم الوداع يارب
صبرنى ع المجهول
نورك بيملى القلب
خلينى أقدر اقول
**

لسه الرسول جايب
لينا مجايب خير
قلبى معاه دايب
ونسيت يارب الغير
**

ودعت كل الناس
وناديت عليك بأهات
الرمل أصبح ماس
فى لحظة الصلوات
**

ودعت دنيا النار
علشان أنول فى رضاك
يا قسوة المشوار
لو سابنى بدر علاك
**

عمرى ما ودعتنى
خلينى جنبك نور
أنا قلت .. وسمعتنى
وزرعت أرضى البور
**

إزاي هاودعك
وانا بيك .. وليك رجوعى
لو لحظه أسمعك
تجرى عليك دموعى
* *
يارب .. أنقذنى
الآيه م العذاب
قدامهم عززتنى
وخذتنى م السراب
* *
خلى القرآن رفيقى
فى وداعى للجموع
شمسه تنور طريقى
تشبعنى .. لو أجوع
* *
يارب .. سنتى .. سنتى
دوبنى فى السجود
إهدى شراع سفينتى
لحقيقة الوجود
* *
شدت رحالى .. جيت
قدام بابك ناجيتك
لو كنت نسيت .. نسيت
روحى فى حزن بيتك
* *

ساعة دخولى بشوق
ألقاك بتعرفنى
يارب خذنى لفوق
بشهاده .. شرفنى
* *
شرفتني دايمًا
بكتابك الطاهر
واما الديوك تدن
ألقى الرسول ظاهر
* *
إفتحلى باب نورك
خلينى خير للناس
كتفى عليه طيرك
قلبى وتر حساس
* *
يارب كون الصوت
لى .. يصحبنى
لو لحظه واحده أفوت
على "مكه" .. إسقبنى
* *
إحيينى بالقرآن
واسقبنى يا موجود
إحمينى بالغفران
خلينى تانى أعود
* *

أدخل عليك يا طه
تقابلى بحضن دافى
أنسى ليل المتاهه
فى فجر .. سجوده صافى
**

يارب .. حيرتنى
الدنيا واحه .. واحه
قدامك صغرتنى
فى سكه مش مريحه
**

عَدِنى .. نَفْسى أوصل
لمكه .. والمدينه
أنا راجع مهما يحصل
أشفى فى روح حزينه
**

يارب الكون أغيثنى
من ذنب زاد شجونى
لسه القرآن حارسنى
والهادى ما بين عيونى
**

إندهلى لو نسيك
جهلى أوقات يزيد
رجعنى لقلب بيتك
خلى الأرزاق تفيض
**

يارب .. ترحالى
لمدينه الهادى
فى مكه راسمالى
ومحبتك .. زادى
**
أبعد .. وأتغرب
وارجع إليك تايب
من جنتك أشرب
فى حماك أكون دايب
**
يارب .. والمشاوير
صعبه على الماشيين
إحمينا م الأعاصير
واسقينا نور الدين
**
خلينا ندخل يوم
فى جنتك نهدي
لو قلب عاش محروم
نهديه عبير ورده
**
يارب .. خلى الروح
تصبح حنان و أمان
تشفى فؤاد مجروح
بآيات من القرآن
**

ترحالى طال .. إمتى اللقا
نفسى فى يوم أوصل بقى
روحى إليك متشوقه
فى سكه روحها ضيقه
**

عَدِينى من بحر التعب
صحينى لو نام الجميع
علمنى يارب الأدب
من طه أزهار الربيع
**

ترحالى خدنى بدون ميعاد
لموانى غامقه بدون عدد
خلانى أغرق فى العناد
إنقذ حياتى يا "أحد"
**

يارب .. قلبى بدون بيان
وانت اللى حارس دقته
لو يوم فقدنا فى الإيمان
هايتوه ويفقد جنته
**

هَدِينى منهما الريح تزوم
مهما تخون كل الرفاق
إهدينى دايمًا للعلوم
خلى الرسول للقوم "بُراق"
**

يارب .. لو مهموم
أنده بدمعى عليك
حتى فى عز النوم
ألقانى ساجد ليك
**

أحلم وانا صاحى
واحلم وانا نايم
بالهادى مصباحى
جاب لى نور دايم
**

لو آجى ليك أشكى
ضمد جراح نفسى
هدينى لو أبكى
واطفى نيران يأسى
**

يارب .. آجى ذليل
وأنام فى محرابك
ألقى ضياك قنديل
مرسوم على بابك
**

لو داست الأيام
ع القلب .. نجينى
وان طالت الآلام
على طه ودينى
**

على نور هداك ويا الآيه
ارتاح واغمض فى عنيه
سجادتى .. تتحول رايه
والفك حديث جوه إيديه

يارب .. كلفنى أجيلك
هاجى بروحى البسامه
ماقدرشى ابدأ أدعيلك
إلا وانا محنى القامه

أدعى .. على قد ما باقدر
تتحول الرمله جنائين
جبل الرماد يصبح عنبر
وابنى بنور طه مداين

خلينى جاهز .. مستنى
لحظة لقا .. لازم تيجى
سنى .. بيكبر عن سنى
والدفعه أكبر من موجى

يارب .. فكرنى تملئ
إن الحياه دايما (ومضه)
إزاي هاقوم لاجل أصلى
من غير ما جيلك واتوضى

قلبى فى توبك خرج
يارب .. عاد منصور
جايب معاه الفرج
إسقيه .. سيول النور

خرج الإمام منى
خلى الطريق حسنات
وكبرت عن سنى
يارب بالآيات

أيوه تُكالى عليك
مهما يزيد الخير
قمرى حضن لياليك
و وهب ضياه للغير

أسبق خطايا عشان
أجى إليك أدعى
فى رعدة القرآن
ينزل عليه دمعى

خارج إليك سارج
شمس الدفا والعون
أحرسنى لو خارج
أوصف ضياك للكون

خارج إليك .. سارج شموع
فاتح ببيان المعرفة
لما تفيض فى الروح دموع
يمسحها طه المصطفى

يارب دارى فى العيوب
واسترها يا ستار بقى
إنت اللى عالم بالقلوب
المؤمنه .. والسيئه

لو قلبى أذنب .. رجعه
خليه يعود دنيا الصواب
لو نادى ليله .. إسمعه
وافتحله باب .. ويا اللى تاب

سهرنى لو عايز أقول
عنك كلام مالهوش مثيل
خلينى فى حضن الرسول
زى الشراع .. بببوس فى نيل

يارب واسقبنى المنى
وارحمنى من دنيا الجفاف
اللحظه تتحول سنه
لو كنت ساجد ع الضفاف

يارب .. صفينى
م الكذب .. والآهات
شمسك تدفينى
فى رعدة الآيات

إشفينى من دائى
لو حتى طال الداء
لك كل الشوق
يا مالك الأسماء

أنا فى حماك .. خدنى
لمداين القرآن
مع طه إسعدنى
خلى شعاعى يبان

يارب .. دارينى
من نظرة الشياطين
بالآيه تشفينى
أقرى .. وأقول آمين

دارى عيوب قلبى
واعدانى ع السكه
خلى الرسول جنبى
ساعة دخول مكه

النوم طيور .. طارت منى
رجعلى طيرى عشان ارتاح
أصلّى .. مش غصبن عنى
وان غيببت عنك ثانيه .. سماح
**

يارب .. دخلنى رحابك
وانخلنى لاجل الطفل رغيف
إفتحلى .. لو تسمح .. بابك
واجعلنى دايمًا قلب نضيف
**

سميت .. وجيت للبيت .. لبيت
نامت دراعى على الشباك
لما نادانى الحب لقيت
النور قابلى ف شكل ملاك
**

من ذنبى .. غيثنى وطهرنى
واسقينى من حوض الحكمة
ويا رسولك سهرنى
خلينى فى كتابك كلمة
**

يارب .. قدرنى أشوفك
بالروح .. فى كل مكان طاهر
أصبح جناح فوق صفصافك
وقمر .. لكل الناس ظاهر
**

يارب .. والأيام
لسه بتجرحنى
لو أشكى م الآلام
أرجوك تسامحنى
**

نهر المحبه فاض
فى القلب من جوه
نور الأحبه قاد
بالحب .. والقوه
**

يارب .. صبرتنى
دايمًا على اللى ضاع
بالحادى طهرتنى
خليت صلاتى شراع
**

أيام تدور بينا
سهلها يا ستار
خلى الطريق لينا
يصبح لغيرنا نهار
**

عدينا يا الله
خلينا نبقى اخوات
بحر الإيمان ما احلاه
لو موجه كان صلوات
**

وتأخذنى أيام الهوى
ألقاك فى كل مكان سماح
يارب .. خلىنا سوا
نسينى عُمر ف ضلّمه راح
**

خلىنى نجمه ع الطريق
قايدة عشان كل البشر
آيتك تكون هى الصديق
وحديث رسول الله قمر
**

شوفنى .. إذا ضلّيت فى يوم
رجعنى تانى للصراف
لو يوم .. تزيد فى الهموم
ريحنى بحروف الآيات
**

إحيينى لو داسنى التراب
رجعنى تانى للصبا
خلىنى لاجل الدعوه باب
فى النهر .. خُدى مركبه
**

يارب .. والأفضال كثير
كثّر فى قلبى محبتك
إرسمنى بين الناس ضمير
واهدى بفضلك صحبتك
**

يارب .. من شوقى
فكرى فى مُلكك تاه
الدم فى عروقى
ويايا .. قال الله
**

أشتاق إليك .. آجى
ألمس بقلبى السور
لا برج كان عاجى
ولا كان هناك مغرور
**

يارب .. يا رزاق
أرزقنى بالمقسوم
فى جنة الأشواق
لا عذاب هناك .. ولا لوم
**

عدينى من محيطات
عايزه تغرقنى
بالحب والآيات
للجنة شوقنى
**

دفينى جوه طريق
رافض يدينى
طه يكونلى صديق
م الليل يعدينى
**

أشتاق إليك .. شوق الوليد
للأم .. فى لحظة صفا
فى كل طلعة يوم جديد
يغسلنى نور المصطفى

يارب .. قنديك ظهر
فى كل "سنتى" ع الدروب
الكل بالنور انبر
والحب خلى الروح تتوب

إسقينى م النهر الحلال
خلينى جوه الكون مطر
علمتنى .. يا ذا الجلال
بالآيه أتحدى الخطر

جمعنى .. لما أضيع فى ليل
فارد جناحه ع الخلا
رجعنى .. أتوضى فى نيل
و اصبغ دليل .. جوه الصلا

يارب .. ما تسبينيش أتوه
والذنب يكسر مركبى
خلينى نسمة .. ع الوجوه
والجنه تبقى مطلبى

يارب .. لو صادق
وصلنى لرحابك
بسلام أكون بادىء
على كل أحبابك

جمعنى بيك فى طريق
بيحن ع الأحباب
خلينى جوه الضيق
نسمه بتحضن باب

يارب .. كون للروح
بحر السند والشوق
خلى حمام الدوح
ويانا يطلع فوق

إسقينى لو عطشان
إوهب عنيه ضياك
بعد الزمان .. بزمان
سيبنى أعيش وياك

أسجد .. دموعى سيول
وانده عليك قلقان
ييجى الرسول بقبول
تبقى الآيات فيضان

صاحبت ببيك .. كل البشر
صالحت ليك .. كل الجموع
صبح الضلام مليون قمر
صبحت دموع العين .. ركوع
**

يارب .. رَيِّح خطوتي
جوه دروب مالهاش عدد
خلي بفضلك كلمتي
تصبح لطفل يتيم سند
**

دوقتي من شجر الشفا
زوقتي لو راحل إليك
خلي حبيبي المصطفى
يشفعلى .. يوم عرضى عليك
**

أحبابى .. طه والكتاب
مكه .. وبیت سيدنا النبى
لما لمست القلب تاب
والصبر .. أصبح مركبى
**

دوبنى فى قلب الصفوف
خلي كلامى عليك حكم
لو لحظه داس القلب خوف
طه يخلى الكون نغم
**

شادد رحالى إليك
مادد إيديه بشوق
لما أتوه .. أناديك
ألقانى فوق الفوق
**

يا فرحتى بلقائك
ساعة سجود الليل
العاصى يبقى ملاك
يبقى الضلام قناديل
**

شرفتنى بكتاب
هو طريق الخير
دقيت فى لحظه الباب
نام فوق كتافى طير
**

عرفتنى بطريق
ها ياخذنا للجنان
طه حبيبي صديق
على سكة الحسنات
**

أنده بدمعى عليك
يصبح ندايا شروق
عمرى ما كنت ناسيك
يا أصلى ضوء الضوء
**

صمتى .. أدان مطلق
على سطحك الألمانظ
بالحب طالع فوق
بالرحمه .. قلبى فاز

كل اللى قولته عليك
يا إلهى .. كله كلام
بس اتجاهى إليك
خلانى أبقى إمام

طهرنى قلب وروح
واشفينى م الأحقاد
خلينى فين ما باروح
أصبح لعبدك زاد

لما يتوه الشوف
والسكه تبقى ضلام
أطلب حماك يا رءوف
تنصرنى بالإسلام

دايما بروحى أدوق
من آية الإعجاز
وان كنت يوم مخنوق
فرحنى بالإعزاز

سلمتنى قرآن
سلمت لك قلبى
بين الضلوع غفران
والمصطفى جنبى

يارب واسترنى
واحمينى م المجهول
ع الحب قدرنى
واعطينى لما أقول

لما ياخذنى سجود
ألقي شفيعى إمام
النور مألّهش حدود
للى معاك خدام

تلمس إيديه سحاب
ساعة الدعا والضيق
تبقى النجوم أصحاب
والبدر يبقى صديق

صفينى يارحمن
يا اللى إليك حبى
الله على الإيمان
لو يطفى يوم ذنبى

فى الساحة .. راحه معاك
فى الواحه .. صمت مهيب
روحى .. سَكَنها ملاك
قلبى .. فى قلبه حبيب
**

يا خالق السموات
والأرض .. والأكوان
الله على الصلوات
والحب للإنسان
**

ريحتنى بكلام
من قلب طه أمين
جوه الآيات أحلام
جوه الحديث رياحين
**

دفينى مهما أضيع
رجعنى تانى إليك
إزاي لحبك ابيع
رغم احتياجى ليك
**

يحلّى السجود وياك
يا أعلى أعلى طبيب
قلبى يطير فى علاك
أطفى نيران الغيب
**

صابر على المكتوب
سابع مع الآيات
إحمى القلوب .. بقلوب
محروسة بالحسنات
**

يارب .. خدنى إليك
إنسان رقيق ملهوف
قلبى تكأله عليك
نفسى لظه أشوف
**

دفينى جوه حماك
خلى رياحى نسيم
خلينى عبد ضياك
يا كريم .. وبى عليم
**

عرفنى فىن النور
شرفنى يوم لُقياك
خلى الفؤاد عصفور
سابع فى بحر سماك
**

الروح معاك بتدوب
وأتوب عن اللى فات
إوعدنى بالمحبوب
نسينى حب الذات
**

لِيَّ حَبِيبِ جَابِبِ
بِالْحَبِّ .. أَلْفَ حَدِيثِ
قَلْبِي مَعَاهُ دَائِبِ
قَمَرُهُ لِقَلْبِي جَلِيسِ
* *

يَا حَبِيبِي .. عَلِمْنِي
إِزَايَ أَكُونُ عَبْدُكَ
بِالْحَبِّ كَلِمْنِي
عَلْشَانَ أَكُونُ عِنْدَكَ
* *

يَا حَبِيبِي .. رُوحَتِ مَعَاكَ
بِالْآيَةِ لِأَجْلِ أَدُوبِ
خَدْنِي الشَّفِيعَ لِحَمَاكَ
وَيَا قُلُوبَ وَقُلُوبِ
* *

يَا حَبِيبِي .. مِينَ غَيْرِكَ
فِي الشَّدَةِ يَسْنَدْنِي
طَيْرِي حُضْنَ طَيْرِكَ
عَلْشَانَ مَا يَسْعَدْنِي
* *

زَهْرَ الْإِيمَانِ طَائِبِ
وَالْبَدْرِ لِيَّ قَرِيبِ
بِسَ الْفَوَادِ هَائِبِ
مِنْ كُلِّ قَلْبٍ حَبِيبِ
* *

أَسْهَرُ مَعَاكَ لَيْلَاتِي
أَتَوَضَّى مِنْ آيَاتِكَ
الْخَيْرِ يَارَبِّ آتِي
مَلْفُوفٌ بِمَعْجَزَاتِكَ
* *

إِزَايَ هَاتِرْجِي غَيْرِكَ
وَأَزَايَ هَاعْبُدُ سِوَاكَ
وَاقِفٌ عَلَى سَطْحِي طَيْرِكَ
جَوْهَ الْفَوَادِ سَنَاكَ
* *

إِحْمِينِي مِنْ طَرِيقِي
وَاسْقِينِي مِنْ نَجْوَمِكَ
طَهْ دَائِمَا صَدِيقِي
شَبْعُنِي مِنْ عِلْمِكَ
* *

يَارَبِّ .. خَلَى قَلْبِي
يَصْبِحُ جَنِينُهُ طَاهِرُهُ
قَمْرُكَ يَصْلِي جَنْبِي
وَيَجْبِلِي بَكَرُهُ بَكَرُهُ
* *

أَسْهَرُ مَعَاكَ وَقَلْبِي
يَفْضُلُ يَنَاجِي فَيْكَ
أَلَاقِي الْهَادِي جَنْبِي
وَأَنَا سَاجِدٌ بَيْنَ إِيْدِيكَ
* *

أناذك من كل ناحيه
ألاذك فى كل شىء
ديوك القلب صاحيه
وبتن ع الطريق
**

يا غافر ذنب قلبى
إمتى الذنوب تروح
شيطان السكه جنبى
بيجرح الجروح
**

ريحنى فى المدينه
بزيارة الرسول
تهدى النفس الحزينه
فى لحظه القبول
**

قدرنى اكون سفينه
ومساعده للضعيف
الروح تصبح أمينه
والقلب يكون رغيث
**

أناذك .. ولك ندايا
والأصل والمصير
ألاذك فى كل آيه
ألاذك للروح مجير
**

الإيد ممدوده لسه
لنجومك البعيده
نفسى ألاقى مرسا
علشان روحى الوحيد
**

يارب .. يا مجيرى
من قسوة الحياه
خلى القرآن مصيرى
لو ليله القلب تاه
**

إحمنى من شيطانى
واهدينى بالنجوم
خلى الرسول يجينى
يسقينى بحور علوم
**

أستجد بيك يا قادر
وأنادى ليك بشوق
الذنب .. بحر غادر
إنجنى بالشروق
**

أنا إيه بدون آياتك
يا خالق الوجود
إرزقنى معجزاتك
خلى السكوت سجود
**

آجى إليك من غير ..
ما اسأل .. واكون نسمة
أنا راضى بالمقادير
أنا راضى بالقسمه

إرضينى مهما أضيع
واحينى بالقرآن
رجعنى طفل رضيع
أخضر .. برىء .. إنسان

يا عنفوان الضوء
قى القلب لو ملهوف
خلى دموعى وضوء
خلينى أقدر اشوف

إروينى من أحاديث
ويايا ليل ونهار
خلينى أبقى وريث
للهادى .. وأبقى منار

الله على الأرواح
لما تكون مصابيح
الكون فى نور يرتاح
فى النفس .. تهدى الريح

صفينى م الخطايا
من كل ليل أئيم
خلى للنور خطايا
وارحمنى يا كريم

إدينى لاجل أدّى
واوهبنى نور مبين
تصبح حسناتى قدى
وارتاح ويا الأمين

إفتح ببيان طريقك
للتايب الضعيف
عايز أكون صديقك
أصبح للكون وليف

صبرنى لو دروبى ..
ضاق .. والرزق ضاق
خلى الكتاب حبيبى
والصبر .. والحياء

إوهبنى من نجومك
شعاع يكون دليل
إسقينى من علومك
وارضينى بالقليل

كل اللي انا أملكه
من جاه .. ومال .. وعلوم
لازم فى يوم أتركه
للى هاييجى ف يوم

عودتنى أرتاح
فى كتابك المفتوح
أطفى جراح وجراح
وترد لى الروح

سهرتنى فى ضياك
أتهجى فى الآيات
قلبنى فرح برضاك
واتهنى بالصلوات

طه .. شفيعى إليك
وحبيبى جوه الليل
لما نادينا عليك
صبح السكوت تراتيل

يارب .. لو هانساك
لحظه .. فى ضلمه أضيع
شاغل فؤادى هواك
إزاي يارب هابيع

يارب .. مالى سواك
يا رعوف .. يا أصل الجود
أنا باستغيث بحماك
من كل ليل مفرود

لو يوم تزيد الريح
صبرنى ع اللى كان
وان كنت لحظه جريح
إشفينى بالقرآن

ريح الدمار .. والخوف
حاولت تدوس الروح
إحمى القلوب يا رعوف
وصاحبنا فين ما نروح

كان الرسول مصباح
واحنا ف طريقنا إليك
سلم لنا مفتاح
علشان ما ندخل ليك

يارب .. طال النوم
صحينا بالآيات
إعطف على المحروم
بالصبر .. والبركات

قرآن .. ربيع قلبى
زى المطر للأرض
لو يمشى يوم جنبى
يدينى طول .. مع عرض
**

قرآن .. بيهدينى
يارب للأحسن
فى الليل مصحينى
وشافينى لو أحزن
**

قرآن .. ضيًّا عينى
الحرف نوره جبال
لو عُوزت .. يدينى
ويحسن الأحوال
**

يارب .. سيبنى آيات
على سكة المحتاج
فى زحمة الصلوات
يصبح ياقوت التاج
**

لَبَسْنِي توب مرسوم
فوقه هلال العون
خلى الرغيف مقسوم
بينى وبين الكون
**

ضباب .. فى كل حته
إيه آخرة الخطأ
إمتى يارب إمتى
هانقول للضلمه لأ
**

أخذتنا الدنيا .. لكن
بنعود دنيا الصواب
الظلم .. لونه داكن
والجنه .. بألف باب
**

يارب ابعت عشائى
هلال فى الكون يقيد
خلى دايمًا إيمانى
شموع .. للناس تقيد
**

فرحنى بالمدينه
ومكه .. و خُذنى ليهم
روح المحتاج حزينه
نَسِينِى الحزن بيهم
**

يا عالم بالنوايا
وعالم بالقلوب
أحمد .. من البدايه
خلانا بيك نتوب
**

"عَمَلِي" .. صديق رحلتى

فى بداية الترحال

خلى نجوم سكتى

من "صالح الأعمال"

فى سكة التايبين

أنا كنت يا الله

وياها هادى أمين

بيساعد اللى تاه

يارب .. آجى إليك

شایل ذنوب وذنوب

تعطينى نور لياييك

لما فى لحظه أتوب

دوبنى فى الآيات

عذبنى لو طماع

إوعدنى بالحسنات

واحمينى م الأطماع

شایل حينى جبال

جايلك وانا ملهوف

فى لفاك .. يروق الحال

وتزول أراضى الخوف

يا صاحب الفضل العظيم

النور ما زال فوق البراق

يا بدر ويا الناس كريم

إحنا مفيش بيننا فراق

يا صاحب القلب الكبير

لسه ضياك صبح ومسا

الشوك صبح فى إيدك حرير

ويا الشفاعة المخلصه

يا أحلى أحلام الوجود

دفينى بنجوم الهدى

واقف معانا فى السجود

بتنادى .. ما أحلى النداء

يا حبيبى يا ورد السماء

يا أحلى أوقات السنين

للمولى بس الإحناء

يا نور فى قلب المسلمين

أسبق خطايا ع الطرق

إوعدنى بالهادى الأمين

اللى هرب منك غرق

من غير إمام المرسلين

يا أصل كل المعجزات
القلب برغيفك فطر
يا هادينا بنجوم الآيات
يا أحلى من كل البشر
**

بثهل ع القلب الجريح
يا هدايه م الرب الكريم
يصبح طريق الروح مريح
يا حضن دافى لليتيم
**

يا صاحبه فوق كل الحياه
بنقول إذا شغفناك نعم
يا هلال عشان قلبى اللى تاه
الكون صبح بلباقك نعم
**

متعطين وياك بنور
وانت المحيط وانت النجا
بنزور ويملى الروح سرور
آه يا رسولنا المرتجى
**

إسقينام الميّه الحلال
خلى نفوس الكون تدوب
إزرع فى قلب الروح بلال
وارسم هلاك فى القلوب
**

يا باقى دايمًا جوايا
نفسى حبیبى یونسنى
خلى الرسول لى هدايه
يا خالق الأكوان غيثنى
**

يارب يا عالم بينا
ومسير الأكوان لينا
إعطف علينا بغفرانك
خلى الحياه ترضى علينا
**

الله يديم لينا ف خيرك
يا جبال حياتنا المعروفه
النور دا .. شىء من أنوارك
أحمد .. يا أعظم تشريفه
**

طه وروحنا بتدعيك
الله على الإنسان لو فاض
تهدينا دايمًا قناديلك
آه يا قمر ومحبه وزاد
**

يا هلال بيضوى على الأكوان
وشراع فى بحر البشريه
إنت صحيح إنسان إنسان
ومحيط لناسنا المنسيه
**

يا موحدين .. اتوحدوا
خلوا الحقيقه تبان بقى
لحديث محمد رددوا
هدّوا جدار الشرنقه

يا اللا انشروا دعوة رسول
المصطفى .. سيد الأنام
مازال بيدعى للأصول
وبيمحى روحنا م الآلام

إنت يا ناسى كل شىء
فى دنيا زحمه مضلمه
أرجوك تفوق فوق الطريق
وتبص لحظه للسما

يا أغلى حاجه فى الحياه
ضوء المداين للجميع
يا هديه ظاهره م الإله
يا زهور جناتين للربيع

يا إجابيه لاجل الأسئلة
يا صاحب الوجه الجميل
يا رجفه فى قلب الصلا
يا دليل بيهدى فى الدليل

يارب .. سيبنى نجوم
جوه السما .. والليل
فى بحر حبك اعوم
علشان أكون قنديل

الليل سألنى كتير
سهران تناجى مين ؟
أنا قلت .. رب قدير
ورسول حبيب وأمين

يارب .. جيت .. ما نسيت
ولا يوم سهيت عنك
جوه الضلامه لقيت
يا حبيبى نور منك

ضلمه .. مفيش ضلمه
طول ما الفؤاد يناديك
كل الحروف راسمه
إسمك على الشبابيك

إسمحلى آجى أتوب
وابداً طريق مفتوح
فى الذكر لسه بادوب
ياروح لروح الروح

فى الليل أشوفك قدامى
أسجد على الأرض الناعمه
حقق بفضلك أحلامى
يا رب.. وتدوم النعمه
**

سهرتنى أقرى كتابك
طهرتنى من أخطائى
خلينى واقف على بابك
يا نور بيسكن فى عروقى
**

يارب .. حققلى رجايـا
بالآيه والنور الهادى
إنت اللى فاضل جوايا
يا اللى رضاك دايمـا زادى
**

من نهر نورك إروينا
عدينا للبر التانى
وصلنا يوم أحلى مدينه
فيها الرسول الربانى
**

يارب .. ودموعنا تجيـلك
تشكيـلك الخطوه الخاينه
تمسح دموعنا بمنديلك
تصبح نجوم فضلك باينه
**

يارب .. انا راحل
سهلها .. يا الله
خلينى ع الساحل
نسمه .. ونور .. وصلاه
**

راحـل بقلـبى إليك
ومفـيش سواك موجود
لو نادى قلبى عليك
أغرق فى نهر الجود
**

راجع إليك أرتاح
من قسوة التراحيل
إوهب طريقى سماح
واحمينى م الأباطيل
**

رافع إليك الإيد
والهامه جوه الأرض
لو نجمتك بتقيد
طولى يزيد .. والعرض
**

يارب .. لما بكون
راحـل إليك .. بلاقيـك
ألاقيـنى قد الكون
لما بفكر فيك
**

من قلب القلب داعى
وبقول يارب .. سلم
مادد للنور دراعى
لنجوم رقيقه بارسم
**

طه .. عودنى دايمًا
ع الحب .. والتسامح
لو ليل جرحنى جدا
أنسى اللى كان .. واسامح
**

راجع لحماك يا قادر
إقبلنى لاجل طه
خلينى حرف نادر
جوه حروف المتاهه
**

لو ثوّهت ف ضلمه .. خُدى
للضى .. والمزاهر
للدين يارب عيدنى
خلينى نهر طاهر
**

يا عالم بالولايًا
فى زحمة الدروب
خلى حديثى آيه
بتخلى الناس تتوب
**

يارب .. وانت أدري
إن احنا طيبين
بكره .. دا زهره طاهره
بالمصطفى الأمين
**

إحمينا من خصام
عايز يدوس علينا
خلى زهر الونام
يرحم دموع عينا
**

فى زحمة المدينه
يارب .. نشوف نجومنا
نيجى .. والروح حزينه
ونعود .. من غير همومنا
**

يارب .. خلى روحنا
جوه الملكوت تطير
خفف دايمًا جراحنا
إوعدنا بالضمير
**

قادر على كل حاجة
زارع عشاننا "غله"
فى قلب النهر موجه
جواها قلبى صلى
**

يارب .. لو هاتنسى

فكرنا بالكتاب

إزاي على بعض نقسى

واحنا أشرف صحاب

دفى القلوب برحمه

ممدوده ليل نهار

خلينا نبقى نسمة

بتبوس فى كل جار

إفتح ببيان محبه

لنفوس العاشقين

إحنا دايمًا أحبه

بالمصطفى الأمين

صليت على هادى روحنا

وجيت إليك كسير

الفجر زال جراحنا

يا عالم بالمصير

صبرنى لو مشاكل

هاتأخذنى يوم معاها

على بابك .. قلبى سائل

إحميه من المتاهه

يارب .. خُذنى جنبك

وصلنى للسحاب

قلبى دايب فى حبك

وإمام بين الصحاب

إنت اللى دارى بى

وحامينى م الظنون

السكه .. محمديه

والحب .. فى العيون

إحمى النور اللى قايد

من ضلمة العباد

الحب .. يبقى فايز

جوه نهر الميلاد

خُذنى معاك لظه

يملى العيون ضياه

لو جوه القلب آهه

لازم تدوب معاه

يارب .. يا حبيبى

ماليش غيرك صديق

لو طال فى الليل غيايى

إهدينى للطريق

النجده .. يا الله
يا عظيم .. يا حق مبين
بالسجده .. يا الله
هانكون مع التايبين
* *
إنت النجاه فى طريق
عايز علينا يدوس
خلينى بدر مضىء
يشفى نفوس ونفوس
* *
يارب .. خلى الناس
تتعلم الإخلاص
والقلب يبقى معاك
أخضر .. رقيق .. حساس
* *
فى سكتك نرتاح
نسجد مع "العارفين"
سلمتنا المفتاح
و بعت لنا أمين
* *
يارب .. خلى النار
تبعد عن العشاق
ودينا للمختار
نحكيله ع الأشواق
* *

طوق النجاه مفرد
خلينا نور للناس
يارب .. يا موجود
إحمينا بالإحساس
* *
ولا لنا إلا حماك
ولا فينا غيرك عون
محتاج يارب ضياك
يطفى فى ليل الكون
* *
آجى إليك ملهوف
تقابلنى ع الطرقات
إنت كريم ورءوف
يا عليم بذات الذات
* *
يارب .. لو ناسيين
فكرنا بالإحسان
أهدتنا طه أمين
خلى السكوت إيمان
* *
العدل فيك يا إله
والصبر ع اللى يخون
إزاي نعيش فى حياه
مليانه ليل وظنون
* *

شباك هلاك مفتوح

نجينا يا الله

بالحب خلى الروح

تصبح إيمان وصلاته

خلى عيوننا تشوف

الخير .. وتزرع فيه

خلى القمر يا رءوف

يسجد ما بين لئاليه

شباك أمل .. خليه

حاضن فى نسمة شوق

قلب الحياه نجيه

من كل ليل مخنوق

يارب .. كنا زمان

فى "الجاهليه" تراب

دخل القلوب قرآن

وفتح رسولنا الباب

لو حتى فين .. ألقاك

نور الوجود مرسوم

إحنا جماعه معاك

بنساعد المحروم

شفتك فى لمح البصر

يارب بى رحيم

حتى اللى فى انكسر

برجع بطه .. سليم

لما ابتديت أقراك

فى كتاب .. حروفه نجوم

دابت حياتى معاك

زالت هموم وهموم

يارب .. كنت زمان

هارب من الكرامات

لكن .. ضيا القرآن

دوبنى فى الحسنات

آجى إليك قلقان

وارجع وانا مرتاح

وبفارق الأحزان

لما اتوعد بسماح

صافى الفؤاد .. لو عاد

للحب و الأشواق

طه عشاتنا الزاد

ومفيش ما بيننا فراق